

# Lislaoongã

## Toagsg sên kuug koεga sên wiligd Lislaoongã wala a sên wa Alkurãan wagellã la Nabiyaamã sunnah pugã

yaa gaf sên be suka, n gūbg wīngri sên kuug koεga n wilgd Lislaoongã sên yaa a soaba, n vēnegd a yēg nins sên tug n pak n yudã, la a saglsã, la a sōmblemã, n yiisd-a Lislaoongã tikr nins sên yaa yēgã pugē, yē me la Alkurãan wagellã la Nabiyaamã Sunnah, la gafã b tognd-a la Sãri tuumã sên zao b rãmb fãa gilli (baatgsã) sên yaa b lislaoomba la sên ka b lislaoomba, ne bãmb buuda goama sên yaa zīig ningã fãa la zãmaan ning fãa, n logem ne yelã sên yōs taabã fãa la allhaal-rãmbã.

(Kopi (yiisegu) sên tigim daliil-rãmb sên yi Alkurãan wagellē wã la Nabiyaama Sunnãh)

## 1- Lislaoongã yaa Wēnd tēn-tumde n tug nebã fãa gill nengē, rēnd yēnda la Wēnd tēn-tumd ningã sên duumdã, sên wa n pids Wēnd tēn-tumã fãa gilli:

Lislaoongã, yēnda la Wēnd tēn-tumd n tug nebã fãa gill nengē, Wēnd yeelame, A Naam zēkyã: { La Tōnd ka tum foo rēndame ti fo yaa sū-noagd la bugsda neba fãa yīnga, la nebã wusgã fãa ka mi ye}. [Assaba'u 28], la Wēnd le yeelame A Naam zēkyã: {Yeele: neba, ad mam yaa Wēnd tēn-tuum n tug yãmb fãa nengē} [Al-Aaraafu 158] Wēnd le yeelame A Naam zēkyã: {Yãmb a neba! Sida tēn-tuumã waa yãmb nengē ne sida, sên yi yãmb Soabã nengē, bɪ y kō sida, ti rē n são ne-yã, la y sã n kɪfle, ad Wēnd n so sên be saasē wã la tengã, la Wēnd yume n yaa a Mita, n yaa buud Mita.} [Annisaa'u: 170 ] Lislaoongã la Wēnd tēn-tumde sên duumdi, yē n leb n pids Wēnd Tēn-tumã fãa gilli, Wēnd yeelame, A Naam zēkyã: {A Muhammad ka yi n yaa yãmb roapã baa a yembr baaba ye, la a yaa Wēnd tēn-tuumã n yaa taasdbã Pidsda, la Wēnd yume n yaa a Mita ne bũmb a fãa gilli} [Al-ahzaab 40],

## 2- La Lislaoongã ka dīin sên welge n kō buud toore maa neb toor ye, ad a yaa Wēnd dīin n kō nebã fãa gill keɸ.

LaLa Lislaoongã ka dīin sên welge n kō buud toore maa neb toor ye, ad a yaa Wēnd dīin n kō nebã fãa gill keɸi, la rãeenem sagl sên be Alkurãan zısgã pugē, yaa Wēnd koεgã A naam zēk yã:

{ yãmb a neba, tū-y yãmb Soabã, sên naana yãmbã la sên deng yãmb taorã sãnd-sãnde y na paam Wēn-zoεεga }

{Albakara 21};

Wēnd leb n yeelame A Naam zēkyã:

{ Yãmb a nebã! zoe-y Soab ning sên naana yãmb n yi yōor a yembrã la A naan a pagã n yi yō-kãng pugē, la A sãeg sên yi bãmb b yiibã nengē rap wusgo la pagba }

[Annisaa'u:1 ].

La yii a `Umar biig nengē, -Wēnd yard be b yiibã yīnga- ti Wēnd Tēntuumã -puusg la tilgr be a yīnga- a goma ne nebã Mak pakrã raare n yeele:

«yãmb a neba! Ad Wēnd seesa zulem sasa yelã n bas yãmbã, la a wug-m-mengã ne yaab-rãmbã, rēnd nebã yaa neb a yiibu: manegda sên yaa Wēnd zolta n yaa tırg Wēnd nengē, la nin-wēnga sên yaa zu-be-neda n yaa yaalg Wēnd nengē. La nebã yaa a Adam koamba, la Wēnd naana a Adam ne tom. Wēnd yeelame, A Naam zēkame:{ yãmb a nebã ad Tōnd naana yãmb n yi rao la paga, la D maan yãmb ti yaa zãmaan fãa ne a neb la buu-rãmba bul yīng ti bãng taaba, ad yãmb woor sên yuda Wēnd nengē yaa sên yuda ne Wēnd zoεεg yãmb pugē, ad Wēnd yaa a Mita n yaa Minim-tēng-n-biiga}.[Al-Hugraat: 13]»

A Attirmiizi n togs-a, (3270).

La fo ka yãt Alkurãan zısgã sagls pugē, maa Tēn-tuum wagellã sagls pugē -puusg la tilgr be a yīnga- Sari sên tug n welg n kō neba, maa zãma, ti yaa b buudã yīnga, maa b zãmanã neba maa b kōbgã yīng ye.

### **3- Lislaoongã yẽ la Wënd tẽn-tumd ningã sẽn wa n pids nabiyaam-rãmbã la tẽn-tuumbã sẽn reng taorã tẽn-tumã n tug b nebẽ wã. puusg la tilgr be b yĩnga.**

Lislaoongã yẽ la Wënd tẽn-tumd ningã sẽn wa n pids nabiyaam-rãmbã la tẽn-tuumbã sẽn reng taorã tẽn-tumã, n tug b nebẽ wã. puusg la tilgr be b yĩnga. Wënd yeelame A Naam zẽkyã:

{Ad Tõnd tuma fo nengẽ, wala D sẽn tum a Nuuh nengẽ wã, la nabiyaam-rãmbã nengẽ yẽ loogrã poorẽ wã, la Tõnd tum a [braahum nengẽ la a [smaa'ul la a [shaak, la a Yaakuub, la Yagengsã, la a [isa la a Ayyubba la a Yuunusa la a Haaruuna la a Sulaymaan, la Tõnd kô a Daawuud Zabuurî}

[Annisaa'u: 163 ]

La dīin-kãngã Wënd sẽn tums-a ti tug Tẽn-tuumã a Muhammad -Wënd puusg la A tilgr be a yĩng- nengẽ wã, yẽnda la dīin ningã Wënd sẽn tuk n kô nabiyaam-rãmb nins sẽn reng taorã, la a sagl-ba ne rëndã, Wënd yeelame, A Naam zẽkyã:

{A tuka sor sẽn yaa dīin n kô yãmba, A sẽn sagl a Nuuh ne bũmb ningã, la bũmb ning Tõnd sẽn tum fo nẽngã wã, la Tõnd sẽn sagl a [braahum ne bũmb ningã, la a Muusa la lisa, ti y yãnas ne dīinã la y ra bao n na n wels taab a pugẽ ye, paka logem-n-taarã rãmba bũmb ning yãmb sẽn boond-b n tugdẽ wã, Wënd tũusda A sẽn rat-a soaba n pẽneg A menga, la A kãndagd ned ning sẽn lebsd a menga A nengẽ}

[Aššuuraa: 13]

La yã wã Wënd sẽn tums-a ti tug Tẽn-tuumã a Muhammad -Wënd puusg la A tilgr be a yĩng- nengẽ wã, yaa Wënd Gaf-rãmbã sẽn reng a taorã sidgre sẽn yaa wala Taooratã, la Lingiilã taor ti b na n ka toeem b yiiba ye, Wënd yeelame A Naam zẽkyã:

{ La Tõnd sẽn tums-a soab fo nengẽ wã sẽn yaa Gafã, yẽ la sidã n sidgd sẽn deng yẽndã taorã. Ad Wënd ne A yembsã A yaa Mita n yaa Neta }

[Faatır: 31]

### **4-Nabiyaam-rãmbã -tilgr be b yĩnga- b dīinã yaa a yembr tãa la b tũudmã soya yõsa taaba:**

Nabiyaam-rãmbã dīinã -tilgr be b yĩnga- yaa a yembr tãa la b tũudmã soya yõsa taaba. Wënd yeelame, A Naam zẽkyã: {La Tõnd sika Gafã fo nengẽ ne sida t'a sidgd sẽn reng a taorã sẽn yaa gafã-rãmba la a yãmbd-ba, bi f bu b sukã ne Wënd sẽn sikã, la f ra pug b yam-leedã n bas sẽn wa fo nengẽ wã ye, yãmb yembr kam fãa Tõnd maana šari la na-kẽndre n kô-ba, la Wënd sã n da tulla A na maan yãmb zãmã a yembre, la yaa A sẽn na n zarb yãmb n ges A sẽn kô yãmb bũmb ningã y sẽn na n maanega, bi y reng taaba yel-sõmã pugẽ, y fãa lebeng-zĩig yaa Wënd nengẽ t'A kô-y kibare y sẽn ra yõsd taab bũmb ning pugẽ wã} [Almaa-ıda: 48] Ti Nabiyaamã yeele puusg la tilgr be a yĩnga: «Maam n sõmb ne a Isa a Maryam biigã n yud nebã, dũni kaanẽ la Yaoleem raarã, la nabiyaam-rãmbã b yaa ba-biisi, b ma-rãmbã yaa toay-toaya ti b dīinã yaa a yembre» A Al-buhaart n togs-a (3443).

### **5- Lislaoongã boondame n tugdẽ -wala nabiyaam-rãmbã fãa sẽn bool n tugã: a Nuuh la a [braahum la a Musa la a Sulaymaan la a Daawuud la a Isa tilgr be b zugu - n tug kô-sida ti ad Soabã Yẽndã la Wẽnde, n yaa a Naandã, n ya a Rilgda, sẽn vumsde la A kuuda, n ya a Naamã Soaadã, Yẽndã me n kẽnesd yelã, n yaa a nimbãan-Zoata, n yaa a Yolsda.**

Lislaoongā boondame n tugdē -wala nabiyaam-rāmbā fāa sēn bool n tugā: a Nuuh la a [braahum la a Musa la a Sulaymaan la a Daawuud la a Isa tigr be b zugu - n tug kō-sida ti ad Soabā Yēndā la Wēnde, n ya a Naandā, n yaa a Rūgdā, sēn vumsde la A kuuda, n yaa a Naamā Soadā, Yēndā me n kēnesd yelā, n ya a nimbāan-Zoata, n yaa Yolsda. Wēnd yeelame, A Naam zēkyā: { yāmb a nebā! tēeg-y Wēnd neemā wā A sēn kō yāmbā, rē yīnga naand zēng sēn ka Wēnd n dūgd yāmb ti yit saasē wā la tēngā? Soab sēn tūud n tigr ka be rēnda Yē, la na n yu wān-wān ti b wēnemsd yāmb n yit sid-kūunā } [Faaṭr: 3] Wēnd le yeelame A Naam zēkayā: { Yeele ānd n rūged yāmb sēn yit saasē wā la tēngā la ānd n so wumbā la ninā, la ānd n yiisd vit kūum pugē, la a yiisd kūum vit pugē, la ānd n rabsd yellā, bāng ti b na n yeelame ti yaa Wēnde; bi f yeele, y ka na n zoe Wēnde?}. [Yuunus 31] Wēnd le yeelame A Naam zēkayā: {Rē yīnga ka Yēnd n singd naanegā, rē poorē t'A leb n yik-a b kūuma poorē, la A rūgd yāmb sēn yi saasē wā la tēngē wā. Rē yīnga soab zēng n be n lagm Wēnde? Yeele: " wa-y ne y daliilā ti y sā n yume n yaa sid-rāmba } [Annamlu 64] La Nabiyaam-rāmbā fāa la tēnt-tuumbā gilli -tigr be b zugu- b tums-b lame ti b bool n tug Wēnd A Yembr tāa tūudum, Wēnd yeelame A Naam zēkyā: { Ad Tōnd tumsame ti kēng zāma nengē fāa tēn-tuuma, sēn na yil ti b yeel nebā: " tū-y Wēnde la zāag-y mens ne rubsā. Ti be b pugē Wēnd sēn kāndag b rāmba, la be b pugē menengā sēn sidg b rāmb zugu. Bi y Kēn tēngā zugu n ges-y yagsdbā baasgā sēn yi to-to ningā } [Annaḥlu 36] Wēnd leb n yeelame A Naam zēkyā: {La Tōnd pa tums Tēn-tuum buudu sēn reng fo taorā, rēndame ti Tōnd tums waḥi a nengē ti ad: " soab ka be rēnda Maam, bi y tū-Maam" } [Al-ambiyā'u 25] Rēnd Wēnd kō kibare, a Nuuh yelle -tigr be a yīnga- t'a yeelame: " { M nebā! Tū-y Wēnde, yāmb ka tar soab zēng sēn ka Yē ye, ad mam yeesda yāmb zug ra-kēngā raar nongā } [Al-A' ~ raaf 59]. La Noangā a [braahum -tigr be a yīnga- yē me yeela wala Wēnd sēn togse t'a yeelame: { La a lbraahuma a sēn wa n yeel a nebā: "tū-y Wēnd la y zoe-A, ti rē la sōama y yīnga ti yāmb sā n da yi n miē } [Al-ankabūtu:16]. La a Ṣaaliḥ -tigr be a yīnga- yeelame, wala Wēnd sēn togs a yellā: { t'a yeele: m neba tū-y Wēnd, yāmb ka tar Soab zēng sēn ka Yē ye, sida vēenem sēn yi y Soabā nengē waa yāmb nengē, woto yaa Wēnd yugemde sēn yaa yel-solmde yāmb yīnga, bi y bas-a t'a nī Wēnd tēn-gāongā zugu, la y ra wa saag ti wēng ta-a ti naong sēn zabd wa paam yāmb ye } [Al-a'raafu: 73]. T'a Ṣu'ayb -tigr be a yīnga- yeele, wala Wēnd sēn togse: { M neba, tū-y Wēnde, yāmb ka tar Soaba zēng sēn ka Yē ye, sida, vēenem yi y Soabā nengē n wa yāmb nengē, bi y pids vūgbā la zislm-magbā, la y ra boog nebā b teedē wā ye, la y ra sāam tēn-gāngā pugē A sēn malg-a poorē ye, rē la sōma yāmb yīnga ti y sā n yaa sid kōatba } [Al-a'raafu: 85] La rāeenem Wēnd sēn na n gom ne a Musa, tigr be a yīnga, A yeel-a lame, A Naam yūgyā: { La M tūusa foom, bi f kelg waḥi M sēn na tums ti wa fo nengē wā (13) Ad yaa Maam la Wēnde, Soab ka be rēnda Maam, bi f tū Maam la f yānas ne Puusgā n tēeg Mam yuurā. (14) } [Ṭaha 13-14] Wēnd le yeelame, n togsda a Musa yelle -tigr be a yīnga- t'a kosa gūudum ne Wēnde, n yeele: { Ad mam kota gūudum ne mam Soobā la yāmb Soabā, n yi waoog-m-meng soab fāa sēn pa kōt sida ne Geelgā Raarā } [Ġaafīr: 27] La Wēnd yeelame n togsda a Sus-ti-maag yelle, tigr be a yīnga, t'a yeelame: { Ad yaa Wēnd la mam Soabā n leb n yaa yāmb Soabā, bi y tū-A, ti woto la so-turga.) Aal-ḥmraan: 51. Wēnd le yeelame, A Naam zēkyā, n togsda a Sus-ti-maag yellā -yēsa-tigr be a yīnga, t'a yeelame: { yāmb a [sraaul koamba tū-y Wēnde sēn yaa mam Soabā ne yāmb Soabā, ad yel sēn yalē sēn maana lagm-n-taar ne Wēnde sid-sida Wēnd gidg-a la ne arzānā t'a gāag zīg yaa bugumē, la wēgdbā pa tar sōngd buud ye } [Al-maaida:72]. Pusē n pa woto ye, halt n ti tāag Taoraatā la Lingiilā, waa b yībā pugē, sēn kengde ti b tū Wēnd A Yembr tāa, bala waa sāri a yīb soabē sebrā "deteronom" puga, a Musa koεga a sēn yeele tigr be a yīnga: (kelge foom a [sraula, Soabā la tōnd Tūuda yaa Soab A Yembre) Kεoog leb n waame n kengd Wēn-yembga yelle a Mark Lingiilā puga, zīg ning Sus-ti-maag sēn yeele, tigr be a yīnga: (Ad rāeenem saglsā: yaa ti f kelge foom a [sraula ti ad Wēnde sēn yaa tōnd Soabā a yaa Soab Yēngā). La Wēnd vēnegame A Naam yi wagell n zēke, ti nabiyaam-rāmbā fāa b tums-b lame ne yell-kāngā sēn yaa bedrā, yē me la Bool n tug Wēnd yeengā, Wēnd yeelame A Naam zēkyā: { La ad Tōnd tumsame ti kēng zāma fāa nengē Tēn-tuuma t'a yeel-ba}: "tū-y Wēnd la y zāag rubse, Ti be b pugē Wēnd sēn kānde, la be b pugē meneng sēn sidg b rāmb zugu } [Annaḥlu 36] A leb n yeelame A Naam Zēkyā: {yeele: "kō-y maam kibare būmb ning yāmb sēn tūud ti pa yi ne Wēndā, wilg-y maam bōe la b naan Tēngāngā zugu, bi b tara noogr saasē wā? Wa-y n wīng-y maam gaf sēn reng yā wā taore (Alkurāanā) maa bāngr vūun sēn togsd yāmb sēn yetā ti y sā n yaa sid-rāmba.} [Alahkaafu :4] A Ṣeeḥ a Sa'adi yeelame, Wēnd na yols-a: (Ayarā kitame ti b bānge ti lagem-n-taarā-rāmb tak-n-taarā b lagem-n-taarā pugē wā, b pa tik b nokoεmā puga daliili b pa tik tagmase, la ad b tika sāmse sēn yaa zīri-beedā, la b yam-yāob sēn nare; la yam-dāmb sēn sāamā, būmb ning sēn wiligd a sāngā, yaa fo sēn na n pug b yelā la b bāngrā la b tuumā, la f ges būmb nins bāmb sēn rīk b vumā fāa gilli n tūud-bā b Alhaalā sēn yaa soabā, rē yīngā b kō-b la yōod (bāmb sēn tūud būmb ning zēng sēn ka Wēndā), baa fu zem ti yaa dūni kaanē maa Laahr raarā?) Taysur Alkariim Almannaan: 779.

## 6- Wēnde, A Naam yulgame n zēke Yēnda la-a Naanda, Yē me n sōmb ne tūudmā Yē a yembr t̄aa, la b ra tug n tū n lagem-A zēng sēn ka Yē ye.

Wēnde, Yēnda n sōmb ti b tū-A, Yē a yembr t̄aa, la b ra tug n tū būmb n lagem-A zēng sēn ka Yē ye, Wēnd yeelame A Naam zēkyā: {Yāmb a neba tū-y y Soabā, sēn naana yāmbā la sēn deng b yāmb taorā ti sānd-sānde y na paam Wēnd-zoεεga (21) Saob nig sēn maana Tēngā ti yaa sēn yadge, la Saasā ti yaa sēn me, la A sik koom Saasē wā n yiis ne a sababo ti-biis buud fāa ti yaa r̄tla yāmb yīnga, bi y ra maan gees-n-taase n lagem ne Wēnde ti yāmb yaol n miē ti soab pa be n r̄lgd yāmb ti sā n pa Wēnd ye (22) } [Albakara: 21-22]. Rēnd Naab ning sēn naana tōndā la A naan zāma-ramb nins sēn reng tōnd taorā, laa A maan tēngā ti yaa pīrā tōnd yīnga, n sik koom n kō tōndo sēn yi saasē wā, n buls n kō tōndo sēn tū ne koomā ti-biis kōbg toor-toore ti yaa r̄tl ne tōndo; ad Yē n sōmb ne tūudmā Yē a yembre. Wēnd yeelame, A Naam zēkayā: {Yāmb a neba! tēeg-y Wēnd neemā wā, A sēn kō yāmbā, rē yīnga naand zēng n be sēn ka Wēnde n d̄lgd yāmb ti yit saasē wā la tēngē wā bu? Soab sēn tūud kae ye rēnda Yē, la yaa wān ti b tar yāmb n tat n teesd woto?} [Faṭṭr: 3] Rēnd Naab ning sēn naandā la A r̄lgdē wā, Yē n sōmb ne tūudmā, Yē A yembr t̄aa, la Wēnd yeelame A Naam zēkayā: {Soab-kāngā la yāmb Soabā, soab ka be ti sā n pa Yē ye, Yē n naan būmbā fāa bi y tū-A, la Yē la būmbā fāa bobenda} [Al-an' aamu : 102] La būmb fāa b sēn tū zēng ti ka Wēnde a ka sōmb ne tūudum ye, balaa būn-kāng ka so baa sēn tug n paood n yuda saasē wā ka tēngē wā, a leb n ka lagem-n-taag ne Wēnde baa fu pugē, a leb n ka sōngda ne Wēnde, rēnd na n yu wāna ti b wa kot yā wā soab n lagemd Wēnde maa b maan-a lagem-taag ne Wēnde? Wēnd yeelame, A Naam zēkayā: {Yeele: bool-y yāmb sēn d̄k n maan soabē-dāmb zēng sēn ka Wēndā, ad b ka so baa goandag biig bilgri saasē ka tēngā pug me, la b leb ka tar lagm-n-so b yīibā pugē ye, A le ka tar sōngd baa a yembre b pugē wā ye } [Assaba'u: 22] La Wēnde, A Naam yulgyā n zēke, ad yaa Yēnda n Naan bōn-naands-kāensā, n maan-b ti b beē b sēn rag n da ka be poorē, la b belemā yaa tagmase n wilgd Wēnd belemā la A Naamā la A Sobendā. Wēnd yeelame, A Naam zēkyā: {La sēn be A yel-soalmē wā yaa A sēn naan yāmb ne t̄andā, rē poorē ti yāmb yaa neb n sēegdē. (20) La sēn be A yel-soalma pugē yaa A sēn naan pagb yāmb yīnga sēn yi yāmb mensē wā bul yīng la yāmb paam yī-yōgnego b nengē, la A ning nonglem la yolsg yāmb suka, ad woto pugē yel-soalem be be ne sēn tagsdbā. (21) La sēn le be A yel-soalmā pugē yaa saasā la tēngā naanegā la yāmb zilmā wā la y kōbgā yōs-taabā, ad wānde pugē yel-soalem be be ne mitbā.(22) La sēn le be A yel-soalemā pugē yaa yāmb gōeema yung la wīntoogā la yāmb sēn baood A yuledmā, ad wānde pugē yel-soalem be be ne sēn kelgdbā.(23) La sēn be A yel-soalmā pugē yaa A sēn yānesd yāmb sa-yāgrā ti yaa yεεsg la tēebo, la A sikd kōom ti yi saagē wā t'A vuug tēn-gōngā ne-a a sēn da ki poore, ad wānde pugē wā sīda yel-soalem be be ne sēn tagsdbā (24) La sēn le be A yel-soalmā pugē yaa saasā ne tēngā sēn yals ne A sagallā, rē poorē t'A sā n bool yāmb bool vuk tēn-gōngē wā la yāmb sēn tar yīib bala. (25) La sēn n be saasē la tēngē yaa Yē soolem, b fāa yaa sak-n-tū-rāmb A yīnga. (26) La Yēnda n sungd naanegā, n le wa yik-a b kūuma poorē, la yikrā n yud naana ne-A} [Arruum: 20-27] La a Namruut kusa a Soabā belem, t'a [braahum yeel-a -tlgr ba a yīnga- wala Wēnd sēn kō a kibarā: { La a [braahum yeelyā: " la Wēnd wata ne wīndgā a sēn pukdē wā, bi fo kit t'a puk a sēn luitē wā" .Ti sēn kflā wā yirbi, la ad Wēnd pa peegd neb sēn yaa wēgdb ye.} [Albakara 258]; Yaa woto bal la a [braahum maan daliili n wilig a nebā ti ad Wēnde Yēnd n kāndag yēnda la A r̄lg-a la A yūnug-a, la a sā n lvi bāaga Yē n t̄pd-a, Yē me la Naab ning sēn kuud-a la A vuugd-a, t'a yeele wala Wēnd sēn kō a kibarā: {Soab ning sēn naan maama Yē n kāndagd maam (78) Naab ning sēn r̄lgd maama la A yūnugd maamā (79) La mam sā n bē, Yē n kōt maam laaft (80) Naab ning sēn reegda mam yōorā rē poorē t'A vuug maam(81)} [Aššu' araa'u :78-81] La Wēnd leb n yeelame n kōt a Muusa kibare -tlgr be a yīnga- t'a Musa gome n lub a Fir' aoon n yeel-a: ti ad yē Soaba Yēnda: {La sēn naan būmbā fāa gillā, rē poorē t'A kāndeg-a} [Ṭaha :50] La Wēnd wōra sēn be saasē la tēngā fāa gilli n kō ninsaala, la A gūbg-a ne A neemā wā, bul yīng t'a na tū Wēnde la a ra maan sōm-zulem ne-A ye, Wēnd yeelame A Naam zēkyā: {Rē yīnga yāmb ka yā ti Wēnd noma sēn be saasa pusē la tēngā zug n kō yāmba, la A kō yāmb A neemā wā ti gale sēn solg la sēn vēnege? La bee nebā pugē neb sēn wēed no-koeemd Wēnd yellā pugē ti ka yi ne bāngr ye pa kāndegre pa sebr sēn vēnegde.} [LuKmaanu: 20] La wēnd sēn wōr n kō ninsaalā sēn be saasā la tēngā fāa gillā, ad A naan-a lame, la A segl-A ne būmb ning fāa a sēn tar tulsem ne wā, sēn yaa tuba la nini la sūuri, bul yīng t'a na karem bāngr ningā sēn na n naf-a, n leb n toglg-a ne a Laldā la a Naandā, Wēnd yeelame, A Naam zēkyā: {La Wēnd yiisa yāmb y ma-rāmbā pusē ti y pa mi baa fu, la A naan ninā la tubā la sūyā n kō yāmba ti raar ninga y na puus barka.} [Annahlu: 78]

Rënd Wēnde -A Naam yilgame n zēke- A naana dūni-kāngā fāa gilli la A naan ninsaala n seglg a yīnga a sēn tar tulsem ne būmb ningā fāa gilli sēn yaa yīn-wila la pānga, la A leb kō-a būmb ningā fāa sēn na sōng-a t'a yals ne Wēnd tūuduma la tēngā vumsgo, rē poorē ti Wēnd wōr n kō-a sēn be saasē wā gilli la sēn be tēngē wā.

La Wēnd nka A sēn naam bōn-naands bēd-kāensā ti yaa tagmse n wilgd a Rubuubiya wā (a Wēndlmā) ti rē wilgd tilae t'A yaa Soab Tūudungā, A yeelame, A Naam yilgame n zēke: {Yeele yaa ānd n rilged yāmb sēn yit saasē wā la tēngā la ānd n so wumbā la ninā, la ānd n yiisd vit kiid pugē, la A yiisd kung vit pugē, la ānd n rabsd yellā, b na n yeelame ti yaa Wēnde; bi f yeele, rēnd y ka na n zoe Wēnde?} [Yuunus 31] Wēnd le yeelame, a naam yilgyā: {yeele: "kō-y maam kibare būmb ning yāmb sēn tūud ti pa yi ne Wēndā, wilg-y maam bōe la b naan Tēngāngā zugu, bi b tara lagm-n-taar saasē wā? Wa-y ne gaf sēn reng yā wā taore (Alkurāanā) maa bāngr vūuna ti y sā n yaa sid-rāmba.} [Al-ahkaafu :4] Wēnd le yeelame A Naam zēkyā: {A naana saasā ti yāmb ne-a ti pa tū ne ra-tēedg ye, la A ning tāms tēngā pugē buil yīng la a ra miim ne yāmb ye, la A sāeg bōn-yānemdg buud fāa a pugē, la A sik koom ti yi saagē wā n buls būmb buud fāa ti be neere. Wēnd naanegā la woto, bi y wilg maam zēng sēn ka Yē wā sēn naana būmb ninga, pa woto ye ad wēgdbā bee meneng pugē sēn yaa vēenega } {Lukmaanv: 10-11} Wēnd le yeelame, A naam yilgyā: {bi b naana bāmb ti pa tū ne Naanda, bi yaa bāmb la naandbā n naan b mensā? (35) bi bāmb n naan saasā la Tēngā? Pa woto ye! B pa maand bāng n wāag ne Wēnd ye.(36) bi bāmb tara fo Soaba baowā bi yaa bāmb la windbā? (37)} [Atṭvur: 35-37] A Šeeḥ Sa' adl yeelame: (Woto yaa sēn wa ne daliil b zugu ne yell ninga b sēn ka tar b sēn na n maand a pugē, rēnda sak-n-kō-sid bala maa b yi yamā la dīnā sēn togdā pugē) Tafsir [bn Sa' adl 816.

## **7- Wēnd la Naanda būmb ning sēn be dūni wā fāa, tōnd sēn ne la d sēn ka ne, la zēng sēn ka Yē yaa bōn-naandga sēn be a bōn-naandsā pugē, la A naan saasā la tēngā rasem a yoob pugē**

Wēnde -A Naam yilgyā, Yēnda la Naanda būmb ningā sēn be dūni wā tōnd sēn ne la d sēn ka ne, la zēng sēn ka Yē yaa bōn-naandga sēn be a bōn-naandsā pugē, Wēnd yeelame A Naam zēkyā: {Yeele: " yaa ānd la saas la tēng Soabā?" yeele: "yaa Wēnde". Yeele: " yāmb na n bawa lall-n-taas zēng sēn pa Wēnde, sēn pa so nafa ne b mensā pa nong me? yeel-ba, rē yīngā zoang ne net yaa yembr bi? Bi Lik ne Vēenem yaa yembre? Bi b maana ne Wēnd lagem-n-taase sēn naan wala Wēnd naanegā, hal ti naanegā wa wōneg taab bāmb nengē ti b ka miē welge? yeele: " Wēnd la būnb a fāa Naanda, A yaa a Yembre n yaa a Wilb Naaba.} [Arra' du: 16]. Wēnd le yeelame, A Naam zēkyā: { La A naand yāmb sēn pa mi.} [Annahlu: 8] La Wēnd naana saasā la tēngā, rasm a yoob pugē, Wēnd yeelame, A Naam zēkyā: {Yē la ning sēn naan saas la Tēnga rasm a yoob pugē, rē poorē t'A zēke Al-aršā (Naamā goeel) yingri (zēkr sēn tog ne Wēnde).A mii būmb ning sēn kēed Tēnga pugē la būmb ning sēn yit a pugē, la būmb ning sēn sigd saagē wā la būmb ning sēn ruud beēnē, la A lagma yāmba yāmb sēn beē fāa, Wēnd leb n yaa Mita ne būmb ning yāmb sēn tumdā.} [Alhadudu: 4] Wēnd le yeelame A Naam zēkyā: {la sid la hakika Tōnd naana saasā la Tēngā, la būmb ning sēn be b yiibā suka rasm a yoob pugē, la yaams buud pa sus Tōnd ye.} [Kaaf :38]

## **8- La Wēnde, A Naam yilgame n zēke, a ka tar lagem-n-taaga A Naamē wā maa A naanegē wā maa A kordgē wā maa A tūudmē wā ye.**

La Wēnde, A Naam yilgame n zēke, Yēnda la Naamā Soaala, lagem-n-taag ka be ne-A, A naanegā pugē, maa A Naamā pugē, maa A kordgā pugē. Wēnd yeelame A Naam zēkyā: { yeele: "kō-y maam kibare būmb ning yāmb sēn tūud ti pa yi ne Wēndā, wilg-y maam bōe la b naan Tēn gāngā zugu, bi b tara lagm-n-taar saasē wā? Wa-y ne gaf sēn reng yā wā taore (Alkurāanā) maa bāngr vūuna ti y sā n yaa sid-rāmba.} [Al-ahkaafu :4] A Šeeḥ a Sa' adl yeelame, Wēnd na yols-a: A maana rat n na yeelame: {Yeel} bāmbā sēn maand b lagem-n-taar ne Wēndā, sēn yaa rubsā la gees-n-taasā sēn ka tar nafa la ka so nomsgā, b ka so kūum, b ka so vum, b ka so Yikri, yeel-ba - n wilg b rubsā kongre la b sēn ka sōmb ne tūudum baa fu {wilg-y maam b sēn naan tēngā poorē, bi b tara lagem-n-taare ne Wēnd saasē wā}, rē yīnga, bāmb naana būmb saasē wā bi yaa tēngē wā bi? Rē yīngā b naana tāms bi? Rē yīnga b zolgo

kuuls bu? Rē yīngā b sāega rūms bu? Rē yīngā b bulsa tūs bu? Rē yīngā b sōngame ti b naan baa fuī sēn yi woto fāa? Rēnd būmb baa a yembre ka zīndi b nengē sēn yi wānde ye, ne bāmb meng sēn sak n reeg b zugē, ti b ka tōe rē ye, rēnd wānde yaa tagmase yam pugē, sēn yaa vēnega ti zēng sēn ka yi ne Wēnd tūudum yaa zaalem. Rē poorē, t'a kūs-ba n yeel-ba ti daliil sēn reeg gāf-rāmbē wā ka be ye, A yeelame: {Wa-y ne gafo taaor ti gaf-kāngā ( Alkurāna) pa wa} ti gafā boond n tugd lagem-n-taare, { maa bāngr sēn da loog vūune} yāmb sēn rik a faad tēn-tuumbē wā sēn reng taoorā t'a sagndē ti b maan lagm-n-taare. D sēn mi yaa ti b kongā ne b na wa ne tagmase sēn yi baa tēn-tuum a yembr nengē sēn wilgd rēnda, d pus n loeeme n wāage n maan hakuka ti tēn-tuumbā fāa gill boolame n tug b Soabā yeembgo, la b gudge n yi lagem-n-taar ne-A, yē me la bāng bedre b sēn yā b nengē) Tafsir [bn Sa' adī 779. La Wēnde -A Naam yilgame n zēke- Yē la Naamā Soaala A ka tar lagem-n-taaga a Naamē wā ye, Wēnd yeelame A Naam zēkyā: {Yeele: " m Soaba Wēnde, naam Soada, Fo kōta naamā F sēn tull a soaba, la F reegd naamā F sēn tull a soab nengē, la F zisgd F sēn tull a soaba la F faagd F sēn tull-a, sōmā wā bee Fo nugē, ad Fo yaa Tōodg ne būmbā fāa} [Aal-[mraan: 26.] Wēnd leb n yeelame, A Naam zēkyā, n wilgdē ti naam sēn pidi, yaa Yēnda n so dūni Yīkr raarā {raar ning bāmb sēn vēnegdā, ti bāmb būmb ba a yembr pa solgd Wēnd ye, ānd n so naamā rūnda? Yaa Wēnd sēn yaa a Yembrā n yaa Windā.} [Gaafr: 16] La Wēnde, A Naam yilgame n zēke, a ka tar lagem-n-taaga A Naamē wā, maa A naanegē wā, maa A kordgē, maa A tūudmē wā., Wēnd yeelame, A Naam zēkyā { La yeele: "pēgr be ne Wēnde, Naab ning sēn pa tar biiga, A leb n pa tar lagem-n-taaga A naamā puga, A pa tar lall-n-taaga pāng kaaleg ying ye, la f waoog-A n zisg-A zisgr tekē.} [Al-Israa'u: 111] Wēnd leb n yeelame, A Naam zēkyā: { Naab ning sēn so saasā la tēnga naama, A pa tar biiga, A pa tar lagem-n-taaga A naamē wā ye, A naana būmbā fāa n kit t'a zems zemsg tekē} [Al-Furkaanu :2] Rēnd Wēnde, Yēnda la Soaala, la zēng sēn ka Yē yaa Yēnda n so, A Naam yilgame, Yēnda la Naandā la zēng sēn ka Yē yaa bōn-naandga, yaa Yēnda la sēn korded yela, la ning yel sēn yaa woto yaa tilae ti b tū-A, zēng sēn pa Yēnda tūudum yaa yam pa ta la rē, n yaa lagem-n-taare, n sāam dūni wā la Laahre, Wēnd yeelame, A Naam zēkyā: {La b yeele: (Yahuud-rāmbā) " yi-y Yahuud-rāmba maa Nasaar-rāmba ti y na yi kāndagdba, yeele: "ayae, yaa a [braahum Dīina la tōnd tūud bala, sēn yaa Wēn-yeemdā, a pa yi n yaa Lagme-n-taar soab ye"} {Albakara 135}; Wēnd le yeelame A Naam zēkyā: { La ānd dīin n manege n le yud sēn bas a menga n tūud Wēnde ti yē yaa manegda la a tū a [braahum dīina sēn kull n yi lagm-n-taarā n tēeg turg ne Wēnd-yembgā, la Wēnd gāda [braahum n maan A zoa} [Annisaa'u: 125 ] La Sidā (Wēnde) A Naam yilgame, A vēnegrāme ti ned ning sēn wa n tug n tūud zēng sēn ka a [braahum sorā sēn yaa Wēnd noangā -tulgr be a yīngā- rēnd yē soab n maan a meng yalem, Wēnd yeelame A Naam zēkyā: {la ānd n kisgd a [braahum Dīinā sā n pa sēn yalm a menga, la hakuka Tōnd tūs-a lame Dūni pugē, la Yaoleem raarā a bee nin-sōmbsā pugē} {Albakara 130};

## **9- La Wēnde, A Naam yilgame, A ka roge, b ka rog-A, A ka tar mams-n-taaga, A ka tar bilg-n-taaga.**

La Wēnde, A Naam yilgame, A ka roge, b ka rog-A, A ka tar mams-n-taaga, A ka tar bilg-n-taaga. Wēnd yeelame, A Naam yilgame n zēke: {Yeele: Yēnda la Wēnde, A yaa A Yembr tāa. (1) Wēnd la b sēn Tikd A soaba. (2) A ka roge, b ka rog-A.(3) Mams-n-taag me ba a yembr ka ne-A ye. (4)} [Al-[hlaas:1-4]. Wēnd le yeelame A Naam zēkyā: {Saasā la tēngā la būmb nins sēn be b yībā suk Soabā, bi f tū-A la f maan sugr ne A tūudmā, rē yīngā fo mii A wōneg bu? A pa tar to ti tar A yuurā ye.} [Maryam: 65] La Wēnd leb n yeelame, A Naam yi wagelle: {Saas la tēng yēbgdā, a maana pagba sēn yi yāmb mēnsē wā n kō yāmba, la yāq la raogo rūmsē wā me, n wusgd yāmb sēn tū ne b yībā, būmb pa be n wōnd-A ye, la Yēnda la a Wumda n ya a Neta.} [Aššuuraa: 11]

## **10- La Wēnde, A Naam yilgame n zēke, A ka sigd būmb pugē, A ka lebgd yīng soaba n kē būmb pugē baa fuī sēn yi A sēn naana pugē ye:**

La Wēnde, A Naam yilgame n zēke, A ka sigd būmb pugē, A ka lebgd yīng soaba n kē būmb pugē baa fuī sēn yi A sēn naana pugē ye, A leb n ka naagd A Meng ne baa fuī, bala Wēnde, Yēnd la Naanda, la zēng sēn ka Wēnde, yaa bon-naandga, Yē yaa Paada la zēng sēn ka Yēnda yaa sata, la būmb fāa, Yēnda la a Soada, Yēnda la a Naanda, rēnd A ka sigd baa fuī A bon-naandsē wā ye, A bon-naandsā me, baa a yembr ka tōe n sigi Wēnd pugē ye, A Naam yilgame n zēke, la Wēnde -A naam yilgame n zēke- Yē

bedremā n yud fāa gillā, Yē zislem n yud būmbā fāa gilli, Wēnd yeelame -A Naam zēkyā- n kUSD neb nins sēn yag ti Wēnd siga a Sus-ti-maag pugē wā: {Sida neb nins kifl-yā, sēn yeel-b ti Wēnd la a Sus-ti-maagā a Maryam biigā, yeele: " yaa ānd n tōe n gidg Wēnd baa a fu t'A sā n tul n na n halk a Sus-ti-maag a Maryam biigā la a ma wā la sēn be tēng pug fāa, la Wēnd n so saas la tēng naamā la sēn be b yibā suka. A naanda A sēn tulle, la Wēnd yaa tōogd ne būmba fāa.} [Al-Maa'ida 17]. Wēnd le yeelame A Naam zēkyā: {la Wēnd n so yaang la wīnto-luungē, rēnd yāmb sēn toglē fāa, be la Wēnd be, ad Wēnd yaa Yalenga n yaa Mita (115) la b yeele: "Wēnd tara biiga". Ad A Naam yulgame! Pa woto ye, A soo sēn be Saasē wā la Tēngē, ānkām fāa yaa sēn sak A tōogā (116) yaa saas la tēng Yēbgda, A sā n bu yelle, A yet-a lame: "yt". T'a be yubo. (117) } {Albakara 115-117}; Wēnd le yeelame A Naam zēkyā: {La b (yahuv-rāmb la nasaar-dāmba) yeelame ti: " yolsg naabā tara biiga". (88) Ad yāmb wa ne yel-kisgdg sēn yaa bedre. (89) Saasā tull n pārsame gom-kāngā yīnga ti tēngā tull n pus n pāse ti tāmsā tull n wuri wurub tekē. (90) B sēn yeel ti yolsg naabā tara biigā yīnga. (91) La pa sōmb ne yolsg Naabā t'A wa tar biig ye. (91) Ad būmb ning sēn be saasē wā la tēngē wā fāa wata yolsg Naab nengē ti b yaa yembse n gānegd b mense. (93) Ad A minimā gūbg-b-lame la A sōd-b sōdb tekē.(94) La b yembr fāa na n waa A nengē Yikr raarā t'a yaa a yembre. (95)} [Maryam 88-95] A leb n yeelame A Naam Zēkyā: {Wēnde, soab sēn tūud n tlg ka be ti sā n pa Yē ye, A yaa Vita vum sēn pid Soaba n yaa Maan-m-toor Soaba, gōeem pa yōnkD-A, pa Suusgu, A soo sēn be saasē wā la sēn be tēngē wā, ānd n na n sugS A nengē ti sā n pa tū ne A yarda, A mii sēn be bāmb neng taore la b poorē, la b pa gūbgd būmb A bāngre wā ye sā n pa A sēn tull a soaba, A tagbā zīigē ( Alkursiyu) yāmba saasā la tēngā, la b yibā gūub pa zu-leoog ne-A ye, la Yē la a Zēkr Naaba n yaa a Zisgo} [Albakara: 255]. Rēnd ned ning yell sēn yaa woto, t'A bon-naandsā me yaa woto, A na n kēe bon-naandsā pugē wān-wāna? Maa A nk-a t'a yaa A biiga wān-wāna? Maa A maan-a t'a lagm-A n yaa Soab wān-wāna?

## **11- Wēnde -A Naam yulgamen zēke- A yaa nimbāan-Zoeta n yaa Yoalsda ne A yembsā, rē n kit t'A tum tēn-tuumbā, la A sik Gaf-rāmbā.**

Wēnde, A Naam yulgame n zēke, A yaa nimbāan-Zoeta n yaa Yoalsda ne A yembsā, la sēn be A yolsgā ne A yembsā pugē, yaa A sēn tum tēn-tuumbā b nengē, la A sik Gaf-rāmbā n kō-ba, bul yīng ti b na yi kifēndā la lagem-n-taarā ligsē n tug Wēnd-yembgā la kāndagrā vēenemē, Wēnd yeelame A Naam zēkyā: {Yē la Soab ning sēn sikd a yambā zugu Aayae vēenesā, t'A na yiis yāmb ligsē wā n tug vēenemē wā, la Wēnd yaa nimbāan-zoeta n yaa yolsd ne yāmba.} [Alhadudu: 9] IWēnd le yeelame A Naam zēkyā: {La Tōnd pa tums foom rēnda yolsg yīnga ne dūni wā rāmba.} [Al-Anbiyaau:107]. La Wēnd sagla A Nabiyaamā t'a togs yembsā ti yaa Yēnda la Yaafdā la Yolsdā, rēnd Wēnd yeelame A Naam zēkyā: { Kō M yembsā kibare ti yaa Maam la yaafg naaba n ya a yolsg Naaba} [Al-hiğru 49] La sēn leb n be A nimbāan-zoεεgā la A yolsgā pugē, yaa ti yaa Yēnd n pārgd keelem la A sikd sēn be neere A yembsā zugu, Wēnd yeelame A Naam zēkyā: {La ti Wēnd sā n sus foom ne wēnga, ned pa be n tōe n lak-a ti pa Yē ye. La A sā n tull foom ne neere ned pa tōe n tus-a ti pa Yē ye. A kōta A yudlemā A sēn rat ned ningo A yembsā suka, Yē la yaafg naaba n yaa yolsg Naaba.} [Yuunus: 107]

## **12- Wēnd la Soab sēn yaa Yolsda, Yēnd A Yembr tāa n na n geel yembsā Dūni wā yikr raarā, wakat ning A sēn na n yik-b fāa b yāadē wā, n rol ned fāa a sēn tumā, sōma la wēnga. Rēnd ned ning sēn tuma n yaa sid-kōta, yē soab tara neema sēn duumdi, la ned ning sēn kifla la a tum wēnga, yē tara nong sēn yaa bedre yaoolem raarā.**

Wēnd la Soaba, n yaa a Yoalsda, Yēnd A Yembre n na n geel yembsā dūni yikr raarā, b sēn wat n yik b fāa gilli b yaadē wā, n rol ned fāa gilli a sēn tumā, zem ti yaa sōma maa yaa wēnga. Rēnd ned ning sēn tuma tuum sōmbse n yaa sid-kōta, yēnda tara neema sēn duumdi. La sēn kifla la a tum wēnse, yē tara

nongo sēn yaa zisgo dūni yikr raarā. Rēnd sēn be Wēnd tēeg-tirga pidb pugē -A Naam yulgame n zēke- la A buudā minim la A yolsgā ne A yembsā, yaa A sēn maan dūni-kāngā ti yaa tuum zaka, la A leb n maan zak a yibē soabā ti yaa rolbo la geelgo la yel-sōmde, bul yīng ti manegd na paame a maan-neerā yel-sōmde, ti nin-wēnga la wēgda la maan-n-zuug soaba paam a kedgrā la wēgbā subgre; la yel-kāngā yōy sānd sēn tōe n wa kus-a yīngā, Wēnd maana tagmas-rāmb sēn yaa wusgo sēn wiligdi ti yikrā kūmā poorē wā yaa sīda, sāmbg ka be a pugē ye, Wēnd yeelame, A Naam zēkyā: {la sēn leb n be A yel-soalmā pugē, yaa fo sēn ne tēngā t'a yaa sēn ku, ti Tōnd sā n sik koom a zugu la a sēn pusi n fugumdi, ad soab ning sēn vuug-a wā hakuka A yaa kū-rāmb vuugda, ad A yaa tōogd ne būmbā fāa gilli} [Fuṣṣilat :39] Wēnd yeelame A Naam zēkyā: { yāmb a nebā, y sā n bee sik pug ne Dūn wā yikrā, bi y bāng ti Tōnd naana yāmb ne tāndo, rē loogr poorē n yi mani, rē loogr poorē n yi zi-pelle, rē poorē n yi nēm-vōre, be be naaneg sēn pida leb n be be naaneg sēn pa pidi ti na n fabe, la yaa sēn na yil n wīnig yāmb (Tōnd pānga), la D tabend rog-wuudē wā būmb ninga D sēn tulle, n tug n tāag wakat sēn yāke raare, rē poorē ti D yiis yāmb ti y yaa komb-peelse, rē poorē ti y wa tug n ta y bi-bulem sasa. Be yāmb pugē sēn maand kaalem, la be yāmb pugē ned sēn na n ti kuul n ti ta a yōorā yaalg wakato t'a le ka mi baa fu a sēn da mi poorē, la fo yēta tēng-gāngā t'a yaa sēn ku n pelge, ti Tōnd sā n sik koom a zugu, la a sēn wuugde n pusi, n bul n yiis bōn-bundi toor-toore ti be neere } [Al-haḡ : 5] Rēnd Wēnd sēn yaa Yē la sīdā, A togs Aaya-kāngā pugē, tagmas a tāabo yam wεengē sēn wiligd Yikrā kūmā poorē, bāmb me la :

1- Yaa ti nisaalā Wēnd naan-a la a sungrē wā ne tom, rēnd sēn naanā ne tomā a toēeme n leb n lebs-a a sēn wat n lebḡ tom.

2-Yaa ti Wēnd sēn naan ninsaalā ne ko-pεεlgā (Mani), A leb n tōeema n lebs ninsaala vumē a kūmā poorē.

3-Yaa ti sēn vuuga tēngā ne sa-koomā a sēn da ki poorē wā, A tōeeme n vuug nebā b kūmā poorē, leb n be Aayae-kāngā pugē tagmas sēn yaa bedre, n wiligd ti Alkurāanā yel-solmā sēn ka to la a sēn komsid geesdbā, rēnd yaa wān-wān to la Aayar-kāngā tōog n tigm- ne a sēn ka wok fāa- tagmas-rāmb a tāabo yam wεengē ti yaa vēenega n wilgd masaal sēn yaa bedre.

Wēnd le yeelame A Naam zēkyā: { Raar ning Tōnd sēn na n wa pil saagā ti yaa wala gaf-rāmb karaaga pilbu, Tōnd na n lebs-a lame wala Tōnd sēn da sung a naaneg-a toto wā, yaa puleng D sēn rke, D na n pidsame} [Al-ambiyāa'u:104 ] Wēnd leb n yeelame A Naam zēkyā: { La kifrā rka bilgr n wilig Tōndo la a yīma a naanegā sēn yilā; a yeelame: " Ānd n tōe n vuug kōabā t'a sā n kē bugdu?". (78) { Yeel-a:" Soab ning sēn yēbg-a raēnemā n na n vuug-a, la Yēnd n yaa mit ne naaneg fāa"} [Yasun: 79] Wēnd le yeelame A Naam zēkyā: {Rē yīnga yāmb naanegā n yud toom bu, bi yaa saagā? yaa Wēnd n me-a. (27) A zēk a beongā n zems a taaba. (28) n sobg a yungā la A vēneg a wīndgā. (29) la Tēngā, rē poorē la A yadg-a. (30) A yiis a pugē a koomā la a yamdā (31) La tāmsā, Yē n sel-ba (32) [Annazi' aat :27-32] Rēnd Naab a Wēnd vēnegrā n wilig tōnd ti ninsaal naanegā a ka kεgeng n yud saasā la tēngā naaneg ye, la būmb ning sēn be b yibā suka, rēnd (Wēnd) ning sēn tōe n naan saasā la tēngā, A ka kongde n na n lebs ninsaala noor a yibē soab ye.

## **13- Wēnde -A Naam yulgame n zēke- A naana a Adama ne tom, n maan a koambā ti b fugdē yē loogr poorē, rēnd nebā fāa gilli, b yēgrā yaa yembre, yudlem ka be ne kōbgō n yud kōbg a to ye, (yudlem) ka be ne neba neb a taab zugu ye, sā n ka ne Wēn-zoεεg bala.**

Wēnde -A Naam yulgame n zēke- A naana a Adam ne tom, n maan a koambā ti b fugdē rē loogr poorē, rēnd nebā fāa gilli b yēgrā yaa yembre, yudlem ka be ne kōbgō kōbg a to zug ye, (yudlem) ka be ne neb me neb a taab zugu sā n ka ne Wēnd zoεεg bala. Wēnd yeelame A Naam zēkyā: { yāmb a neba! Ad Tōnd naana yāmba roap la pagba n maan yāmb ti y yaa ninbuiidu, la buud-buudu, ti y na bāng taab yīnga, ad yāmb sēn yuda waoogr Wēnd nengē yaa yāmb sēn yuda ne Wēn-zoεεga, ad Wēnd yaa mita, n yaa minim tēng-n-biiga.} [Alhuḡuraat 13] Wēnd le yeelame A Naam zēkyā: { La Wēnd naana yāmb ne tom, rē poorē ti tū ne yīng-koome (Mani), rē poorē t'a maan yāmb yib-yiibu (rao la paga), la yāng ka be sēn na rik puga, a le ka rogde rēndame ti yaa ne A sēn mi tiiri, la bōn-naandg buud ka be yōor sēn na wogle, a yōorā me pa boogd baa bilfu, rēndame ti ra gulsa sebr pugē. Ad rēnda yaa naana wusg ne



Wēnde.} [Faatır: 11] Wēnd le yeelame A Naam zēkyā: { Yē la Soab ning sēn naana yāmba n yi tomē, rē poorē n yi zi-pelle, rē poorē t'A yiis yāmba ti y yaa bi-beelga, rē poorē ti yāmb tat y pāng sasa, rē poorē ti y yi nin-kēemba. La bee yāmb pugē sēn kiid ti ka ta nin-kēeg wakat ye. La sēn na yilē ti y ta wakat sēn yāk raare la sānd-sānde y na tags n gese} [Ĝaafır: 67] Wēnd leb n yeelame -A Naam zēkyā- n wilg t'A naana Sus-ti-maagā ne sagell ning sēn yaa tlae t'a yi wā, wala A sēn naan a Adam ne tom sēn tū ne Sagell ning sēn yaa tlae ti yi wā, Wēnd yeelame A Naam zēkyā: (Ad a Isa bilgri Wēnd nengē yaa wala a Aadama, A naan-a lame ne tom, rē poorē t'A yeel-a:" yi ! ". T'a be yubē) {Aal-ımrāan: 59}. La mam ra reng n togsame ti looge gom-sull (paragraf) sōor a (2), ti Nabiyaamā -Wēnd puusg la A tılgır be a yīnga- a wilgame ti nebā fāa zema taaba, yudlem ka be ne neda a to zugu rēnda ne Wēn-zoεεga.

## 14- La biig fāa rogda Rog-ne wā ( Lıslaangā) zugu.

La biig fāa rogda Rog-ne wā ( Lıslaangā) zugu, Wēnd yeelame A Naam zēkyā: {Bı f togı f nengā n tees dīinā ti f yaa sēn bald n yit lagm-n-taare n tognd Wēn-yemgo, woto yaa yalē ning Wēnd sēn naan nebā a zugā, Wēnd naanegā ka tar tedgr ye, wānde la dīin sēn yaa tırgā, la ad nebā sēn yıd wusg fāa ka mi ye} [Arruum: 30] La Alhanafıyā wā (Wēnd yembgā) yēnda la a [braahum sēn yaa Wēnd noangā Sorā -Wēnd tılgır be a yīnga- Wēnd yeelame A Naam zēkyā: {Rē loogr poorē ti Tōnd tıms ti wa fo nengē: " ti f tū a [braahum sorā sēn yaa sor sēn kıld n yit lagm-n-taarā n tugd Wēn-yembgā, la a [braahum pa yi n naag lagem-n-taarā rāmb ye.} [Annahlu: 123] La Wēnd Tēn-tuumā -Wēnd puusg la A Tılgır be a yīnga-yeelame: «Biig ka yi n na n roge, rēndame t'a roga Rog-ne wā (Lıslaangā) zugu, t'a rogdb a yıibā maan t'a lebg Yahūuda, maa b maan t'a lebg Nasaara, maa b maan t'a lebg maoong-kuuda, ti yaa wala rūmsā sēn rogd b koambā ti b naanegā yaa sēn pidā, rē yīnga yāmb yāta tub gırs b pugē?» Rē poorē, t'a Abuū Hurāεεra yeele, Wēnd yard be a yinga: { yaa yalē ning Wēnd sēn naan nebā a zugā, Wēnd naanegā ka tar tedgr ye, wānde la dīin sēn yaa tırgā, la ad nebā wusg fāa ka mi ye} [Arruum : 30] Şahuh Albuħaarı 4775. Tı Tēn-tuumā -Wēnd puusg la A Tılgır be a yīng- yeele: «Ad mam Soabā sagla maam ti m wilg-y yā y sēn zi būmb ninga, A sēn wilg maam būmb ning mam ra-kāngā pugē wā, "tı arzek fāa Mam sēn kō yamba yaa halaale, la ad Mam maana M yembsā ti yaa Wēnd yembdbā b fāa gıllı, la ad sūtāambā n waa b nengē, n veog-ba n yi b dīinē wā, n gıdb-ba n yi būm ning Mam sēn kō-b sor ne-a ti yaa halaalā, la b sagl-ba ti b maan lagem-ntaar ne Maam, ne būmb ning Mam sēn ka sik tagmas a zugu » A Muslim n togs-a 2865.

## 15- La ned ka be ninsaalbā pugē n rogdē t'a yaa tudgda maa a rık a to tudgr faad ye:

Ned ka be ninsaalbā pugē n rogdē t'a yaa tudgda maa a rık a to tudgr faad ye, la Wēnd kōo tōnd kibare -A Naam zēkyā- t'a Adama -tılgır be a yīnga- a sēn wa n yōsg Wēnd sagellā, n rı tugā yē ne a paga a Hawaa wā, t'a maana mimsa la a tuubi, la a kos Wēnd yaafgo, ti Wēnd leems-a t'a yeel gom-biis sēn yaa yılma, t'a sid yeel-ba, ti Wēnd reeg b yıibā tuubgu, Wēnd yeelame A Naam zēkyā: {La tēeg Tōnd sēn wa n yeel a Adama: "zīndı, foom ne f pagā Arzānā pugē, la y rı a pugē ne maan-m-yam yāmb y sēn dat fāa, la y ra pēneg ti-kāngā ti y yita wēg-m-mens rāmba (35) t'a sūtāan kıt ti b yıibā salg tuga wεεngē, n yi sabab n yiis b yıibā b sēn da beē wā, ti Tōnd yeel-ba: sig-y yāmb ne taab yaa beem, la yāmb tara Tēngā pugē yōgneg zīiga la wum-noogo n tug wakato (36) t'a Adam reeg goam-biisi sēn yi a Soabā nengē, t'A reeg a tuubgā, ad A yaa tuubg Rεεgda n yaa Yolsda (37) Tı Tōnd yeelle: "sig-y fāa gıllı n yi Arzēna pugē, ti kāndagr sā n wa yāmb nengē sēn yi Mam nengē, rēnd sēn tū Mam Kāndagrā ad yaεεs ka b zugu, b kō n sāam b sūur me ye (38)} {Albakara 35-38}; La Wēnd sēn reeg a Adam tuubgā -tılgır be a yīnga-, rēnd a ka le tuk tudgrā ye, rēnd zı-kāngā, a koambā ka leb n rıkd tudgr ning sēn yēes ne tuubgā faad ye, la yēgrā yaa ti ninsaala a ka rıkd a to zıub ye, Wēnd yeelame A Naam zēkyā: { La yōor fāa pa tumd rēnda a meng zugu, la zi-tukd pa tukd a to zıub ye, rē poorē y lebeng-zīig yaa y Soaba nengē t,A kōe kibare y sēn ra yi n yōsd taab būmb ning pugē wā} [Al-an'aamu : 164] Wēnd le yeelame A Naam zēkyā: { Ned ning sēn kāndaga a kāndagrā nefda a mengā, le ned ning sēn menemā yaa a meng bala, la yōor pa tuk a to zıub ye, la Tōnd pa yi n na sıbge rēndame ti D reng n tum tēn-tuumā.} [Al-ısrāa'u: 15] Wēnd le yeelame A Naam zēkyā: { La yōor pa tuk a to zıub ye, la yel-wēn-soab sā n bool ti b sōng-a n tuke, b ka sōngd n tuk baa fu, baa ti sā n yaa rog-pēta, ad fo sēn bugsdā yaa neb nins sēn yεεsd b Soabā ne b sēn ka ne-A wā fāa la b yals Pusgā, la sēn yılgda a yılgd a meng yīng bala, la yaa Wēnd nengē la lebgrā zīiga.} [Faatır: 18]

## 16- La nebã naanegã vöörã yaa: Wënd tüudmä Yë A Yembre:

La nebã naanegã vöörã yaa: Wënd tüudmä, Yë A Yembre, Wënd yeelame A Naam zëkyä: { Mam ka naan zīn-dāmbã la nīnsaalbã rëndame ti yaa b na tū Maam yīnga } [Azzaaryaat 56],

## 17- Lislaongã waooga ninsaala - b rap la b pagba- la a leb kō-a a hake-rāmba gilli, la a maan-a ti b na n sok-a a sēn tūus yei ninsã fãa gilli la a tuumã fãa gilli la a manesmä fãa, la a tukd-a tuum ning fãa sēn na n nams a mengã, maa sēn namsd neb a taaba.

Lislaongã waooga ninsaala - b rap la b pagba- rënd Wēnde - Anaam zëkyä- Naana ninsaala, bul yīng t'a na yi lēdsda tēngã pugē Wēnd yeelame, A Naam zëkyä: { la tēeg f Soabã sēn da yeel Malēgsã: ad Mam na n ninga Tēnga pugē Lēdsda } {Albakara: 30}; La waoog-kāngã, a gūbga ne Adam koambã gilli, Wēnd yeelame A Naam zëkyä: { La ad Tōnd waooga a Adam-koambã la D wōr n kō-ba sēn na rik-ba ween-wuugē la mogrē la D rilg-ba ri-yilm buud fãa la D zēnk-ba n yug Tōnd sēn naana wusg fãa yusg tēkē } [Al-Israa'u: 70] Wēnd le yeelame A Naam zëkyä: { Sid la hakuka, Tōnd naana ninsaala, t'a tar yagd sēn yud sōmblem. } [Attunu :4] La Wēnd gidga ninsaala t'a maan a mengã zuure n pugd būmb b sēn tūudi, maa bōn-pugdga zēng sēn ka Wēnd ye, Wēnd yeelame A Naam zëkyä: { La be nebã pugē sēn gād-b soab-dāmba zēms sēn pa Wēnde n nong-ba wala Wēnd nonglem, la ad sēn kō-b sidã, bāmb Wēndã nonglem keelem n yud bāmbã sēn nong-b sob-rāmbã, la lak wēgdbã sã n da yātē lame bāmb alhaalã, bāmb sēn wat n yã nongã n bāng ti pāng fãa yaa Wēnd n so la b bāng ti Wēnd yaa nams kēgēn soaba. wakat ning b sēn n pugb rāmbã sēn wat n zāag b mens ne sēn tūb bāmbã, ti b yã nongã mōsã ti tōk-n-taarã ne bāmb sukã wāage. (B naan n gūus b mense) } {Albakara: 165-166}; La Wēnd leb n yeelame -A Naam zëkyä- n wilgd pugdbã la b sēn pugd-b rāmb ne zīri-beedã, b halhaalã sēn na n yi dūni yikr raarã: {Sēn maan-b waoog-m-mengã yeela valemsã : " rē yīnga tōnd n gidg yāmb n yi sidã tūubu, a sēn wa yāmb nengē poorē? Ka woto ye, yāmb n da yi n yaa nin-wēns bala" (32) La sēn ya b valemsã yeela waoog-m-mengã-rāmbã: "yaa yung la wīntoog silem tuuma, yāmb sēn da sagēnd tōnd ti d kifl ne Wēndã la d bao lagm-n-taas n paas-A". Ti b solga maan-m-bāngē b sēn wa n yã nongã; la Tōnd ninga sēn kifl-ba yubli n wã bānse. Rē yīnga b rond-b lame ti ka b sēn da tumdã? (33) [Assaba'u: 32-33] La sēn pid Wēnd tēeg turgã pugē -A Naam zëkyä- yikr raarã, yaa A sēn na n rogl boaandb la taor rāmba nins sēn yaa menembã, b mensã zūbã la bāmb sēn mens-b rāmb ti ka tū ne bāngrã zūbo, Wēnd yeelame A Naam zëkyä: {Ti b na n wa tuk b zūbã paeem dūni-yikrã raare la neb nins bāmb sēn menmesd-b ti pa tū ne bāngrã zūbo, ad bāmbã sēn tukdã yi wēnga.} [Annahlū: 25] La lislāamdã leb n kōo ninsaala a hake-rāmb gilli, dūni kaanē la laahre, la hake ning sēn tug n zis n yud lislāongã sēn kō la a vēneg n wilig nebã, yaa Wēnd hake wã sēn be nebã zugã la nebã hake sēn be ne Wēndã. rënd yi a Mu' aaz nengē, Wēnd yard be a yīnga, a yeelame: « Mam da zao Nabiyaam poorē a bōnga zug -Wēnd puusg la A tilgr be a yīnga- t'a yeel maam: " a Mu' aaze". Ti m yeele: " m sak-yã, m sak f yīnga". Rē poorē t'a yeel woto buud noor tãabo: "rē yīnga fo mii Wēnd hake wã A yembsã zugu?" Ti mam yeel ti ayoo, t'a yeele: " Wēnd hake wã sēn be A yembsã zugu, yaa b tū-A la b ra maan lagem-n-taar ne-A baa fu ye". Rē poorē t'a kēn waka pugē bala, n yeele: " a Mu' aaze!" Ti mam yeele: " m sak-yã". T'a yeele: " rē yīnga fo mii yembsã hake sēn rog Wēnd bu, ti b sã n maan rēndã?: Yaa A ra sibgd-b ye» Şahih Albuḥaarī (6840). Lislaogã leb n gūu ninsaala a dīinã sēn yaa sidã, la a arzeka la a burkīndã Wēnd puusg la A tilgr be a yīng- yeelame: «Ad Wēnd harma yāmb zugu, y zū-rāmba la y arzēgsã la y birkīndã, wala A sēn haram rūndã raarã, y kiu-kāngã pugē, y tēng-kāngã pugē wã» Şahih Albuḥaarī (6501). La Tēn-tuumã, Wēnd puusg la A tilgr be a yīnga, mooname n togs alkaool-kāngã sēn yaa zisgã hagiim ningã sēn yaa Wēnd-na-wat-ne hagiimdã, neb sēn zīnd beenē sēn yud tus koabga sēn yaa a Şahaabsã, la a yilem maanã-kāngã n leb n kēng-a kibsã raare, Wēnd-na-wat-ne hagiimdē wã. La lislāongã maana ninsaala ti b na n sok-a a yam-yākrã fãa, la a tuumã la a manesmä, Wēnd yeelame A Naam zëkyä: {la ninsaala fãa Tōnd rika a tuum gafo n pid a yublē wã, la d yiisd-a la yikra raarã ti yaa sebre, t'a mikd-a t'a yaa sēn paele, ti b yet-a karem f sebrã ti

rūnda raarā taa tek ne foo ne f sēn na n geel f mengā} [Al-Israa'u: 13] Rat n yeel t'a sēn tum ti yaa sōma la wēnga, Wēnd maandame ti tab ne-a, a ka zuugd yēnda n kēng nin zēng ye, rēnd b ka geend ninsaala ne a to tuumā, b ka geend ned a to ne yē me tuuma, Wēnd yeelame, A Naam zēkyā: { Foom a ninsaala, fo yaa yaamsda ne tuum n tug f Soabā nengē yaams tekē, n na n yek-A} [Al-inšikaaku: 6] A leb n yeelame A Naam Zēkyā: {Ned ning sēn tuma sēn sombe yaa a meng yīnga, la ned ning sēn wēnga be ne-a, la fo Soabā pa yi n yaa wēgd baa bilf ne A yembsa ye.} [Fuṣṣilat :46] la Lislaoongā rogenda ninsaala a sēn maan tuum ning fāa ti namsda a menga, maa namsd neb a taaba, Wēnd yeelame A Naam zēkyā: { La sēn maana beegre ad a maanda a menga, la Wēnd yume n yaa mita n yaa buud-mita} [Annisaa'u: 111 ] Wēnd le yeelame A Naam zēkyā: { yaa rēnda yīnga ti Tōnd guls n rogl [srayeel koamba, ti ned sã n ku yōore, ti pa tū ne yōor sēn ku ti b na n dole, maa yaa sāang la a maan tēngā pugā, yaa wala a kuv nebā zānga, la ned sã n pōsg-a (yōore), yaa wala a vumsa nebā gilli.} [Al-Maa'ida 32]. Ti Tēn-tuumā -Wēnd puusg la A Tilgr be a yīng- yeele: «Ned ka kuvd yōor ne wēgdo, rēndame ti b yāk kuvbā zubo (zunuuba) n rogl a Adam bi-rēengā zugu, bala yaa yē n yi pipi n tuk kuvbā sore» Şahuh Muslim (5150).

## **18- La Lislaoongā maana rapa la pagbā ti b yaa yembre, sã n yaa ne tuumā wεengē, la sakrã la rolbã la yel-sōmdã wεengē**

La Lislaoongā maana rapa la pagbā ti b yaa yembre, sã n yaa ne tuumā wεengē, la sakrã la rolbã la yel-sōmdã wεengē, Wēnd yeelame A Naam zēkyā: { La sēn tumda sōma zem t'a yaa rao bi yaa paga ti yē yaa sid-kōta yaa bāmb rāmba n kēed arzāna ti b pa wēgd-b baa tamaru nor-mugnum bilgr ye} [Annisaa'u: 124 ] Wēnd le yeelame A Naam zēkyā: { Ned ning sēn tuma sōma, zem ti yaa paga maa raoa, n yaa sid-kita, D na vums a soab vum sēn yaa ylenga, la D na rol-b keoor sōmblem sēn yud b sēn da yi n tumdã.} [Annaḥlu 97] Wēnd le yeelame A Naam zēkyā: { Ned ning sēn tuma wēnga, b pa roand-a sã n pa a bilgr ye! La ned ning sēn tuma somã, yaa rao ti yaa paga, t'a yaa sid-kōata, yaa bāmb rāmbã n kēed Arzāna, b rilgd-b la a pugē, ti pa yi ne geelg ye} [Gaafir: 40] Wēnd le yeelame A Naam zēkyā: { Ad lislambã la lislamm pogsã, la sid-kōtbã la sid-kōt pogsã, la wōr-m-meng rāmba la wōr-m-meng pogsã, la sid-toagsdbã la sid-toagsdb pogsã, la sug-maandbã la sug-maand pogsã, la Wēnd-zoatbã la Wēnd-zet pogsã, la doos-maandbã la doos-maand pogsã, la no-loetbã la no-loetb pogsã, la sēn gūusd b tao wã b rap la b pagba la Wēnd yuurã tēegdb wusg wusgã b rapã la b pagba, Wēnd segla yaafgo la rolb sēn yaa kēeng b yīnga.} [Al-ahzaab :35 ],

## **19- Lislaoongā waooga paga la a maan ti pagbã b yaa rapa begse tuumā wεengē, la a rogl rawa rulgrã t'a sã n yaa tōog soaba, rēnd bi-pugl rulgre zao a ba, ti ma wã rulgr zao a biigã t'a sã n yaa kãsma n tar tōogo, ti pag rulgre zao a sida.**

la Lislaoongā maaname ti pagba yaa raopa boaga Wēnd Tēn-tuumā- Wēnd puusg la A tilgr be a yīng-yeelame: "Ad pagbã yaa rapa begse". A Attirmiizi n togs-a, (113) La sēn be Lislaoongā sēn waoog paga, yaa Lislaoongā sēn maan ti ma rilgr yaa tilae n zao a biigã t'a sã n yaa tōoda. Wēnd Tēn-tuumā- Wēnd puusg la A tilgr be a yīng- yeelame: «Ad nug ning sēn kōtã wã, yē la sēn zēkã, kō f ma wã, la f ba wã, la fo tao poaka, la f tao rawa, rē poorē sēn pē foom n yuda, la sēn pē foom n yuda» lumaam Ahmad n reeg-a La rogdb a yibã darge sēn ta to-to a vēnegrã watame -ti Wēnd sã n sake- guls sull -(paragraf limoro)-sōor(29) wã La sēn be Lislaoongā sēn waoog paga pugē, yaa a sēn rogl rawa t'a rilg pagã, t'a sã n yaa tōog soaba, Wēnd yeelame A Naam zēkyā: {Tōog soab fāa yāk a tōogã n rilge, la ned ning b sēn wa n weoog a rtilã a zugu, bi a rilg Wēnd sēn kō-a wã teka, Wēnd pa rogend yōore rēnda būmb ninga A sēn kō-a wã, ad Wēnd na n maana keelemã poorē yol-yole.} [Aṭṭalaaku: 7] La rao n sok Nabiyaamã, Wēnd puusg la A tilgr be a yīnga, pag hake sēn zao a sid yaa bōe? T'a yeele: «yaa f rilg-a ti f sã n ri, la f yelg-a ti f sã n yelge, la f ra pãb nengã la f ra yeel t'a yaa yook ye» lumaam Ahmad n reeg-a La Wēnd Tēn-tuumā- Wēnd puusg la A tilgr be a yīnga- yeelame, n vēnegd pagbã hake-rāmbã sãndã sēn zao b sidsbã: «La b (Pãgbã) tara hake ti rog yãmb zugu, yaa b rilgrã la b yeelgrã ne manegre» Şahuh Muslim A le yeeleme puusg la tilgr be a yīnga: «zunuub taa tek ne ninsaala t'a wa tug n yeeb a sēn rilgd b rāmbã» lumaam

Ahmad n reeg-a T'a Alḥaṭaabu yeele: (A sēn yeele : " t'a sēn rlgd-b rāmbā" a rat n yeelame ned ning rlg r sēn zao yē wā, la a maanā wā yaa wala a yeta do-manndā, " ra maan doaaga ne būmb ning sēn pa sek fo zakā rāmb ti kella ye , n rat n bao keoor be, ti rēnda wat n lebga zunuubu ti fo sā n yeeb-ba) La sēn leb n be Lislaongā sēn waoog pagā, yaa a sēn maan ti bi-pugl rlg yaa tilae n zao a ba wā, Wēnd yeelame A Naam zēkyā: { La ma-rāmbā yēsemda b Koambā yuum a yiibu sēn pidi, sēn tulla n na n pids yēsengā, la b sēn doge n na kō a soaba (saambā) n na n rlg-ba la a yeelg-ba wala b sēn minim n maandē } [Albakara: 233 ] Tl Wēnd vēneg n wilg ti zao ba ning sēn paama biiga t'a rlg a biig-a la a yelg-a sēn zemse. la Wēnd koεεg sēn le yeele: {la pagba sā n sak n na n yēsem n kō yāmba, bi y kis-y b keoorā} [Aṭṭalaaku: 6] Tl Wēnd maan ti yaa tilae ti biigā yēsengā keore roga a bawā zugu, ti rēndā wiligdē ti ad biig rlg zao a ba wā zugu. la sā n yeel ti (roagda) a gūbgda rawa la pag fāa, la hadiis ning sēn watā wā, tagmas n be beenē n wiligdē ti pag la a komabā rlgre yaa tilae n zao ba wā zugu. Rēnd reegame n yi a Aaisa nengē, Wēnd yard be a yīnga, t'a Hīnd yeela Nabiyaama -Wēnd puusg la A tilgr be a yīnga- t'a Abu Sufyaan yaa rawa sēn yaa beed soaba, ti mam tar tulsem n na n yāk a ligdā, ti Nabiyaamā yeele: «Yāk sēn sekd foom la f biigā wala b sēn mi ti būm ning sekdame wā» Albuhaari n togs-a, Tl Nabiyaam wagellā welg n wilig koam-pugli wā la tao-pogsā rlg rā yudlem ning sēn be a pugē wā, ti Wēnd Tēn-tuum -puusg la A tilgr be a yīng- yeele: « Ned ning sēn zāa koam-pugli a yiibu maa koam-pugli a tāabo maa tao-pogs a yiibu maa tao-pogs a tāabo, hal ti b wa tug n welge, maa a maan kaalem n bas-ba, maam ne yē soabā d na n yu wala bāmbā b yibā, rē t'a teesa ne a nug-bi a yibā, nug-bi teesdgā la a nug-bu sugrā » Sūṣūlat Aṣṣahuha 296.

**20- La kūmā ka yēnda la sεεb ning sēn ka tar tekā ye, ad a yaa būmb sēn yaa tedgre, n na n yi tuum zakē n na n kēng rolb zakē, la kūmā a rikda yīngā la yōorā fāa, la yōorā me kūm yaa a sēn na wa welg n bas yīngā, rē poorē a lebgd n waa yīngē wā b sēn wat n na n yik nebā dūni yikr raarā. La yōorā ka būmb sēn toeemde kūmā poorē n kēng yīnga a to ye, a leb n ka kēed yīng a to.**

Kūmā ka yēnda la sεεb ning sēn ka tar tekā ye, Wēnd yeelame, A Naam zēkyā: { Yeele: "kūm Malēkā b sēn bobl-a soab ne yāmbā ti reegd yāmb yōyā yē n na n ku yāmba, rē poorē yāmb Soabā nengē la b na n lebs yāmb".} [Assaḡda :11 ] la kūmā a rikda yīngā la yōorā fāa, la yōorā me kūm yaa a sēn na wa welg n bas yīngā, rē poorē a lebgd n waa yīngē wā b sēn wat n na n yik nebā dūni yikr raarā. Wēnd yeelame A Naam zēkyā: { Wēnd n kuud yōyā b kūmā wakato, la sēn pa ki a goeemē wā, rēnd A yōkd A sēn bu kūmā a soab zugā, la A bas a to wā n tug wakat sēn yāk raare, ad yel-soalm be rē pugē ne neb sēn tagsd n getē.} [Azzumar: 42] Tl Tēn-tuumā -Wēnd puusg la A Tilgr be a yīnga- yeele: «B sā n reeg yōorā, ninā tūnegd-a lame ( a nogdame n get-a) » A Muslim I togs-a 920. La kūmā poorē, ninsaal tedgedame n yi tuum zakē n kēng rolbā zakē, Wēnd yeelame, A Naam zēkyā: { Yāmb fāa lebgr zīig yaa Yē nengē, woto yaa Wēnd pulungo sēn yaa sīda, yaa Yē n yēbgd naanegā rē loogr poorē t'A le lebs-a (n vuug-a) sēn na yil n rol sēn kō b sīdā-rāmbā la b maan tuum neerā ne manegre. La sā n yaa ne kifl-rāmbā b na n kō-b la bōn-yūudi sēn yaa ko-tuulga sēn yi Gēhum pugē la nang sēn zabde, b sēn da yi n kifldē wā yīnga} [Yuunus: 4]

La yōorā ka toeemde kūmā poorē n kēng yīng a to ye, b leb ka kēed taab ye, rēnd neb nins sēn yeel ti yōyā kēeda taaba, yam ka wilgd-a, nenem me ka wiligd-a, la būmb baa fu ka be n wīnigd loεεg-kāngā sēn yi nabiyaam-rāmbā nengē ye, puusg la tilgr be b yīnga.

**21-Lislaongā boondame n tug ti b kō sīda ne kō-sīdā yēga sēn yaa b bεd-bεdā, bāmb me la**

**kõ-sid ne Wēnde la A malegsã la Wēnd  
Gaf-rãmbã, wala Taoraat la Lingiila la Zaboori,  
-taoor ti b yiibã b na ka toeem-ba, la Alkurãanã,  
la kõ sida ne Nabiyaam-rãmbã fãa la Tēn-tuumbã,  
tulgr be b yīnga, la leb n kõ sida ne b Pidsdã a  
Muhammad, sēn yaa Wēnd Tēn-tuumã, sēn yaa  
Nabiyaam-rãmbã la tēn-tuumbã Pidsda, la kõ sid  
ne Yaoolem raarã. La d bãng ti ad dūni vumã, sã  
n da yaa yē la tēka, d mikdame ti vumã la belmã  
yaa bũmb sēn yaa reem bala. la d leb n kõ sida  
ne Wēnd Boudã la A Pulengã.**

La lslaoongã boondame n tugd kõ-sida ne lumaongã (sid-kūunã) yēga sēn yaa b bēd-bēdã, nabiyaam-rãmbã fãa la tēn-tuumbã sēn bool n tugã -tulgr be b yīnga- la bãmb me la woto:

Rēenem: yaa kõ-sid ne Wēnde ti yaa Soaba, n yaa Naanda, n yaa Rilgda, n yaa Rabsda ne dūni-kãngã, leb n yaa Yēnda a Yembr tãa n sōmbe ti b tū-A, la bōn-tūudg fãa zēng sēn ka Wēnde yaa zaalem, ka sōmb ti b tū-a ye, sã n ka Wēnd A Yembr bala, la tūudum ka manegde rēndame ti yaa Wēnde, la daliils renga taoore sēn vēnege n wiligd masaal-kãngã goms-sull (paragraf) sōor a (8) wã.

La Wēnd wilgame, A Naam ylgame n zēke, yēg-kãensã sēn yaa bēd-bēdã Aayae-rãmb wusg pugē, sēn yaa toor-toore n be Alkurãan zisgã pugē, sēn be a pugē yaa Wēnd koεεg sēn yeele, A Naam zēkyã: { Tēn-tuumã kõo sida ne b sēn sik n kõ-a sēn yi a Soaba nengē wã, la muumin-dãmbã me yaa boto, b yem kam fãa kõo sid ne Wēnd la A Malegsã la A Gaf-rãmbã la A Tēn-tuumbã. Tōnd pa welgd baa a yembre A Tēn-tuumbã pugē ye, la b yeele: "d wumame, d tūume, d kot-F la yaafa d Soabã. Lebengã-zīig me yaa Fo nengē".} [Albakara: 285] . Wēnd leb n yeelame A Naam zēkyã: { Manegrã pa yãmb toglg y nemsã Yaanga maa Winto-luitgē ye, la ad manegrã yaa sēn kõ a sid ne Wēnde la Laahr raarã la Malegsã la Gafã la Nabiyaam-rãmbã la a yēk a Arzēkã ne a sēn noang-a wã fãa n kõ a rog-pētba la kubse la nim-bãan-rãmba la kēnd-kēnda la bōosdba la yembs bas burīndi la a yānes ne Puusgo la a kõ Zaka, la sēn pidsd-b puleng ti b sã n pulme la sēn maad-b sugr keelem pusē la namesgo la keelmã wakato. Bãmb rãmb la sēn sidgbã, bãmb rãmbã la Wēnd-zoetbã} [Albakara:177.] La Wēnd boolame n tugd kõ-sida ne sid-kūunã yēga sēn yaa bēd-bēdã, la A leb n vēnege, ti ned ning sēn kifl ne bãmbã, ad a soab menemame meneng sēn zãre, Wēnd yeelame A Naam zēkyã: { Yãmb a sid kōtba! Kō-y sid ne Wēnd la A tēn-tuumã la Gaf ning sēn sik A tēn-tuumã zugã la gaf ning sēn da reng n sigã. La sēn kifēnda ne Wēnd la A Malegsã la A Gaf-rãmbã la A Tēn-tuumbã la yaoolem raarã, sida a menma meneg sēn zãage} [Annisaa'v: 136 ] La bee hadiisa puga, sēn yi a Umar [bn Hataab nengē, Wēnd yard be a yīnga, a yeelame: ( Raar a yembr la tōnd da zī Wēnd Tēn-tuum nengē -Wēnd puusg la A tulgr be a yīnga- ti rao wa puk tōnd nengē, t'a futã peelem yaa wusgo, t'a zoobdã sablem yaa wusgo, la b ka ne so-toak tagmas me a zug ye, ned baa a yembr me ka mi-a tōnd suka ye, halt t'a wa tug n zīnd Nabiyaama nengē, Wēnd puusg la A tulgr be a yīnga, n tik a rūma yiibã ne a rūmã, n rik a gε a yiibã n tees a gε a yiibã, n yeele: " Muhammad, togs maam lslaoongã sēn yaa a soaba: "ti Wēnd Tēn-tuumã, Wēnd puusg la a tulgr be a yīnga, yeele: " lslaoongã yaa fo sēn na n kõ sid ti soab sēn na n tū n tlg ka be rēnda Wēnde, la a Muhammad yaa Wēnd Tēn-tuumã, puusg la tulgr be a yīnga, la f yals ne Puusgo la f yãk zaka n kõ, la f loe Ramadaan no-loere, la f kaag Roogã ti f sã n paam sor n na n tug beenē". La a (rawã) yeelyã: " f togsa sida". T'a Umar yeele: "ti tōnd maan yel-solemd ne-a, a sēn sokd-a wã la a leb n sidgd-a wã". La rawa yeelyã: " bi f kõ maam kibare sid-kūun sēn yaa a soaba", Ti Nabiyaamã yeele: " yaa f kõ sid ne Wēnde, la A malegsã la Gaf-rãmbã la A Tēn-tuumbã la Yaoolem Raarã, la f kõ sid ne Pulungã, a wēnga la a sōma". La a yeelyã: " f togsa sida". T'a yeele: " bi f togs maam manegr sēn yaa a soaba". T'a yeele: « yaa fo tū Wēnde, ti yaa wala fo ne-A lame, bala fo sã n yt n ka ne-A, ad A ne-f lame». Şahuh Muslim 8. Rēnd

hadiis-kāngā pugē, a Gibriila -tlgr be a yīnga- waa Tēn-tuum a Muhammad nengē -Wēnd puusg la A tlgr be a yīnga- n sok-a dīnā dargē-rāmba, bāmb me yaa lislaoongo, la sūd-kūuni la manegre, ti Tēn-tuum a Muhammad leok-a Wēnd puusg la A tlgr be a yīnga, rē poorē ti Tēn-tuum a Muhammad, Wēnd puusg la A tlgr be a yīnga kō a Şahaabsā kibare, Wēnd yard be b yīnga, ti ad yā wā yaa a Gibriila tlgr be a zugu, a waa yāmb nengē, n na n wilig-y y dīnā. Rēnd yaa wānde la lislaoongā, n yaa Wēnd Tēn-tumde, t'a Gibriil wa ne-a ti Tēn-tuumā rk-a n taas a nebā, t'a Şahaabsā -Wēnd yard be b yīnga- ruls-a la b taas-a nebā Nabiyaamā loogrā poorē. Yiib soaba: yaa kō-sid ne malegsā, bāmb me yaa dūni sēn solge, Wēnd naan-b lame, n maan-ba ti b yaa yalē ninga sēn welge, la A rogl-ba tuuma sēn yaa zūdo, la sēn be b tuum bēdā pugē, yaa Wēnd tēn-tumā taasgo tēn-tuumbā la nabiyaam-rāmbā nengē, tlgr be b yīnga. La malegsā sēn tug n yūda ne zūlem, yaa a Gibriila, tlgr be a yīnga, la būmb ninga sēn wiligd ti yaa a Gibriil -tlgr be a yīnga- n sigd ne Wahī wā n kōt tēn-tuumbā -puusg la tlgr be b yīnga- yaa Wēnd koεgā sēn yeele A Naam zēkyā: { A sikda malegsā ne wahī wā sēn yaa A sagellā, A sēn tull a soab nengē A yembsā pugē, ti b bugs n yeel ti: "Soab ka be rēnda Maam, bi y zoe-Ma". }! [Annahlu: 2] Wēnd le yeelame A Naam zēkyā: { Ad a sigame n yi bōn-naandsā Soab nengē (192) Bas-m-yam yō-yulemdā (a Gibriil) n sik ne-a (193) Fo sūurē wā, sēn na yil ti fo yi bugda (194) Ne Laarab-rāmb zelemde sēn vēnegde. (195) La ad a bee rāeenem (Tēn-tuumbā) gaf-rāmb pugē (196) } [Aşşu'raa-u: 192-196] Tāab soaba: yaa kō-sid ne Wēnd Gaf-rāmbā, wala Taoraatā la Lingiilā la Zabuurā -taoor ti b na ka toeem-ba-. La Alkurāanā Wēnd yeelame A Naam zēkyā: { Yāmb a sūd kōtba! Kō-y sūd ne Wēnd la A tēn-tuumā la Gaf ning sēn sik A tēn-tuumā zugā la gaf ning sēn da reng n sigā. La sēn kīfēnda ne Wēnd la A Malegsā la A Gaf-rāmbā la A Tēn-tuumbā la yaoleem raarā, sūda a menma meneg sēn zāage } [Annisaa'u: 136 ] Wēnd le yeelame A Naam zēkyā: { A sika Gafā fo zug ne sūda n sūdgd sēn deng a taorā la A sik Taoraatā la Ingiiilā (3) sēn deng taoore ti yaa kāndagr ne nebā la A sik Kuraanā, ad sēn kifl-b ne Wēnd Aayae wā b tara namsg sēn yaa kegenga, la Wēnd yaa a Winda n yaa Sibgda (4) } [Aal- [mraan: 3-4] Wēnd I yeelame A Naam zēkyā: { Tēn-tuumā kōo sūda ne b sēn sik n kō-a sēn yi a Soaba nengē wā la muumin-dāmbā me, yem kam fāa kōo sūd ne Wēnde la A Malegsā la A Gaf-rāmbā la A Tēn-tuumbā. Tōnd pa welgd baa a yembre A Tēn-tuumbā pugē ye, la b yeele: "d wumame d tūume, d kot-F la yaafa d Soabā. Lebengā-zīig me yaa Fo nengē". } [Albakara: 285] . A le yeelame A Naam Zēkyā: { Yeele d kōo sūd ne Wēnd la sēn siki n kō tōndā la sēn sik n kō a [braahum la a [smaaul la a [shaak la a Yaakub la Yagensā la b sēn kō a Muusa la a [isa la Nabiyaam-rāmbā sēn yi b Soaba nengā wā tōnd pa welged ba a yembre b suk ye tōnd me yaa Sak-n-tū rāmba ne-A } [Aal-[mraan: 84.] Naas soaba: yaa kō-sid ne Nabiyaam-rāmbā la Tēn-tuumbā fāa -tlgr be b yīnga-. Rēnd yaa tilae ti d kō sūd ne nabiyaam-rāmbā la tēn-tuumbā fāa, tlgr be b yīnga, la d loe ti b fāa gill yaa sēn yi Wēnd nengē, n taasd b nebā Wēnd tēn-tumā la A dīnā la A Sari wā, Wēnd yeelame A Naam zēkyā: { Yeel-y: " d kōo sūd ne Wēnd la sēn sik n kō tōndā la sēn sik n kō a [braahum la a [smaaul la a [shaak la a Ya'akuub la Yagensā la b sēn kō a Muusa la [isa la b sēn kō Nabiyaam-rāmbā sēn yi b Soabā nengā wā, tōnd pa welgd baa a yembre b suka ye, tōnd me yaa sak-n-tū-rāmba ne-A } [Albakara: 136] Wēnd le yeelame A Naam zēkyā: { Tēn-tuumā kōo sūda ne b sēn sik n kō-a sēn yi a Soaba nengē wā la muumin-dāmbā me yaa boto, yem kam fāa kōo sūd ne Wēnd la A Malegsā la A Gaf-rāmbā la A Tēn-tuumbā. Tōnd pa welgd baa a yembre A Tēn-tuumbā suk ye, la b yeele: "d wumame, d tūume, d kot-F yaafa d Soabā. Lebengā-zīig me yaa Fo nengē". } [Albakara: 285] . Wēnd le yeelame A Naam zēkyā: { Yeele: " d kōo sūd ne Wēnd la sēn sik n kō tōndā la sēn sik n kō a [braahum la a [smaaul la a [shaak la a Ya'akuub la Yagensā la b sēn kō a Muusa la a [isa la b sēn kō Nabiyaam-rāmbā sēn yi b Soabā nengā wā, tōnd pa welgd baa a yemre b suka ye, tōnd me yaa sak-n-tū-rāmba ne-A } [Aal-[mraan: 84.] La a leb n kō sūd ne b Pidsdā, yē me la a Muhammad, Wēnd Tēn-tuumā, n yaa nabiyaam-rāmbā la tēn-tuumbā Pidsdā, puusg la tlgr be b yīnga, Wēnd yeelame A Naam zēkyā: { La tēeg wakat ning Wēnd sēn deeg Nabiyaam-rāmbā pulengā n yeel-ba: " M sā n kō yāmb Gafo la Būd-minim, rē poorē ti Tēn-tuum wa yāmb nengē, n sūdgd sēn be ne yāmbā, yāmb na n kōo sūda ne-a la y sōng-a?" La A yeele: " yāmb reega y zugē la y sak Mam Pulengā?" La b yeelyā: " d sakame". t'A yeele: " bi y maan kaseto ti Ma me lagma yāmba n maan Kaseto". } & [Aal-[mraan: 81.] Rēnd Lūlaoongā, a maana kō-sidā ti yaa tilae ne tēn-tuumā la nabiyaam-rāmbā gilli sēn gūbgā, leb n yaa tilae ti b leb n welg n kō sūda ne b Pidsdā, yē me la Tēn-tuumā a Muhammade, Wēnd puusg la A tlgr be a yīnga, Wēnd yeelame A Naam zēkyā: { Yeel b sēn kō-b rāmb Gafā: " yāmb pa be fu zugu hal ti y wa yānes ne Taoraatā la Lingiilā la b sēn sik ti wa yāmb nengē sēn yi y Soabā nengē wā". } [Al-Maa'ida 68]. Wēnd le yeelame A Naam zēkyā: { Yeele: " yāmb a Gafā rāmba! Wa-y ti d tug gomd sēn yaa turga tōnd ne taab suka, yaa ti d ra wa tū rēnda Wēnde, la d ra maan Lagm-n-taare ne-A baa fu la d ra rik taaba n maan soab-rāmba zēng ti pa Wēnd ye". La bāmb sā n raεεge bi yeel-ba: " bi y maan kaseto ti tōnd yaa lislaoomba". } [Aal-[mraan: 64.] La ned sā n kifl ne nabiyaam a yembre, sūda la hakuka a kifla ne nabiyaam-rāmbā la tēn-tuumbā fāa -tlgr be b yīnga- rē n kit ti Wēnd yeele, n kōt kibare ne A sēn bu a Nuuh nebā zugu, tlgr be a yīnga: { A Nuuh nebā yagsa

Tĕn-tuumbā} [Aššu'raa-u: 105] La būmb ning sĕn ka solgĕ, yaa t'a Nuuhu -tlgr be a yĭnga- tĕn-tuum ka reng a taor ye, la lagem ne rĕ fāa, a nebā sĕn wa n yags-a wā, yags-kāng kell n lebgame ti yaa wala tĕn-tuumbā la nabiyaam-rāmbā fāa yagsgo, bala b fāa boollā yaa a yembre, b raabā yaa a yembre. Nu soaba: yaa kō-sid ne Yaoolem raarā, yĕ me la Yikrā raare, la dūni-kāngā vumā saabĕ, Wĕnd sagenda Malek a [sraafula -tlgr be a yĭnga- t'a peeb vūbg-n-lu wā peebgo, ti vūbg n lu n kĭ Wĕnd sĕn tull-a soab fāa, Wĕnd yeelame A Naam zĕkyā: { ti b peeb Baorgā, ti sĕn be saasĕ la tĕngĕ fāa ki, rĕnda Wĕnd sĕn tull a soab bala, rĕ poorĕ ti b le peeb peebg a to ti bāmb yaa sĕn yik n yas n getĕ.} [Azzumar: 68] La sĕn be saasĕ wā la tĕngā fāa sā n halke, rĕnda Wĕnd sĕn tull a soab bala, Wĕnd na n pila saasā la tĕngā, wala Wĕnd koεg sĕn yeele A sĕn togs pugĕ, A Naam zĕkyā: {Raar ning Tōnd sĕn na n wa pil saaga ti yaa wala seb karaaga pilbu, Tōnd na n lebs-a naanegā wala Tōnd sĕn da sung-a wā yaa puleng D sĕn rĭke, n na n pidsi.} [Al-ambiyaa'u:104 ] Wĕnd le yeelame A Naam zĕkyā: { B pa zĭsg Wĕnd A zĭsgr tekĕ ye, ti tĕngā fāa gilli yaa A yōng vuka yikrā raare, ti saasā yaa sĕn pōd ne A rĭtgo, yĭgem be ne Wĕnd, A naam leb n zĕke n yi būmb ning b sĕn maan ne lagem-n-taarā.} [Azzumar: 67] Tĭ Tĕn-tuumā -Wĕnd puvsĭ la A Tĭlgr be a yĭng- yeele: «Wĕnd pōtame -A Naam yĭ wage n zĕke- saasā dūni Yikr raare, rĕ poorĕ t'A rĭk-ba ne A Rĭtg Nugā, rĕ poorĕ t'A yeele: "Maam la Naabā, pāng rāmbā bεε? Waoog-m-mens rāmbā bεε?" Rĕ poorĕ t'A pil tĕngā ne A Gabgā, n yeele;" Maam la Naabā, pāng rāmbā bεε? Waoog-m-mens rāmbā bεε?» A Mulim n reeg-a. Rĕ poorĕ ti Wĕnd sagĭ malekā, t'a lebg n fuvs noor a to, ti mik ti nebā yaa sĕn yik n getĕ, Wĕnd yeelame, A Naam zĕkyā: { rĕ poorĕ ti b le peeb peebg a to ti bāmb yaa sĕn yik n yas n getĕ } [Azzumar: 68] Rĕnd Wĕnd sā n yĭgs bōn-naandsā, A tigimd-b lame geelgā yĭnga, Wĕnd yeelame, A Naam zĕkyā: {raar ning Tĕngā sĕn pārgd n basd-ba ti b yik n yāgdĕ, ad rĕ yaa Tiging sĕn yaa nana ne Tōndo.} [Kaaf: 44] Wĕnd le yeelame A Naam zĕkyā: { raar ning bāmb sĕn vēnegdā, ti būmb pa solgd Wĕnd ye, ānd n so naamā rūnda? Yaa Wĕnd sĕn yaa a Yembrā n yaa Windā.} [Gaafir: 16] Rĕnd ra-kāngā pugĕ -Wĕnd geenda nebā b fāa gilli, ti b sĕn wĕg a soab fāa maan n rol ned ninga sĕn wĕg-a wā, la A rol ninsaal fāa a sĕn tum būmb ninga, Wĕnd yeelame, A Naam zĕkyā: { Rūndā b ronda yōor fāa a sĕn tume, wĕgd kae rūnda ye! Ad Wĕnd yaa Geel tuulg Naaba.} [Gaafir: 17] la Wĕnd yeelame A Naam zĕkyā: { Ad Wĕnd pa wĕgd ba salensaag bilgr ye, la sā n yaa neere A fāood-a lame, la A paas sĕn yi A nengĕ keoor sĕn yaa zĭsgo} [Annisaa'u: 40 ] Tĭ Wĕnd le yeele: {La ned ning sĕn wa n tuma sĕn paood to-to fāa, ti yaa sōma, a yāt-a lame (7) La ned ning sĕn wa n tuma sĕn paood to-to fāa, ti yaa wĕnga, a yāt-a lame (8)} [Azzalzala 7-8]. la Wĕnd yeelame A Naam zĕkyā: { La Tōnd na n ngla peesgā ne tĕeg-turga, yikra raarā, ti b pa na n wĕg yōor baa fu, baa ti sā n yaa būmb bilf wala goandag biiga, D na n waa ne-a, la ad Tōnd geelgā sek yā} [Al-anbiyaa'u 47 ] La Yikrā ne Geelgā loogr poorĕ, yaa rolbo, rĕnd sĕn tuma sōma, yĕ soab tara neema sĕn duumdi sĕn ka gobgde, la sĕn tuma wĕnga la kiflem yĕ tara subgre, Wĕnd yeelame A Naam zĕkyā: { ra-kāng raarā naamā yaa Wĕnd n so, A na n buv bāmb ne tab suka, neb nins sĕn kō sidā la b maan tuum sōmbsā bee neemā arzān-dāmb pugĕ. (56)} La neb nins sĕn kiflā la b yags Tōnd Aayae-rāmbā, nong faagdg be ne bāmba. (57)} [Al-haĝ : 56-67] La d bāngdame ti dūni vumā sā n da mikame ti yaa yĕnda la tĕka,rĕnd vumā la belmā ra yaa reem, Wĕnd yeelame A Naam zĕkyā: { Rĕ yĭnga yāmb tĕedame ti Tōnd naana yāmb ti yaa zaalem (wĭsg) bala ti y ka na n lebg n wa Tōnd nengĕ?"} [Almuuminuun 115] Yoob soaba: yaa kō-sida ne Kaĝaa't (Buudā) la Kadar (Pulungā maa kordgā), yĕ me yaa f bāng ti yaa tilae ti f kō sida ti Wĕnd bānga sĕn yĭ wā fāa gilli, la sĕn na n yĭ dūni-kāngā pugĕ, la f leb n bāng ti Wĕnde A gulsa rĕ fāa gilli, taor t'A na n ka naan saasā la tĕngā, Wĕnd yeelame A Naam zĕkyā: { La yel-soaandi kulem-biis bee A nengĕ, ned ka me-a ti sā n pa Yĕ ye, la A mi sĕn be wen-vuusĕ la mogrĕ, la vāoog buud pa lute rĕndame t'A mi a tĭiri, pa bōn-bεelle sĕn be tĕngā ligs pugĕ, pa bōn-maasre pa koεnga, rĕndame t'a be gaf sĕn vēnegd pugĕ} Al-An''aam 59], la f leb n bāng ti Wĕnd gūbga būmba fāa ne bāngre, Wĕnd yeelame A Naam zĕkyā: { Wĕnd la Soab ning sĕn naan saas a yopoe,la Tĕngĕ wā me yaa bāmb bilgri, A yĕla yaa sĕn sigd b suka buil yĭng ti y bānge ti ad Wĕnd yaa tōogd ne būmbā fāa gilli, la Wĕnd leb n gūbga būmbā fāa ne bāngre} [Atĭalaaku: 12] La ad būmb ka yĭte vum-kāngā pugĕ, sĕn yaa yel ningā fāa,rĕndame ti Wĕnd n rat-a, rĕndame ti Wĕnd n rabs-a la A tull-a la A naan-a , la A leb n yols a sabab-rāmbā, Wĕnd yeelame A Naam zĕkyā: { Naab ning sĕn so saasā la tĕngā naamā, la A pa tar biiga, A pa tar lagem-n-taaga A naamĕ wā ye, A naana būmbā fāa me n kit t'a zems zemsg tekĕ} [Al-Furkaanu :2] La Wĕnd tara raab sĕn ta tĕk yel-kānsā pugĕ, nebā sĕn ka tōe n bāng raab ninga, Wĕnd yeelame A Naam zĕkyā: { Yaa bāng nafa sĕn ta tĕka, la bugsgā pa nafd-b ye} [Alkamaru: 5] Wĕnd le yeelame A Naam zĕkyā: { La Yĕnda n sungd naanegā, n na n le lebs-a rĕ poorĕ, la rĕ n yud naana ne-A, la bilgr sĕn yud zĭslem saasĕ la tĕngĕ yaa Yĕ soolem, la Yĕ la Winda n yaa Buud-mita } [Arruum: 27] La Wĕnd sĭfa a meng ne Bāng bedre, la A leb n pud A Mengā ti bāng bedre Soaba, Wĕnd yeelame A Naam zĕkyā: { Wĕnd maana kaseto ti yel sĕn yalĕ soab sĕn tūudi n tĭlg kae rĕnda Yĕ, ti Malĕgsā la bāngdbā maanda kaset t'A yasa ne tĕeg-turga, Soab sĕn tūud n tĭlg kae sā n pa Yĕ sĕn yaa a wilb Naabā sĕn yaa a buud Mitā } [Aal-Imraan: 18.] Wĕnd leb n yeelame -A Naam zĕkyā- n

kõt a 'lisa kibare -tlgr be a yīnga- ti ad a na n goma ne Wēnd dūni Yikrā raare, n yeele: { Fo sã n nams-ba, b yaa Fo yembse, la F sã n yaaf-ba, ad Foo la a Winda n yaa a buud Mita". } [Al-Maa'ida 118]. La Wēnd leb n yeelame -A Naam zēkyā- a Muusa -tlgr be a yīnga- A sēn wa n bool-a Ṭuur siniin tångã kirengē wã: {" A Muusa, ad Maam la Wēnde sēn yaa a wilb Naabã, n yaa a Buud Mitã"} [Annamlu: 9] La A sif Alkurāan zisgã ne bång bedre, Wēnd yeelame A Naam zēkyā: {Alf, Laam, Ra. Yaa Gaf Aayae-rãmb maana sēn manege la b wels-a t'a yi buud minim Soabã nengē.} [Huud: 1] Wēnd le yeelame A Naam zēkyā: { Rēnda yaa fo Soaba sēn tumes ti wa fo nengē wã sēn yaa buud-minim, la ra tū soab zēng n naag ne Wēnd ti b wa lobg-f Gēhannemã pugē ti f yaa b sēn sãbs a soaba n rig-a n zãag ne yolsgo.} [Al-Israa'u: 39]

**22-La nabiyaam-rãmbã, b gū-b lame n yi tudgri, tulgr be b yīnga, būmb ning fãa b sēn taasdã ti yi Wēnd nengē wã, b leb n gū-b lame n yi tudgri n yi būmb fãa sēn yōsg yam maa zug-sōngo, la nabiyaam-rãmbã, b rogl-b lame ti b taas Wēnd saglsã A yembsē wã. La nabiyaam-rãmbã b ka tar baa fu sēn yaa wala Rubuubiya ( Soolem) maa Ulubhiya (Sobendem). Ka woto ye, bãmb yaa yīng rãmb bala, n wōnd nebã fãa gilli, ti Wēnd tumsd A tēn-tuumdã ti kēngd b nengē.**

La nabiyaam-rãmbã, b gū-b lame n yi tudgri, tulgr be b yīnga, ne būmb ning b sēn taasdã ti yi Wēnd nengē wã, bala Wēnd tūsdame A bōn-naandsã pugē sēn yud b sōmblem sēn na yl ti b taas A tēn-tumdã, Wēnd yeelame A Naam zēkyā: { Wēnd tūusda malegsã wã Tēn-tuumba, la nebã wã me (Wēnd tūusda Tēn-tuumba) ad Wēnd yaa Wumda n yaa Neta} [Al-hağ : 75] A le yeelame A Naam zēkyā: {ad Wēnd tūusa a Adam la a Nuuh la a [brahum zaka rãmba la a ĩmraan zaka rãmba bōd nãansa zugu} [Aal-ĩmraan: 33.] A le yeelame A Naam zēkyā: {T'A yeele: Muusaa, ad Mam tūusa foom nebã zugu ne M tēn-tumdã la M goama; bi f reeg Mam sēn kō fã, la f yi bark puusda} [Al-a'raafu: 144] La tēn-tuumbã, puusg la tulgr be b yīnga, b miime ti būmb ning sēn sigd bãmb zugē wã, a yaa Wēnd Wahı (tēn-tumde) la b leb n yãt malegsã ti b sigda ne Wahı wã, Wēnd yeelame A Naam zēkyā: { Yaa sēn solg Mita, A pa vēnegd A yel-soondwã ne ned baa a yembr ye.(26) rēnda ned ning A sēn yar a soaba, sēn yaa tēn-tuumbã, bång ti Yēnda A kēesda yē soabã neng taore la a poor wēngē kordba (27) buil yīnga t'a bange, ti b sid taasa b Soabã tēn-tumdã, A leb n gūbga būmb ninga sēn be bãmb nengē wã, A leb n tigma būmb a fãa gill sōore. (28)} [Alginnu 26, 28] La Wēnd sagl-b lame ne tēn-tuumdã taasgo, Wēnd yeelame, A Naam zēkyā: {Tēn-tuuma! Taas b sēn sik fo nengē wã sēn yi f Soabē wã, la f sã n pa maane rēnd f pa taas A Koεεgã ye. La Wēnd n gūud foo n yi nebã. Ad Wēnd pa kãndgd neb sēn yaa kifr-dãmb ye} [Al-Maa'ida 67]. A le yeelame A Naam zēkyā: { yaa tēn-tuumb sēn yaa sū-noogdba la bugsdba, buil yīng ti nebã ra tall padang Wēnd zugu tēn-tuumbã poorē ye, la Wēnd yume n yaa a winda n yaa a buud Mita.} [Annisaa'u: 165 ] La tēnt-tuumbã, puusg la tulgr be b yīnga, b yeesda Wēnd yeesg tekē, la b leb n zoet-A, b ka paasd A tēn-tuumdã pugē b ka poogd-a, Wēnd yeelame, A Naam zēkyā: { la t'a sã n dag n pas n roglg Tōnd zugu goam sãnda.(44) D na yōk-a a poorē ne rtgo.(45) rē poorē, D na wãaga a sūurã gĩindi.(46) ti ned baa a yembr pa be yãmb pugē sēn tōe n gidg-a ye. (47) [Alhaaka: 44-47] a [bn Kature -Wēnd na yols-a- a yeelame: ( Wēnd yetame, A Naam zēkyā: {lak t'a sã n dag n pasg n roglg Tōnd zugu}, rat n na n yeele: A Muhammado, a sã n rag n yaa wala kifr-rãmbã sēn yetã, n yaa pasd n rogend Tōnd zugu ne zĩri, n paasd a tēn-tumdã pugē, maa a boogdē, maa a yeel būmb sēn yi yē meng nengē n yeel ti yaa Tōnd n yeele, ti yaool n ka woto, Tōnd rag n na yãge n nams-a. Rē n kut t'A yeele: {D na yōk-a a poogē ne rtgo.}, b yeelame: a vōor rat n na n yeelame ti D na n sibg-a lame ne rtgo, bala yēnda la pãng sēn yud yōkr pugē. Ti koεεg a to yeele: D na n yōk-a lame ne a rtgã. A le yeelame A Naam Zēkyā: {La tēeg Wēnd sēn yeele: " 'A [usa a Maryam biiga! fo n yeel nebã: " rık-y maam ne m ma wã ti yaa



soab-rāmb a yiibu zēng sēn pa Wēnde?". T'a yeele: "Fo Naam yilgame, pa sōmb ne maam ti m yeele m sēn pa tar sor ne būmb ning ye, mam sã n yeel-a lame, sida Fo miime, Fo mii sēn be mam nengē, la m pa mi sēn be Fo nengē ye, ad Foo la yel-soonde Mita, mam pa yeel-ba, rēnda Fo sēn sagl maam ne būmb ningã: ti tū-y Wēnde sēn yaa maam ne yāmb Soabã, la mam ra yaa kaset maanda b zugu, m sēn da be b pugē wã, la Fo sēn wa n saas mam wakatã, Fo n yaa gūusda b zugu, la Fo yaa s̄et ne būmbã fãa} [Al-Maa'ida 116-117]. La Wēnd yudlemã sēn leb n be A nabiyaam-rāmbã la A tēn-tuumbã zugu -puusg la tilgr be b yīnga- yaa ti Wēnd tabend-b la A tēn-tumdã taasgo, Wēnd yeelame A Naam zēkyã: "T'a yeele: " m maanda Wēnd kaseto la maan-y kaset me -ti sid la hakuka, mam pidga m meng n yi yāmb sēn maan lagem-n-taarã ne būmb ninsã.(54) zēng sēn pa Yē, bi y rab maam y fãa gilli, rē poorē ra koll-y maam ye.(55) Ad mam bobla m meng ne Wēnde, sēn yaa mam la yāmb Soabã. Bōn-vite ka be rēndame t'A wōr-a lame t'a be A soolmē wã. Ad mam Soabã bee tēeg-tilgr zugu (56)} [Huid: 54-56] Wēnd le yeelame A Naam zēkyã: { La ad kella bilf ti b gūdg foom n yi Tōnd sēn tums būmb ning ti wa fo nengē wã n dat ti fo wāag zīri sēn pa yē n rogl Tōndo, wakat kãnga b rag n na rikē foom n maan b zoa. (73) La sã n pa Tōnd sēn tabend foomã, fo rag n na n kulla bilf n tug b nengē. (74) La f sã n maan rē, rēnd Tōnd rag n na leemsē foom sibg sabdga vumã pugē, la sibg sabdga kuumã poorē, rē poorē ti f pa paam fãagd n na n sōng-fo n yi Tōnd ye. (75)} [Al-Israa'u: 73-75] La Aayae-kãensã la sēn reng-b taorã, b wilgdame, n leb n yaa tagmase ti Alkurãanã yaa sēn siki n yi bōn-naands Naabã nengē, bala a sã n rag n yii Tēn-tuumã a Muhammad nengē -Wēnd puusg la A tilgr be a yīnga- a kōn n lagem gomd-kãensã sēn togend-a wã ye. La Wēnd -A Naam yilgame n zēke- A gūuda A Tēn-tuumbã n yi nebã wēngã, Wēnd yeelame A Naam zēkyã: { Tēn-tuumã! Taas b sēn sik fo nengē wã sēn yi f Soabē wã, la f sã n pa maane rēnd f pa taas A Koεεgã ye. La Wēnd n gūud foo n yi nebã. Ad Wēnd pa kãndagd neb sēn yaa kifr-dãmb ye} [Al-Maa'ida 67]. Wēnd le yeelame A Naam zēkyã: { La karem n togs-ba a Nuuh kibarã a sēn wa n yeel a zãmã wã: " yāmb a mam zãmã, sã n mikame ti mam zīndgã (yāmb sukã) la mam sēn tēegd Wēnd tagmasã namsda yāmba, bi y bāng ti yaa Wēnd la mam bobl ne m menga. Bi y tigim y yellã yāmb la y lagem-n-taasã, rē poorē ti y maan y sēn rat mam zugu la y ra gū maam ye } [Yuunus: 71] la Wēnd yeelame A Naam zēkyã, n togsd a Muusa koεεga, tilgr be a yīnga: { B yiiba yeelame tōnd Soaba ad tōnd yaeesdame t'a Firaon ra wa maan ti loog tōnd zugu wall a kedje ye, t'A yeele:" ra yaees-y ye, Mam bee ne yāmbã, M wumdame la M neē} [Taha :45-46] Ti Wēnd vēneg n wiligi, ti ad A gūusda A tēn-tuumbã, tilgr be b yīnga, n yi b bæebã, ti b ka tōe n ta-b ne wēng ye, la Wēnd leb n kōo kibare, t'A gūuda A tēn-tumdã, ti paasg ka tōe n kē a pugē, a leb n ka tōe n booge, Wēnd yeelame A Naam zēkyã: {Ad yaa Tōnd n sik Alkurãanã, la ad yaa Tōnd n na n gū-a.} {Al-higir 9} La nabiyaam-rāmbã, tilgr be b yīnga, b gū-b lame n yi būmb sēn yōsgd yam la zugdo, Wēnd yeelame A Naam zēkyã, t'A yaa sēn yilgd A Nabiyaamã a Muhammad: {Ad fo bee zug-wagall zugu} [Alkalam: 4] A leb n goma a yell yesa n yeele: {La yāmb nedã pa gãeeng ye.} [Attakwur: 22] La rēnda yaa sēn na yil ti b paam n yik n yals ne tēn-tumdã kisgo yalsg sēn yaa sōma n yuda, la Nabiyaam-rāmbã, bāmb me la b sēn rogle ti b taas Wēnd saglsã A yembsē wã, b ka tar būmb sēn yaa Wēndlem, maa sobendum tōog baa a yembr ye, b pus n yaa yīng rãmba, wala yīng rãmbã fãa gilli, ti Wēnd tumd A Tēn-tumã ti kēngd b nengē, Wēnd yeelame A Naam zēkyã: {Ti b tēn-tuumbã yeele:" yaa sid ti tōnd yaa neb wala yāmba, la ad Wēnd kōta yudlem A yembsã pugē ned ning A sēn tulle, la tōnd pa tōe n wa ne tagmes yāmb nengē rēnda ne Wēnd tōogo, la ad yaa Wēnd la sid-kōtbã bobend b mense ne-A} [[braahim: 11] Wēnd le yeelame, A naam zēkyã, n sagend A Tēn-tuumã a Muhammad -Wēnd puusg la A tilgr be a yīnga- t'a yeel a nebã: {Yeele:" ad mam yaa ned wa yāmb bilgri, ti b tum wahi ti wat mam nengē, ti yāmb Soabã yaa Wēnd a yembre, la ned ning sēn tēed a na ki n ti seg a Soabã, bi a tum tuum sōma la a ra maan lagem-n-taar ne a Soabã baa ful ye".} [Al-kaht:110].

**23- La Islaoongã boondame n togd Wēnd tūubu A Yembre, ne tūudmã yēg nins sēn yaa b b̄ed n ti yudã, bāmb me la: Puusgã: sēn yaa yasgo, la sulgri (Ruku), la suguudu la Wēnd Yuur tēegre, la A pēgbo, la kosgo. Ninsaal puusd-b la raar fãa noor a nu, la yud-taabã fãa sata a pugē, rēnd rakãagre la talga la naaba la sēn ka naaba, fãa**

**bee rulg a yembr zugu puusgã pugẽ. La Zakã: Yẽ me yaa sõor sãn yaa bilfu sãn yi arzekẽ wã, n zems ne sart-rãmba, la sõor ningã Wënd sãn yãke, ti yaa tilae n be rakãagbã arzεgsẽ, ti b yiisd n kõt talse la zẽng sãn ka bãmba. Yaa vugr tãa yuum pugẽ. La no-loeerã: Yẽ me la yõk-m-menga n yi bõn-kaoodi Ramadaanã kiuuga wĩntoogã pugẽ, a yaa bũmb sãn wubd yõorã ne raabo la sugri. La hagiimdã: Yẽ me la Wënd Roogã toglo sãn be Mak sãn yaa tẽn-wagellã, noor vugri yõorã woglem pugẽ, ti zao sãn yaa tõog soaba n tõe n kẽnge, la hagiimdã pugẽ, nebã fãa zemsa taaba ti b yaa sãn togl Naandã -A Naam yilgyã- ti yud-taabã la zugundã yelã fãa menemda beenẽ ti b lebg bũmb a yembre.**

La lislaoongã boondame n tugd Wënd tũudum, ne tũud bεd nins sãn tug n yudã, la zẽng sãn ka bãmba sãn yaa tũudum-rãmba, la tũud-kãensã sãn yaa bεdã Wënd maan-b lame ti b yaa tilae n rogl Nabiyaam-rãmbã fãa la tẽn-tuumbã -puusg la tilgr be b yĩnga- la tũudum-rãmbã sãn tug n yud zislemã yaa:

Rãeenem: yaa Puusgã, Wënd maan-a lame t'a yaa farila n yaa tilae n rog lislambã, wala A sãn maan-a n rogl nabiyaam-rãmbã la tẽn-tuumbã fãa -puusg la tilgr be b yĩnga- la Wënd sagla A nabiyaamã sãn yaa A noangã a [braahum -tilgr be a yĩnga- t'a yilg A Roogã, gilgdbã yĩnga la puusdbã sãn yaa zõondbã n yaa sugiuud maandebã, Wënd yeelame, A Naam zẽkyã: { La tẽeg Tõnd sãn maan Roogã ti yaa Lebeng zĩiga ne nebã la Bas-m-yam: " la y rik-y a [braahum na-tagdrẽ wã ti yi Puusug zĩiga". La Tõnd sagla a [braahum ne a [ssmaaula: Ti yilg-y M Roogã gilgdbã la wũgdbã la puusdbã yinga".} [Albakara: 125]. La Wënd maan-a lame t'a yaa tilae, a Muusa zugu, rãeenem boolgẽ sãn na n bool a Muusa tilgr be a yĩnga, Wënd yeelame A Naam zẽkyã: { Ad yaa Maam la fo Soabã, bi f pidg f neood a yibã, bala fo bee Tuuwaa ko-so-yulengẽ wã. (12) { La Mam tũusa foom, bi f kelg wahı M sãn na n tums ti wa fo nengẽ wã.} (13) { Ad yaa Maam la Wẽnde, Soab ka be, rẽnda Maam, bi f tũ Maam la f yãnas Puusgã n tẽeg Mam yuurã.} (14) [Taha 12-14] La a Sus-tu-maage a lisa -tilgr be a yĩnga- a kõo kibare, ti Wënd sagla yẽnda ne Puusg la Zak yãkre, t'a yeel wala Wënd sãn kõ kibare, A Naam zẽkyã: {La A maan maam ti mam tar barka mam sãn be zĩig ning fãa, la A sagl maam ne puusg la zak ti mam sã n ket n be vum pugẽ } [Maryam: 31] La Puusgã lislaoongã pugẽ, yaa yalsgo, la zõondgo, la suguudu, la Wënd Yuurã tẽegre la A pẽgbo, la doos kosgo, ninsaal puusd-a la raar fãa noor a nu, Wënd yeelame A Naam zẽkyã: {Gũus-y Puus-rãmbã la Tẽn-n-sugr (Laasarã) Puusgã la y yãnes ne Puusgã Wënd A Ye yĩnga ti y yaa gãneg-m-mens rãmba} [Albakara: 238] Wënd le yeelame A Naam zẽkyã: { Yãnas puusgã sãn sing wĩntoogã killg wakato n ti tãag zĩ-sobdo la Fagir karm-n-wogle, ad Fagir puusgã Malegsã yume n zĩndid beenẽ n seet-a} [Al-Israa'u: 78] ti puusg la tilgr be a yĩnga yeele: ( La sã n yaa rukuu wã (zõondgã), bi y zısg Soabã beenẽ -A Naam yu wagell n zẽke- la sã n yaa suguudẽ wã, bi y nigd pãnga ne kosgã, ti ad beenẽ n pẽ ne b na reeg y yĩnga) Şahuh Muslim Yiib soaba: yaa Zaka, Wënd maan-a lame t'a yaa tilae n rog lislambã, wala A sãn maan-a n rogl nabiyaam-rãmb la tẽn-tuumb sãn reng taoorã -puusg la tilgr be b yĩnga- yẽ me yaa bũmb sãn yaa bilfu arzekã pugã, n zems ne sart-rãmba la toaag ning Wënd sãn yãke, yaa tilae n be rakãagbã arzεgs

puga, ti b köt-a talsā, la zēng sēn ka bāmba, yaa vugr t̄aa yuum pugē, Wēnd yeelame, A Naam zēkyā: {Reeg sārā b arzeḡsē wā n yilgd-ba la f kos b yīnga, ti ad fo kosgā yaa yīn-yōḡnego ne-ba, la Wēnd yaa Wumda n yaa Mita } [Attaoba: 103] La wakat ning Nabiyaamā, -Wēnd puusg la A t̄lgr be a yīnga- sēn wa n tums a Mu' aaze -Wēnd yard be a yīnga- t'a kēng Yamanā a yeel-a lame: « Ad fo na n kēnga neb sēn yaa Gaf a taabā rāmb nengē, bi f bool-b n tug ti b maan kaset ti soab sēn na n tū n t̄lgr ka be rēnda Wēnde, la mam yaa Wēnd Tēn-tuumā, b sā n tū foom rēn pugē, bi f wilg-ba ti Wēnde -A Naam zisgame n yaa wagelle- A maaname n rogl bāmba wakat a nu raar fāa la yung pugē. B sā n tū rēnda, bi f wilg-ba, ti ad Wēnde -A Naam zisgame n yaa wagelle- A maaname n rogl bāmba zaka b arzeḡsā pugē, ti b reeg b rakāpē wā n lebs b talsē wā. B sā n sak n tū rēnda, bi f gūus b arzeḡ waglā, la f zoe b sēn wēḡ a soab kāabgo, ti ad gidgr ka be a kāabgā ne Wēnd suk ye» A Attirmiizi n togs-a, (625) Tāab soaba: yaa No-loeerā, Wēnd maan-a lame t'a yaa t̄lae n rogl l̄s̄laambā, wala A sēn maan-a n rogl nabiyaam-rāmbā la tēn-tuumbā sēn reng taorā -puusg la t̄lgr be b yīnga- Wēnd yeelame A Naam zēkyā: { Yāmb a neb nins sēn kō sid ne Wēnde b roglā yāmb no-loeerā wala b sēn dogl sēn deng-b yāmb taorā sānd-sānde y na zoe Wēnde} [Al-bakara: 183 ] Yē me yaa: yōk-m-meng n yi bōn-kaoodi Ramadaanā kiuugā wīntoodā pusē, la no-loeerā a wubda Adam biig yōrē wā raabo la sugri Wēnd puusg la A t̄lgr be a yīnga- yeelame: «Wēnd yetame -A Naam yi wagell n zēke- no-loeerā yaa Maam n so, la yaa Maam n rond-a, yēnda basda a yamleoogā la a rubā la a yūubā Mam yīnga, la no-loeere a yaa gānga, la no-loet tara kideng a yiibu: kidenga a sēn wat n kao noorā, la kidenga a sēn wat n na n seg a Soabā » Şahuh Albuḡaaru (7492). Naas soaba: yaa hagiimdā, Wēnd maan-a lame n rogl l̄s̄laambā, wala Wēnd sēn maan-a t'a yaa t̄lae n rogl nabiyaam-rāmbā la tēn-tuumbā sēn reng taorā -puusg la t̄lgr be b yīnga- la A sagl A nabiyaam a [braahum sēn yaa Noangā -t̄lgr be a yīnga- t'a bool n tug hagiimdā, Wēnd yeelame A Naam zēkyā: { La mōon n bool nebā ti b wa maan hagiimdā. B na n waa fo nengē ti b yaa sēn kēnd ne nao la rūm-zoamdg buud toor-toore, n yit zīis sēn zār fāq} [Al-haḡ 27] La Wēnd sagl-a lame t'a yilg Ro-kud kāsengā hagiimbā yīngā, ti Wēnd yeele A Naam zēkyā: { La tēeg wakat ninga Tōnd sēn wa n tees Roogā [Alkaabā] zīig n wīnig a [braahum [n yeel-a]: " ra maan lagem-n-taar ne Maam baa fu, la yilg Mam Roogā neb nins sēn maand Tawaafā la yāsdbā la suguud maandbā yīnga} [Al-haḡ : 26] La hagiimdā: yaa Wēnd Roogā toglgo, sēn be Mak tēng wagellā pugē, n tug n tum tuumā b sēn mi, yaa vugri vumā pugē, n rog tōoda, Wēnd yeelame A Naam zēkyā: { la roga nebā ti b kaag Roogā Wēnd yīnga, sēn paam a sor n na tug be, la sēn maan a sōmb-zulem, rēnd Wēnd yaa sek-m-meng Soaba n yi bōn-naandsā.} {Aal-ḡmraan: 97}. La hagiimdē wā, l̄s̄laambā sēn yaa hagiim maandebā tigimda taab zīig a yembre, ti b yaa sēn yilg tūudmā ne Naandā A Naam yilgyā, la hagiimbā fāa gilli, b maanda hagiimdā tuuma na-kēndr a yembre, rēnd zīisa yōs taabā la nebā yalē wā la b vuma yōs taabā, rē fāa menemda zī-kāngā.

**24- La sēn welgd tūud-rāmbā l̄s̄laanga puga n tug n yud, yaa t'a yalē-rāmbā la a wakat-rāmbā la sart-rāmbā, yaa Wēnd n tuk-b -A Naam yilgame n zēke- la A sēn taas A Tēn-tuumā, Wēnd puusg la A t̄lgr be a yīnga, ti ninsaalbā ka kēes b toaag a pugē ye, zem ti yaa paasgo maa boogre, n wa tāag rūnda, rēnd tūud-kāensā fāa gill sēn yaa b̄ed-b̄edā, tēn-tuumbā fāa boolame n tug-a, t̄lgr be b yīnga.**

La sēn welgd tūud-rāmbā l̄s̄laanga puga n tug n yuda, yaa t'a yalē-rāmbā la a wakat-rāmbā la sart-rāmbā, yaa Wēnd n tuk-b -A Naam yilgame n zēke- la A sēn taas A Tēn-tuumā -Wēnd puusg la A t̄lgr be a yīnga- ti ninsaalbā ka kēes b toaag a pugē ye zem ti yaa paasgo maa boogre n wa tāag rūnda, A yeelame A Naam zēkyā { rūnda M pidsa y dīnā n kō-yā, la M pids y zugu M neemā wā la M yar l̄s̄laongā ne-yā ti yaa dīni} [Al-Maa'tida 3]. Wēnd le yeelame A Naam zēkyā: { bi f gād būmb ninga b sēn tums fo nengē wā, ad fo bee sor-t̄rg zugu} [Azzuh̄ruf: 43] Wēnd yeelame -A Naam zēkyā- sēn kēed

Puusgã wεεngē: { La yãmb sã n sε Puusgã bi y tēeg Wēnd yuurã ti y yaa sēn yãse la zīdba la y killgē, la y sã n wa yōgne bi y yãnes turg ne Puusgã, ad Puusgã yume n yaa tilae n yãk waka ti rog sid-kōtba zugu} [Annisaa'u: 103], Wēnd le yeelame -A Naam zēkyã- sēn kēed ne Zakã kēesg zīigã: Ad zakã kōta tallsã, la nin-bãan-nebã, la sēn tumdub zaka pugē wã, la sēn na belm b rãmb sūyã ne lislāngã, la kēes yembdã pugē ti b bass-b burkīndi, la sam-dambã, la Wēnd-sorã-sōgnbã, la kēn-kēndba, yaa tilay n yaa Wēnd sagle, la Wēnd yaa bāngda n yaa yell-gāngr-mita. Attaooba: 60 Wēnd le yeelame -A Naam zēkyã- No-loeerē wεεgē: {Ramadaan kiuugã b sēn sik Alkuraanã a pugē wã ti yaa kãndagr ne nebã la vēenesē sēn yaa kãndagre la welgre sid ne zīri suka, la sēn sēeda kiuugã yãmb pugē bi a loe-a, la sēn yaa bãada maa a be sor zug bi a geel rasm zēmse n wa loe n role, ad Wēnd rata yãmb ne yol-yole la A pa rat yãmb ne keelem ye, la sēn na yl la y pids sōorã la y maan Takbur (zısg Wēnd) ne A sēn kãndag-yã, la sãnd-sãnde y na puus barka} [Albakara:185.] Wēnd le yeelame -A Naam zēkyã- sēn kēed ne hadiimdã: {Hagiimdã yaa kiis sēn yãnk toaga, la neb nins sēn dogl-b mens ne Hagiimdã b pugē bi b bāng ti Wums-noog ne pagba la Wēn-kusgo la no-koεma ka be Hagiimdē wã ye, la yãmb sēn maan ti yaa sōmã fãa Wēnd mi-a lam, la y bao silfãnta ti ad silfãnta sēn yud sōmblem yaa Wēn-zoεεga, la y zoe Maam yãmb a yam-bεel rãmba} [Albakara:197.] La tūud-kãensã fãa sēn yaa bedã, nabiyaam-rãmbã fãa -puusg la tilgr be b yīnga- b boolame n tug-ba

**25- Lislaoongã Tēn-tuumã, yē la a Muhammad n yaa a Abdullaah biiga, n yi a [smaa' ul sēn yaa a [braahum biigã pendē -puusg la tilgr be b yīnga- a roga Maka, yuum 571 nabi lisa rogmã poorē, b tums-a lame t'a be Maka, t'a yik rē poorē n kēng Madiina, la a ka lagem a nebã rubsã tūub yelē ye, la a rag n yume n lagemd-ba tuum sōmbs a taaba sēn yaa waglã pugē, a rag n yume n be zugd sēn yaa zısd pugē, taoor ti b na n ka tums-a ye. La a nebã rag n yume n da boond-a t'a Lamin (bas-m-yam soaba). Wēnd tums-a lame a sēn wa n ta yuum pis naase (40). La Wēnd keng a boollã ne tagmas-rãmba (yel soalem-rãmba) sēn yaa zısd, la sēn tug n yuda yaa Alkurãan wagellã, yē me la nabiyaam-rãmba tagmas-rãmb zıstem sēn tug n yuda, yē me la tagmas ning sēn pa n ketē sēn yi nabiyaam-rãmbã tagmas-rãmbē wã n na n tug n tãag rūnda. La Wēnd sēn wa n tug n pids dīinã n kō-a wã, Tēn-tuuma -Wēnd puusg la A tilgr be a yīnga- a taas-a la taasg tekē. A maana**

**kaalem t'a yuumã yaa pis yoobe la a tãabo (63) ti  
b mum-a Madiin sën yaa Nabiyaamã têngẽ wã  
Wënd puusg la A tigr be a yinga .La Tën-tuum a  
Muhammade -Wënd puusg la A tigr be a yinga-  
yënda la nabiyaam-rãmbã la tën-tuumbã Pidsda,  
Wënd tums-a lame ne kãndagre la sid dïin sën na  
yul t'a yiis nebã rubsã tũudum likẽ la kifëndã la  
zulmã n tug Wënd yembgã vëenemẽ la sid-kũuni.  
La Wënd maana kaset a yinga t'A tums-a lame t'a  
yaa boaanda n tug Wënde ne Wënd tōogo.**

Lislaoongã Tën-tuumã, yë la a Muhammad, n yaa a Abdullaah biiga, n yi a [smaa'ul sën yaa a [braahum biigã pendë, puusg la tigr be b yinga, a roga Maka, yuum 571 nabi lisa rogmã poorë, b tums-a lame t'a be Maka, t'a yik rë poorë n këng Madiina. La a nebã rag n yume n da boond-a t'a Lamin ( a bas-m-yam soaba). La a ka lagem a nebã rubsã tũub yelë ye, la a rag n yume n lagemd-ba tuum sōmbs a taaba sën yaa waglã pugë, a rag n yume n be zugd sën yaa zisd pugë, taoor ti b na n ka tums-a ye. A Soabã sif-a lame ne zugd sën zise, Wënd yeela a zugu A Naam zëkyã: {Ad fo bee zug-wagall zugu} [Alkalam: 4] La Wënd tumss-a lame a sën wa n ta yuum pis-naase, la Wënd këng-a ne tagmas-rãmba (yel-soalemã) sën yaa bæda, la sën tug n yaa bedr n yuda yaa Alkurãan wagellã. A Tën-tuumã yeelame Wënd puusg la A tigr be a yinga: «Nabiyaam ka zïnd nabiyaam-rãmbã pugë, rëndame ti b kō-a bũmb ning sën wïngd a nabiyaamdmã ti nebã paam n kō sid ne-a, la ad b sën kō maam bũmb ningã yu Wahi( Alkurãanã) ti Wënd tum-a mam nengë, la m tēedame ti mam pugdbã n na n yuge dũni wã yikr raare» Şahuu Albuhaaru La Alkurãan wagellã yaa Wënd Wahi t'a tum a Tën-tuumã nengë, Wënd puusg la A tigr be a yinga, Wënd yeelame sën këed ne Kurãana. {Ad Gaf-kãngã sik ka a pugë ye, a yaa kãndgre ne Wënd-zoetbã} [Albakara 2] Wënd leb n yeela Alkurãana yelle A Naam zëkyã: {Rë yinga b pa tagsd Alkurãana n getë laa? La a sã n dag n pa sën yi Wënd nengë, b na mikë a pugë yōs-taab wusgo} [Anisaa'u: 82 ] La Wënd geesa zïn-dãmb la ninsaalba, ti b wa ne Alkurãanã buudu, Wënd yeelame, A Naam zëkyã: {Yeel:" la ti ninsaalb la zïn-dãmb sã n lagem taaba n na n wa ne sën wōnd Alkurãan-kãngã, b kōn n tōog n wa ne a bilgri, baa ti b sã n maan sōng sōng taaba.} [Al-Israa'u:88]. La Wënd leb n gees-b lame ti b wa ne Suur-rãmb piig sën wōnd wala Alkurãanã Suur-rãmba, Wënd yeelame, A Naam zëkyã: {Bı b yetame: "t'a (Mohammad ) n wãag-a n rogle?" Yeel: "bı y wa ne Suura sën wōnd wãnde la y bool yãmb sën rat ned ning fãa t'a sōng-yã Wënd sën yãk A toaga ti y sã n yaa sid-rãmba} [Hud: 13] pus n ka woto ye, Wënd gees-b lame ti b wa ne Suur a yembr tãa sën wōnd wala Alkurãanã, Wënd yeelame A Naam zëkyã: {La yãmb sã n be sik pugë ne bũmb ning Tōnd sën sik D Yambã zugã, bı y wa ne Suura wala a buudu la y bool y sōngdbã zëng sën pa Wënde ti sã n mik ti yãmb yaa sid rãmba} [Albakara 23]

La Alkurãan wagellã, yënda la yel-soalemã a yembr tãa sën yaa nabiyaam-rãmbã yel-soalem-rãmbã sën kelle n ti tãag rũnda. La wënd sën wa n pids dïinã n kō Tën-tuumã -Wënd puusg la A tigr be a yinga- t'a taas-a taasg tekë wã Tën-tuumã maana kaalem -Wënd puusg la A tigr be a yinga- t'a yuumã yaa pis-yoob la a tãabo, la b mum-a la Madiina, Wënd puusg la A tigr be a yinga.

La Tën-tuum a Muhammade, yënda la nabiyaam-rãmbã la tën-tuumbã Pidsda, Wënd yeelame A Naam zëkyã: { A-Muhammad ka yi n yaa yãmb roopã baa a yebr saamb ye, la sën n be bala yaa t'a yaa Wënd tën-tuumã n yaa Nabiyaam-rãmbã pidsda, la Wënd yume n yaa mit ne bũmb fãa.} [Al-ahzaab 40], Yii a Abu Hurayrat nengë -Wënd yard be a yinga- ti Wënd Tën-tuumã -Wënd puusg la A tigr be a ying-yeelame: «Ad maam bilgri la nabiyaam-rãmbã sën reng taoorã bilgri, yaa wala ned sën na n me roogo n maneg-a t'a be neere, n nags-a, sã n pa tãng-koeemd a yembr zïig bala sën be pëkë la a bas yã. Ti nebã gilgd roogã ti maand-b yel-solemde, la b yetë: " b ka na n rogl tãng-koeem-kãngã? Nabiyaamã yeelame: rënd yaa maam la tãnd-koeem-kãngã, maamme la nabiyaam-rãmbã Pidsda» Şahuu Albuhaaru, La Lingiilã pugë Sus-ti-maagã -tigr be a yinga- a yeelame t'a yaa sën kōt nebã kiba-noogo ne Tën-tuum a

Muhammad waangã, Wënd puusg la A tigr be a yinga: ( Kugr ning metbã sern tõdg-a wã, ad yenda lebga roogã zu-raoogo, rã yinga yãmb ka tol n karem gaf-rãmbã pugẽ? A Yasuv'u yeel-b lame gomd sãn yi Soaala nengẽ, ti ad yu yã wã, la ad a yaa yel-solemde tõnd gesg pugẽ). La Taoraatã gafã sãn be a ründã wã waa a pugẽ Wënd koεga sãn yeel a Muusa, tigr be a yinga: ( M na n maana Nabiyaama n kō-ba, sãn yi b ma-biisã suka, sãn wõnd foom la M ning M Goamã a noorẽ wã, t'a gomd ne ne-bã Mam sãn sagend-a ne bumb ningã fãa) La Tën-tuum a Muhammade, Wënd puusg la A tigr be a yinga, Wënd tums-a lame ne kãndagre la dīin sãn yaa sida, la Wënd maana kaseto t'a bee sid zugu, la ad A tums-a lame t'a yaa boaanda n tug A nengẽ, ne A raabo, Wënd yeelame -A Naam zëkyã: {La ad Wënd maana kaset ne A sãn sik ti wa fo nengẽ wã, A sik-a la ne A bãngre malëgsã me maanda kaseto, la seedg ta tek ne Wënde.} [Annisaa'u: 166 ] Wënd le yeelame A Naam zëkyã: { Yẽ la naab ning sãn tums A Tën-tuum ne kãndgre la sid dīina bul ying t'A na kut t'a wil Dīin-rãmbã fãa zugu, la sët ta tek ti sã n yaa Wënde.} [Alfath :28] Wënd tums-a lame ne kãndagre, bul ying t'a yiis nebã n yi rubsã tūub likẽ la kifëndã la zulemã n tug Wënd yembgo la sid-kūun vëenem, Wënd yeelame A Naam zëkyã: { Wënd kãndagda ne-a ned ning sãn tū A yarda sãn yaa tigr soya la A yiis yãmb ligsẽ wã n tug vëenemẽ wã ne A tōogã la A peegd-ba n tug so-turga} [Al-Maa'ida 16]. Wënd le yeelame A Naam zëkyã: { Alif, Laam, Raa, yaa Gaf Tõnd sãn sik-a n tug fo nengẽ, sãn na yil ti fo yiis nebã likẽ wã n tug vëenemẽ wã ne fo Soabã raabo, n tug a wilb-naabã sãn yaa a pëgr-naabã sorẽ } [[braahum: 1]

## **26- La Islaoongã sari wã Tën-tuum a Muhammad -Wënd puusg la A tigr be a yinga- sãn wa ne-a wã, yaa yënd n pidsd Wënd tën-tuum-rãmbã fãa gill Sari-rãmba, yẽ me yaa Sari sãn pidi, nebã dīina la b dūni wã manegr be a pugẽ, yẽ me gūusda nebã b dīin-rãmba la b zı-rãmba la b arzëgse la yamã la b koambã, yẽ me n yëes Sari-rãmb fãa sãn reng taore, wala sari-rãmb nins me sãn da reng taorã sãn yëes taabã.**

Lislaongã Sãri ning Tën-tuum a Muhammad sãn wa ne wã, yenda n pidsd Wënd tën-tumã la A Sari-rãmba. La Wënd pidsa dīinã ne Tën-tuum-kãngã, ti neemã wã pids nebã zugu ne Tën-tuumã a Muhammad tumsgã -Wënd puusg la A tigr be a yinga- Wënd yeelame A Naam zëkyã: {Ründa M pidsa y dīinã n kō-yã, la M pids y zugu M neema wã la M yar Lislaongã ne-yã ti yaa dīine} [Al-Maa'ida 3]. La Lislaongã Sãri wã, yenda la sari sãn pidi, dīinã la dūni wã manegrã be a pugẽ, bala a tigma sãn be Sari-rãmbã sãn reng taorã fãa gill pugẽ wã, n pids-a, Wënd yeelame A Naam zëkyã: {ad Alkurãan-kãngã kãndagdame n tugd bumb ning treg sãn yudã la a kõt sid kõtã nins sãn maan tuum sãmã wã sũ-noogo, ti b tara keoor sãn yaa bedre.} [Al-Israa'u:9], La Lislaongã Sãri wã rok n basa nebã zub-rãmb nins sãn dag n zao zamã-rãmb nins sãn reng taorã zugu, Wënd yeelame, A Naam zëkyã: {Neb nins sãn pugd Tën-tuumã sãn yaa taasdã n yaa zu-sabellã, bãmb sãn mikd ti b guls a soab yell bãmb nengẽ wã taoraatã la Līngiilã pugẽ, n sagënd bãmb ne manegrã, la a gidgd-b ne yel-kitt, la a kõt b sor ne yel yilmã, la a gidgd-b ne bõn-rëgdã, la a rokd b zubã la yel-gĩti wã n basd-ba; rënd neb nins sãn kõb sid ne-a wã la b zisg-a la b sõng-a la b tū vëenem ninga b sãn sig n tūng-a wã, bãmb rabã la tigrdbã} [Al-a'raafu: 157] La Lislaongã Sãri wã a yëesda Sãri fãa sãn reng taore, Wënd yeelame, A Naam zëkyã: { La Tõnd sika Gafã fo nengẽ ne sida t'a sidgd sãn reng a taorã sãn yaa gafã-rãmba la a wind-ba, bi f bu b sukã ne Wënd sãn sikã, la f ra pug b yam-leedã n bas sãn wa fo nengẽ wã ye, yembr kam fãa Tõnd maana šari la na-këndre n kō-ba, la Wënd sã n tulla A na maan yãmb zãmã a ye, la yaa A sãn na n zarb yãmba n ges A sãn kō wã pugẽ, bi y reng taaba yel-sãmã pugẽ, y fãa lebeng-zīg yaa Wënd nengẽ t'A kō-y kibare y sãn ra yõsd taaba yel nins pugẽ wã} [Almaa-ida: 48] Rënd Alkurãan wagell ning sãn kumb Sãri wã, a waame n sidgd sãn reng taorã, sãn yaa Wënd Gaf-rãmba, n leb n buud-b fãa gilli, n yëes-b fãa gilli.

**27-La Wēnde, A Naam yulgame n zēke, A ka reegd dīini sã n ka lslaoongã dīin ye, ning A Tēn-tuum a Muhammad Wēnd puusg la A tilgr be a yīnga sēn wa ne wã. La ned ning sēn wa n tug n kē dīin sēn ka lslaoongã A ka na n tol n reeg a yīng ye.**

Wēnde, A Naam yulgame n zēke, A ka reegde, A sēn tums a Muhammad poore -Wēnd puusg la A tilgr be a yīnga- dīini ti sã n ka lslaoongã ye, ninga A Tēn-tuum a Muhammad Wēnd puusg la A tilgr be a yīnga sēn wa ne wã. Wēnd yeelame A Naam zēkyã: {La sēn baoda dīin zēng sēn pa yi ne lslaoongã, b pa na n tol n reeg a yīng ye, la yēnda Yaoolem raarã a yaa bōn-soaba} [Aal-[mraan: 85] Wēnd le yeelame A Naam zēkyã: { Ad Dīinã Wēnd nengē yaa lslaoongã, la b sēn kō-b rãmb Gafã pa yōs taaba rēnda bāngrã sēn wa b nengē poorē, ti yaa kedgre bāmb ne taab suka, la sēn kfla ne Wēnd Aayar-rãmba rēnd Wēnd geelg yaa tuulle} [Aal-[mraan: 19.] La lslaoong kãngã, yēnda la a [braahum sēn yaa Wēnd noangã dīinã, tilgr be a yīnga Wēnd yeelame A Naam zēkyã: { la ānd n kisgd a [braahum Dīinã sã n pa sēn maan a meng yalma, la hakuka Tōnd tūus-a lame Dūni pugē, la Yaoolem raarã a bee nin-sōmbsã pugē} [Albakara 130]; Wēnd le yeelame A Naam zēkyã: { La ānd dīin n maneg n le yud sēn bas a menga n tū Wēnde, ti yē yaa manegda la a tū a [braahum dīina sēn kill n yi lagm-n-taarã n tēeg turg n tugd Wēnd-yembgã, la Wēnd gãda [braahum t'a yaa A zoa } [Annisaa'u: 125 ] La Wēnde sagla A Tēn-tuum a Muhamad -puusg la tilgr be a yīnga- t'a yeele: {Yeele ad mam Soabã peega maam n tog sor sēn yaa turga dīin sēn yaa turga a [braahum dīina sēn kildē n togd Wēnd-yemgã, la a pa yi lagm-n-taar soab ye} [Al-an'aamu : 161]

**28- Alkurãan wagellã, yēnda la gaf ning Wēnd sēn tums-a n tug A Tēn-tuumã a Muhammad -Wēnd puusg la A tilgr be a yīnga- nengē, a yaa bon-naands Naaba goam me, Wēnd geesa ninsaalb la zīn-rãmba ti b wa ne a buudu, maa Suura sēn wōnd wala a suura-rãmba buud bala, la geesgã ka bak n ket n be n tãag rūnda, la b ka tōog n wa ne-a ye. La Alkurãan wagellã, a loegsda sogsg wusgo, sēn yirbd ned tus-kēems wusgo. La Alkurãan wagellã yēnda yaa Wēnd sēn gū n yi toeeng buudu n tug n wa tãag rūnda ne Laarabiimd ningã a sēn sig ne wã, Baa gom-bil a yembr ka boog beenē ye. A yaa būmb me sēn wē n yiisi, yaa gaf sēn yaa bedre n ka tar to, ti sōmb ti b karem-a, la b lebg a maanã-rãmbã ne buud a**

**taabã goam. Yaa wala Tën-tuumã a Muhammade  
 -Wënd puusg la A tilgr be a yīnga- Sunnã me  
 -Wënd puusg la A tilgr be a yīnga- la a sēn wilig  
 yel ninsã, la a vumã yellã, bãmb me yaa bũmb b  
 sēn gūusi n tall-a sēn tū ne toagsdb n yaa b sēn  
 maan-b rãmb bas-m-yam halı tı wa tug n ta  
 tōndo, yē me yaa bũmbu b sēn wē n yiis ne  
 Laarabiimd ning Tën-tuumã sēn goma -Wënd  
 puusg la A tilgr be a yīnga- a yaa bũmb me b sēn  
 lebg ne buud-rãmb goam wusgo. La Alkurãan  
 wagellã ne Tën-tuumã Sunnã-Wënd puusg la A  
 tilgr be a yīnga- yaa bãmbã b yiibã la yēgr a  
 yembr tãa b sēn yãkd İslaoongã buudã la a  
 Sãri-rãmbã a pugē, rënd İslaoongã a ka bũmb  
 sēn reegde neb nins sēn yet tı b yaa İslaambã  
 mansmã pugē ye, la ad a yaa bũmb sēn reegd n  
 yi Wënd wahlē wã: Alkurãan wagellē wã la  
 Nabiyaamã Sunnē wã.**

Alkurãan wagellã, yaa yēnda la Gafãngã Wënd sēn tums-a n tug A Tën-tuumã nengē sēn yaa Laarbã, a Muhammad -Wënd puusg la A tilgr be a yīnga- ne Laarabiimdu, yē me yaa bõn-naands Naabã goama, Wënd yeelame A Naam zēkyã: { Ad a sigame n yi bõn-naandsã Soab nengē (162) Yõ-yilengã a (Gibriil) sēn yaa bas-m-yam sobã n sik ne-a (193) Fo suurē wã, sēn na yil tı fo yi bugsda (194) Ne Laarab-rãmb zelemde sēn vënegde. (195)} [Aššu'raa-u: 192-195] Wënd le yeelame A Naam zēkyã: { Ad fo reegda Alkurãanã n yi a Buud mitã sēn yaa a Bãngdã nengē } [Annamlu: 6] La Alkurãan-kãngã, yaa sēn siki n yi Wënd nengē, n leb n sidgd bũmb ning sēn renga taoorã sēn yaa Wënd gaf-rãmbã, Wënd yeelame -A Naam zēkyã: { Alkurãan-kãngã ra pa tõe n yi tı yaa bũmb b sēn wãag n rogl tı ka yi Wënd nengē ye, la ad a yaa sidgre ne sēn reng a taoorã, la Gafã welgrã sik ka be a pugē t'a yii bõn-naandsã Soab nengē ye } [Yuunus :37] La Alkurãan wagellã, a welsda masaall-rãmb wusg fãa Yahuud-rãmba la Nasaar-rãmb sēn rag n yõs taab a pugē b dīinē wã, Wënd yeelame A Naam zēkyã: { Ad Alkurãan-kãngã togsda [srɛl koambã yel nins bãmb sēn yõsd taab a pugē wã } [Annamlu: 76] La Alkurãan wagellã a kumba tagmas-rãmba la vënem, bũmb ning sēn wãagd padang nebã zugu, sēn kēed ne hakuk-rãmbã bãngr pugē sēn yag ne bãng n wãag-rãmba sēn kēed ne Wënd -A Naam yi wagell n zēke- la A dīinã la A Rolbã, Wënd yeelame A Naam zēkyã: { La sid la hakuka tōnd wēe bilgri ne nebã Alkurãa kãnga puga, bilgr buud fãa, sãnd-sãnde bãmb na tēge } [Azzumaru: 27] A le yeelame A Naam Zēkyã: { La ad Tōnd sika Alkurãanã n kō foom tı yaa vënegr ne bũmb a fãa, n leb n yaa kãndagre la yolsgo la sũ-noogre n kō sak-n-tũ-rãmbã } [Annahlı 89] La Alkurãan wagellã, a leokda sogsg wusgo sēn yird tus-kēems sēn yi nebã pugē, rënd Alkurãan wagellã, a vënegdame yalɛ ning Wënd sēn naan saasã la tēngã, Wënd yeelame A Naam zēkyã: { rē yīnga kifr-rãmbã pa yã tı saasã la tēngã rag n taba taaba? Tı Tōnd welg b yiibã, la Tōnd maana bõn-vul fãa n yi koomē, b pa na n kō sida? } [Al-Anbiyaa'u 30], la yaa wãn-wãn la



Wënd naan ninsaala? Wënd yeelame A Naam zēkyā: { Yāmb a nebā, y sā n bee sik pug ne Vuugrā, bi y bāng ti Tōnd naana yāmb ne tāndo, rē loogr poorē n yi mani, rē loogr poorē n yi zi-pelle, rē poorē n yi nēm-vōre, be naaneg sēn pidi la naaneg sēn pa pidi n na n sāame, la yaa sēn na yil n wīnig yāmb (Tōnd pānga), la D tabend rog-wuusē wā būmb ning D sēn tulles, n tug n tāag wakat sēn yāk raare, rē poorē ti D yiis yāmb ti y yaa komb-bānago, rē poorē ti y wa tug n ta ra-sānde. Be yāmb pugē sēn maand kaalem t'a ka ta ra-sānd wakat ye, la be yāmb pugē ned sēn na n ti kuul n ti ta a yōorā yaalg wakato, t'a le ka mi a sēn da mi poorē baa fu, la fo yēta tēng-gāngā t'a yaa sēn ku n pelge, ti Tōnd sā n sik koom a zugu, la a sēn wuugde n pusi, n bul n yiis bōn-bundi toor-toore ti be neere } [Alhagu: 5] la ninsaal lēbeng zīigē yaa yēnē la manegdbā rolb sēn na n yi a soaba la wēngd rolb me sēn na n yi a soaba vi-kāngā poorē, la daliil-rāmb renga a taore tōnd sēn togse masaal-kāngā pugē gom-sull (paragraf) sōor(20), la rē yīnga belem-kāngā yaa sēn ling n wa woto bal bu. ? bi b maan-a lame ne tulsem sēn yaa zisgo? Wënd yeelame A Naam zēkyā: { Rē yīnga bāmb ka tagesdē n ges saasē la tēng bōn-naandse la wënd sēn naan buudā fāa laa? La b le ka ges me ti tōe ti b sasā wā kolgame laa? la yaa gom bus la b na n kō sīda Alkurāan loogr poorē} [Al-a'raafu: 185] A le yeelame A Naam Zēkyā: { Rē yīnga yāmb tēedame ti Tōnd naana yāmb zaalem (wisga) yīnga la y ka na n lebg n tug Tōnd nengē?" } [Almuuminuun 115] La Alkurāan wagellā yēnda yaa Wënd sēn gū n yi toeeng buudu n tug n wa tāag rūnda, ne buud-gomd ning a sēn sig ne wā. Wënd yeelame A Naam zēkyā: { Ad yaa Tōnd n sik Alkurāanā, la ad yaa Tōnd n gūud-a. } {Al-higir 9} Baa gom-bil a yembr ka boog beenē kus taab rag n ka tōe n zīnd beenē ye maa boogre maa tedgre ye, Wënd yeelame A Naam zēkyā: { Rē yīng a b pa tagsd Alkurāana n getē laa? La a sā n dag n pa sēn yi Wënd nengē b na mikē a pugē yōs-taab wusgo } [Annisaa'u: 82 ] Yaa būmb me b sēn wē n yiisi, a yaa gaf sēn yaa zisgo n ka tar to, ti sōmb ti b karem-a, la b lebg a maanā-rāmbā ne buud a taabā goam. Wala Tēn-tuumā a Muhammad -Wënd puusg la A tilgr be a yīnga -Sunnā la a sēn sagl yel ninsā la a vumā yellā, yē me yaa būmb b sēn gūusi n tall-a sēn tū ne toagsdb sēn yaa b sēn maan-b rāmb bas-m-yam halt ti wa tug n ta tōndo, yē me yaa būmbu b sēn wē n yiis ne Laarabiimd ning Tēn-tuumā -Wënd puusg la A tilgr be a yīnga- sēn goma, yaa būmb b sēn lebg ne buud-rāmb goam wusgo. La Alkurāan wagellā ne Tēn-tuumā Sunnā -Wënd puusg la A tilgr be a yīnga- yaa bāmbā b yiibā la yēgr a yembr tāa b sēn yākd lslaoongā buudā la a Sāri-rāmbā a pugē, rēnd lslaoongā a ka būmb sēn reegde neb nins sēn yet ti b yaa lslaambā mansmā pugē ye, la ad b reegd-a Wënd wahīē wā sēn pa tar tudgrā: Alkurāan wagellē wā la Nabiyaamā Sunnē wā. { Neb nins sēn kifl ne Alkurāana sēn yaa Tēegrā a sēn wa n wa b nengē, la ad a yaa gaf sēn yaa zisgo zīri-beed pa wat a taorē pa a poorē me, yaa sēn sigi n yi buud Mitā nengē sēn yaa Pēgr Naaba } [Fuṣṣilat :41-42] Ti Wënd yeele -A Naam zēkyā- Nabiyaamā Sunnā yelle, la A wiligd t'a yaa Wahī sēn yi Wënd nengē: { La būmb ning Wënd Tēn-tuum sēn wa ne yāmb nengē wā bi y reeg-y-yā-a, la a sēn gidg yāmb n yi būmb ninga bi y bas, la y zoe Wēnde, ad Wënd yaa names kēgeng Soaba } [Alḥašru 7],

## **29- La lslaoongā sagenda ne manegre n tug roagdb a yiibā, baa ti b sā n yume n ka moeemba, a leb n sagendame ti b rik na-kēnd sōngo ne koambā**

lslaoongā sagendame ti b manege n tug roagdb a yiibā, Wënd yeelame, A Naam zēkyā: { Fo Soabā buume : ti ra tū-y zēng sēn pa Yē ye, la y maneg n tug roagdb a yiibā: zem ti yaa b yembre n kuule maa b yiibā fāa, bi f ra wa yīgs b yiibā ra wa porg b yiibā, la yeel-b koεεg sēn tar waoore } [Al-Israa'u: 23] Wënd leb n yeelame A Naam zēkyā: { La Tōnd sagla ninsaala ne a roagdb a yiibā managre, a ma wā zi-a lame ne ninbāaneg sēn pug ninbāanega, la a yēsengā yaa yuum a yiib pugē: " bi f puus Maam la f roagdb a yiibā barka , Mam nengē la y na n lebg n wa" } [Lukmaan 14], Wënd le yeelame A Naam zēkyā: { la Tōnd sagla ninsaala ne a roagdb yiibā manegre, a ma wā zāa a pugā ne toom n le rog-a ne toom, la a pugā zāaba ne a bīismā yākrā yaa kiis pistā, halt t'a pāngā sā n wa pidi, t'a ta yuum pis-naase la a sēn yete: " m Soaba, leems maam ti m puus bark Fo neema ning Fo sēn maan kō maam-a la m roagdb a yiibā, la F maan ti m tum sōma ti F yard-a, la F maneg maam m koambē wā, ad mam lebsa m meng F nengē, la ad mam bee lslaambā pugē". } [Al-ahkaaf: 15] Le yii a Abū Hurayrat nengē, Wënd yard be a yīnga, a yeelame,: ned n wa wēnd tēn-tuum nengē -Wënd puusg la A tilgr be a yīnga- n yeele: " Wënd Tēn-tuumā, ānda soab n be nebā pugē n sōmb ne mam tūud-n-ta sōngo?", T'a yeele: " F ma wā", Ti rawā yeele: " rē poorē yaa ānda?" T'a yeele: " rē poorē yaa fo ma wā". T'a yeele: "rē poorē yaa ānda?" T'a yeel-a: " rē poorē yaa fo ma wā" t'a soak-a: " rē poorē yaa ānda?" T'a yeel-a: " rē poorē yaa f soambā". Ṣaḥuḥ

Muslim La sagl-kängä sên yeel ti b maan neer ne roagdb a yïibã, zem ti b yume n yaa lïslaamba maa b ka lïslaamba Rënd yïi a Asmaa'ti sên yaa a Abuabakr bi-puglã nengê a yeelame: " mam ma wã waa mam nengê, la rê t'a yaa kifre, Kurayš-rãmb zamaane wã la wakat ning b sên da rik alkaool ne Nabiyaama -Wënd puusg la A tïlgr be a yïnga- la a waa ne a biiga, ti mam na n sok Nabiyaama -Wënd puusg la A tïlgr be a yïnga- n yeel-a: " ad mam ma wã waame la a tara raabo, rê yïnga mam tãkd-a lame bu?" Ti Nabiyaamã yeele: " n-yeel, tãk f ma wã". Şahuh Albuħaarũ Baa ti roagdb a yïibã fãa sã n nidg pãngã, n rat ti biigã wênemd n yi lïslaamdê wã n tug kifêndê wã, lïslaoongã sagend-a la - wakat kãnga- t'a ra tũ-b ye, la a kell n pa bala n yaa sid-kõt ne Wênde, la a manegd-ba la a tũud-b yïibã ne manegre, Wënd yeelame - A Naam zêkyã: {la b yïibã sã n pëdg foo t'f lagm Maam ne bũmb fo sên ka tar a bãngre bi f ra tũb ye, la tũ b yïibã dũni yela pugê ne malgre, la f tũ ned ning sên lëbga n wa Mam nengê wã sorã, rê poore Mam nengê la y lebgr zïig ti M togs'y y sên da yi n tumdê wã } [Lukmaan 15]. La lïslaoongã ka gidgd lïslaam t'a maneg a rog-pëtba sên yaa kif-rãmbã ye, maa zëng sên ka a rog-pëtba ti b sã n yume n ka neb sên zabd ne lïslaambã ye, Wënd yeelame A naam zêkyã: { Wënd pa gidgd yãmb n yi neb nins sên pa zab ne yãmb Dïinã pugê wã la b pa yiis yãmb y zagsê wã ti y maneg-ba la y tēeg turg ne-ba ye, ad Wënd noanga tēeg-turg rãmba } [Al-mumtahana: 8] La lïslaoongã sagendame ti b maan neer ne koambã, la bũmb sên tug n yud zislem ti lïslaoongã sagl ne roagda: yaa a wilig a koambã b Soabã hake-rãmb sên zao b zugã, wala Nabiyaamã -Wënd puusg la A tïlgr be a yïnga- sên yeel a sãmbibã biiga a Abdallaahh Ibn Abbaas Wënd yard be b yïibã yïnga : « M biig sõngo! M kõn n wilig-f goam Wënd sên na n naf foom ne goam nins?» Ti m yeele: õhõo! T'a yeele: "Gũus Wênde t'A gũusd-f lame, gũus Wênde ti f na n mikame t'A be f neng taoore, bãng Wënd yol-yol sasa t'A na bãng foom keelem sasa, f sã n na n kos bi f kos Wênde, f sã n na n bõos sõngre bi f bõos sõngr ne Wênde» A Ahmad n reeg-a 4/287 La Wënd sagla roagdb a yïibã ti b wilig b koambã bũmb ning sên na n naf-ba b dïinã pugê la b dũni wã pugê, Wënd yeelame ANaam zêkyã: { Yãmb a neb nins sên kã-b sid ne Wênde! Gũ-y mensã la y zags-rãmba n yi Bugumã a raadã yaa neba la kuga, malegs n yãs a zugu sên yaa pãens rãmba n yaa kegemse, b pa kUSD Wënd A sên sagl-b ne bũmb ningã ye, la b tumd b sên sagl-b ne bũmb ningã.} [Suuratu Attahrum: 6] La yïi a Ali nengê -Wënd yard be a yïnga- Wënd koegã A sên yeel pugê A Naam zêkyã: {Gũ-y mensã la y zags-rãmba n yi Bugumã} A yetame: "zugl-y-ba la y wilg-ba" Ti nabiyamã -Wënd puusg la A tïlgr be a yïnga- sagla roagda t'a wilig a biigã Puusgo, bul yïng t'a na kell n bi a zugu, ti Nabiyaamã -Wënd puusg la A tïlgr be a yïnga- yeele: (Sagl-y y koambã ne Puusgo ti b sã n wa ta yuum a yopoe) A Abu Dawud n togs-a, A leb n yeelame puusg la tïlgr be a yïnga: «Yãmb yem kãm fãa gilli yaa gũuda, la yem kãm fãa gill me, b na n sok-a la a rũmsã yelle, limaam yaa gũuda, b na n sok-a la a bõn-gũudi wã yelle, rao me a yaa gũuda a zakã rãmbê, b na n sok-a lame a bõn-gũudwã yelle. Pag me yaa gũuda a sidã zakê, b na n sok-a lame a bõn-gũudwã yelle. Sõgn me yaa gũuda a zu-soabã arzëkê, b na n sok-a lame a bõn-gũudi wã yelle. Yãmb yembr fãa yaa gũuda, b na n sok-y lame y bõn-gũudi wã yelle». Şahuh Ibn Hıbbaan 4490. La lïslaoongã sagla roagda t'a rïlg a koamba la a zakã rãmbã, la d rag n reng n togsa bũmbu yel-kãngã pugê ti loog gom-buk (paragraf) sõor (15). La Nabiyaamã -Wënd puusg la a tïlgr be a yïnga- leb n vënega yudlem ning sên be koambã rïlgr pugê wã, t'a yeele: « Wakir sên tug n yud ned sên yãkd-a n kõtê, yaa wakir fo sên na n rik-a n rïlg f zak rãmba, la wakir fo sên na n rik n rïlg f bõn-zoamdg sên na n tall n zab Wënd sorã puga, la wakir fo sên na n rik-a n rïlg f tũud-n-taas Wënd sorã puga». A Abuukilaaba yeelame:a singa ne koambã". Rê poorê t'a Abuukilaaba yeele: La änd keore n le yud ned ning sên rïgd koamb sên yaa bãnego n yõkd-b n yi bõosgo ti Wënd nafd-ba la A sekd-ba sên tũ ne yëndã". Şahuh Muslim 994.

## 30- Lïslaoongã sagenda ne tēeg-tirga goamã la tuumã pugê, hal n tug n tãag ne bæbã fãa.

Wênde -A Naam ylge n zêke- A yaa b sên sífd a Soab ne tēeg turga la maan-ti-zemse, A tuumê wã la A rabsgã yembsã ne taab suka, A leb n bee so-turg zugu A sên sagend bũmb ningã wã la A leb gidgdê wã la A sên naane la A kordã, Wënd yeelame A Naam zêkyã: { Wënd maana kaseto ti ad soab sên tũudi n tïlg kae rëndã Yê, ti Malegsã la bãngdbã maanda kaset t'A yasa ne tēeg-tirga, Soab sên tũud n tïlg kae sã n pa Yê ye, sên yaa a Wilb Naabã sên yaa a Boud Mitã } [Aal-Imraan: 18.] La Wënd sagenda ne tēeg turga, Wënd yeelame A Naam zêkyã: {Yeele: " mam Soabã sagla ne tēeg-tirga"} [Al-a'raafu: 29] La Nabiyaam-rãmbã fãa la Tën-tuumbã -puusg la tïlgr be b yïnga- b waa ne tēeg turga, Wënd yeelame A Naam zêkyã: { Sid la hakuka Tõnd tumsa d Tën-tuumbã ne vëenese, la Tõnd sik gafã n kã-ba la tēeg turgã bul yïng ti nebã na yals ne tēeg turga } [Alhadudu: 25] La tēeg turgã yëndã la tēeg turga koesê wã la tuumê wã La lïslaoongã sagenda ne tēeg turga goamê la tuumê, haln tug n tãag ne bæbã fãa, Wënd yeelame, A naam zêkyã: { Yãmb a sid kõtã! Yı-y yãnesdb ne sida n kõt kasetã Wënd yïnga baa ti yaa y

mens zugu maa yaa roagdb a yیبā la rog-pētsā, a sā n yaa tarda maa talga ad Wēnd n sōmb ne b yیبā yel gesgo, bi y ra tū yōor yam-leoogo n pa tēeg turg ye, la yāmb sā n kulle maa y ballame, ad Wēnd yume n yaa Mita ne yāmb sēn tumdā} [Annisaa'u : 135] Wēnd le yeelame A Naam zēkame: { La neb wēngr ra wa kut ti yāmb pa tēeg turg ye, ti bala b gidga yāmb n yi lohorem Miihrā. La y sōng taaba manegr la Wēnd zoεεg zugu, la y ra sōng taaba zunuub la beem zug ye. La y zoe Wēnde, ad Wēnd sibgrā yaa kεgenga} [Al-Maa'ida: 2]. Wēnd le yeelame A Naam zēkyā: { Yāmb a sid-kōtba, y-y yalsdb ne Wēnde, n maand kaset ne sida, la neb wēngr ra wa rik yāmba ti y ka tēeg turg ye, tēeg-y turg ti rē n pē ne Wēnd-zoεεga } [Al-Maa'ida 8]. La rē yīnga fo yāta tēmsā buudā na-kēndrā rūndā-rūnda wā maa nebā dīinā pugē wala sagl-kāngā buudu, sēn yete ti b maan kaset ne sida la b togs sida, baa ti sā n yaa sēn na nams fo mengā la f roagdb a yیبā la f rog-pētsā, n le saglg ne tēeg turga ne f be la sōm-soab fāa?. La Nabiyaamā -Wēnd puusg la A tigr be a yīnga- saglame ti b tēeg turg koambā ne taab suka Rēnd rēeg n yi a 'Aamer nengē, a yeelame, m wuma a Annu'umaan [bn Bašure, Wēnd yard be b yیبā yīnga, t'a be mimbarā zugu n yetē: " mam saamba kōo maam kūuni t'a 'Amrat Bintu Rawaaha yeele: " mam ka nan yare hal ti fo wa ti maam kaset Wēnd Tēn-tuum nengē -Wēnd puusg la A tigr be a yīnga- t'a saambā wa Wēnd Tēn-tuum nengē -Wēnd puusg la A tigr be a yīnga- n yeele: " ad mam kōo m biigā sēn yi mam pag a 'Amrat Bintu Rawaah nengē kōoni, t'a ma wā yeel maam ti m wa maan foom kaseto Wēnd Tēn-tuumā, ti Nabiyaamā yeele: fo kō f koambā fāa wala woto bu?" Ta a yeele: "ayo", la a yeel-a: " bi y zoe Wēnde la y tēeg turg y koambā ne taab suka". A Annu'umaan yeelame: t'a lebge n ti reeg a kūunā) Şahuh Albuħaarī (2587).

La woto yaa ti nebā la tēmsā yelā ka tōe n yik rēnda ne tēeg turga, nebā leb n ka tōe n paam bas-m-yam ne b dīinā la b zumā la b koambā la b burkīndā la b arzεgsā la b tēmsā rēndame ti yaa ne tēeg turga, rē n kut ti tōnd mikdame ti Nabiyaamā -Wēnd puusg la A tigr be a yīnga- Mak kuf-rāmbā sēn wa n weoog lslaambā Makā, a sagl-b lame -Wēnd puusg la A tigr be a yīnga- ti b yi n kēng Habša; la a togsa rēnda vōore n yeel ti naaba n be beenē n yaa tēeg turg soaba, ti b ka wēg ned a nengē ye.

## **31- La lslaaoongā sagenda ne manegre n tug bōn-naandsā gilli, n leb n boondē n tugd zug wagla la tuum sōmbse.**

lslaaoongā sagendame ti b manege n tug Wēnd bōn-naandsā gilli, Wēnd yeelame, A Naam zēkyā: { Ad Wēnd sagenda ne tēeg-turg la manegre, la rog-pēts sōngre} [Annahlu: 90] Wēnd le yeelame A Naam zēkyā: { Neb nins sēn yākd n nafde noogo la toog wakatā, la sēn vend b sū-puuri la sēn yaafdb nebā n basde wā. La Wēnd nonga Manegdbā } Aal-|mraan: 134. Ti Tēn-tuumā yeele -Wēnd puusg la A tigr be a yīnga-: « Ad Wēnd maaname ti yaa tlae ti b maneg n tug būmb fāa gilli, rēnd yāmb sā n na n ku, bi y maneg y kuubā, y sān nan kodge, bi y maneg y kodgrā, la ned fāa saas a suuga la a pems a rūn-kuudgā» Şahuh Muslim 1955. La lslaaoongā boondame n tugd zug wagla la tuum sōmse, Wēnd yeelame -A Naam zēkyā- sēn kēed Tēn-tuumā a Muhammad -Wēnd puusg la A tigr be a yīnga- sifā wεεngē gaf-rāmb nins sēn loogā pugē: { Neb nins sēn pugd Tēn-tuumā sēn yaa taasdā n yaa zu-sabellā, bāmb sēn mikd ti b guls a soab yell bāmb nengē wā taoraatā la Līngiilā pugē, n sagēnd bāmb ne manegrā, la a gidgd-b n yit yel-kit, la a kōt b sor ne yel yilmā, la a gidgd-b ne bōn-rēgdā, la a rokd b zubā la yel-gīti wā n basd-ba, rēnd neb nins sēn kōb sid ne-a wā la b zısg-a la b sōng-a wā la b tū vēnem ninga b sēn sig n tūnga wā, bāmb rabā la tılgdbā} [Al-a'raafu: 157] Ti Tēn-tuumā -Wēnd puusg la A tigr be a yīng- yeele: « 'Aaiša! Ad Wēnd yaa Bug-buge A noanga bug-buge, A kōta bug-bug pugē būmb ning A sēn ka kōt kāenkāe pugē, la A sēn pa kōt zēng sēn ka bug-buge» Şahuh Muslim 2593. Ti Tēn-tuumā -Wēnd puusg la A tigr be a yīng- yeele: « Ad Wēnde, A gidga yāmb zugu: ma-rāmbā namsgo la koam-pugli wā busbu, la A kisg yāmb zugu y sēn na n gidgd būmb ning b sēn sōmb n kō wā la kot būmb ninga f sēn ka sōmbe n reege, la A kisg yāmb zugu "b yeelame la a yeelame" la sogsg wusgo la arzek yeebgo» Şahuh Albuħaarī (2408). Tēn-tuumā -Wēnd puusg la A tigr be a yīng- le yeele: « Yāmb ka kēed arzānā halt ti y wa kō sida, la y ka na n kō sida halt ti y wa ti noang taaba, rē yīnga m ka na wilg yāmb būmbu, ti y sā n maan-a y na yi taab nonglem?: Sāeeg-y puusgā yāmb ne taab suka» Şahuh Muslim 54.

## **32- La lslaamdā sagenda ne zug sōmbse, wala sida, la bas-m-yam, la boabl legsgo, la yōk-m-menga, la yān-zoεεga, la raodo, la kūuni,**

# la kō-yalengo, la tulsema-rāmb sōngre, la pakr sēn pak-b rāmb fāagre, la koamdeg rulgre, la yak-n-taar manegre, la rogem tōkre, la maan bug-bug ne rūm mugsā.

La lslaamdā sagenda ne zugd b sēn pēgda, Wēnd Tēn-tuum yeelame -Wēnd puusg la A tigr be a yīnga- : (ad b tumsa maam ti m pids zug-waglā) Şahih Aladabi Almufradi 207, Tēn-tuumā -Wēnd puusg la A Tigr be a yīng- le yeelame: (Ad sēn tug n be yāmb pugē, sēn tug n noom maam n yuda, n leb n yud pēnegr ne maam zīndug zīigē dūni wā Yīkr raare, yaa yāmb sēn yuda ne zug sōmbse. La ad sēn tug n yud gēega yāmb pugē ne maam, n leb n yud zīndug zīig zāagre ne maam dūni wā yīkr raare: yaa gom-to nebā, sēn yaa gomd-n-paogd-nebā-rāmba, n yaa gom-n-pid noor poεem-poεem-rāmba. La b yeel-yā, Wēnd Tēn-tuumā, tōnd bānga gom-to neba la gomd-n-paogd-nebā-rāmba, la yaa ānda la gom-n-pid noor poεem-poεem-rāmba? La a yeelyā:" Ad yaa waoog-m-meng-rāmba") Silsilat Aşşahuha 791. La yii a 'Abdullaah Ibn 'Amr nengē -Wēnd yard be b yībā yīnga- a yeelame: "Nabiyaama -Wēnd puusg la A tigr be a yīnga- a ragn ka yi n yaa gom-to-neda, a ka yi n yaa gom-beed-soaba, a ka yi n yaa gom-yood-soaba" la a rag n yume n yetē: (ad sēn be yāmb nen-tūsdi wā pugē yaa yāmb neb nins sēn yud b ne zug-sōmbsā) Şahih Albuḥaarī (3559). la zērng sēn ka rēnda, sēn yaa Aayae-rāmb la hadiis-rāmba, sēn wiligdē ti lslaoongā pirisda ne zug-sōngo la tuum sōmbse sēn wa n tug n yaa a soab fāa. La būmb ning lslaamdā sēn leb n sagende ne-a: yaa togs-sida, Wēnd Tēn-tuum yeelame -Wēnd puusg la A tigr be a yīnga- : ( Modg-y n togsd-y sida, ti ad sidā a peegdame n tugd manegre, manegr me peegdame n tugd arzāna, la ned ka bakde n togsd sida, la a tūsud sida, halt ti b wa tug n guls Wēnd nengē t'a yaa sid soaba) Şahih Muslim 2607. La būmb ning lslaoongā sēn sagend yesa: yaa boabla lebsgo,Wēnd yeelame A Naam zēkyā: {ad Wēnd sagenda yāmb ti y kō boblā b rāmba } [Annisaa'u 58]. La būmb ning lslaamdā sēn leb n sagende: yaa yōk-m-menga, Wēnd Tēn-tuum yeelame -Wēnd puusg la A tigr be a yīnga- : « Neb a t̄aabo n be, ti yaa hake n zao Wēnde, t'A sōng-ba", La a togsa b pugē wā, (n yeele) " ad yaa ned sēn furi n rat yōk-m-menga» Sunan Attirmizii 1655. La sēn ra be a kosgā pugē -Wēnd puusg la A tigr be a yīnga- yaa t'a ra yume n yetē: «M Soab a Wēnde, m kot-f la kāndagre la Wēnd zoεega la yōk-m-menga la sek-m-menga» Şahih Muslim 2721. La būmb ning lslaamgā sēn leb n sagendē: yaa yān-zoεega, Wēnd Tēn-tuum yeelame,Wēnd puusg la A tigr be a yīnga: «Yān-zoεeg ka wat ne būmbu, rēnda sēn yaa sōma bala» Şahih Albuḥaarī (6117). Wēnd Tēn-tuumā -Wēnd puusg la A Tigr be a yīnga- le yeelame: « dīin fāa gill tara a zugdo, la lslaoongā zugdo yaa yān-zoεega » A Bayhakiy togs-a Şū'abi Al'umaan pugē 6/2619 La būmb ning lslaamdā sēn leb n sagend ne-a: yaa raodo, rēnd yi a Anas nengē -Wēnd yard be a yīnga- a yeelame: « Tī Nabiyaamā, Wēnd puusg la A tigr be a yīnga, rag n yume n yud nebā ne neerem, n leb n yud nebā ne sū-keelem, n leb yud nebā ne kūuni, la sid la hakūka, Madiin rāmb rag n virga raa a yembre n yeεs ti bεεb wayā, ti Nabiyaamā, Wēnd puusg la A tigr be a yīnga, yē n reng-ba wed-moaag zugu» Şahih Albuḥaarī 2820. La Wēnd Tēn-tuumā -Wēnd puusg la A tigr be a yīnga- ra yume n kot gūudum ne Wēnde n yi rabeem, rēnd a rag n da yetame: «M Soab a Wēnde, m kot-F la gūudum n yi rabeem» Şahih Albuḥaarī 6374. La būmb ning lslaoongā sēn sagend yesa: yaa kūuni la waoore,Wēnd yeelame A Naam zēkyā: { sēn yākd b arzekse n nafd Wēnd sorā pugē wā bilgri yaa wala bōn-beel a yembr bilgri sēn pus zut a yopoe, zug fāa pugē yaa bεel koabga n be be, la Wēnd fāoodame n kōt A sēn tull a soaba, la Wēnd yaa kō-yalang Soaba n yaa Mita} [Albakara 261] . La Wēnd Tēn-tuumā -Wēnd puusg la A tigr be a yīnga- a zugdā rag n yaa kūuni, rēnd yii a Abbaas biig nengē, Wēnd yard be b yībā yīnga a yeelame: « La Nabiyaamā -Wēnd puusg la A tigr be a yīnga- a ra yume n yud nebā ne kūuni ne sēn sōmb buuda fāa, la a kūunā sēn tug n yuda yaa Ramadaan kiuugā pugē, wakat ning Gibriil sēn wat n yekd-a wā. A Gibriil ra yume n segd Nabiyaama yung fāa gilli Ramadaanā pugē hal ti kiuugā wa ki, Nabiyaama -Wēnd puusg la A tigr be a yīnga- yaa sēn da lebsd Alkurāanā ne-a. Rēnd a Gibriil sā n wa yek-a a ra yume n kōtē t'a tuulmā yud seb valagdga» Şahih Albuḥaarī 1902. La lslaoongā sēn leb n sagend ne būmb ninga: yaa tulsem soab sōngre, la schd fāagre, la koamdg rulgre, la yak-n-ta sōngo, la rogem tōkre, la maan bug-bug ne rūm mugsā. Rēnd yii a Abdullaah Ibn Amr nengē -Wēnd yard be b yībā yīnga- ti rawa n sok Nabiyaama -Wēnd puusg la A tigr be a yīnga- "Lslaoongā yel bog n tug n yuda?" La a yeel-a: «Rūg rubo la f ning sallem f sēn mi a soab la f sēn ka mi a soaba» Şahih Albuḥaarī 12. Wēnd Tēn-tuumā -Wēnd puusg la A Tigr be a yīnga- le yeelame: « Rawa n da kend sor zugu, ti ko-yūūd keng a zugu, t'a yā bulga n sig bulga pugē n yū, la a sēn wa n yi wā a yāa baag sēn sesde, baagā wābda tomā ko-yūūdā keelem, ti rawā yeele: ad ko-yūūdā sēn tar ba-kāngā a

keelmä taa wala a sēn da tar maamā, t'a lebg n sig bulgē wā n pids a neodrā ne koomā, n gād-a ne a noorā n yi ne-a n yūnug baagā, ti Wēnd puus a bark yel-kāngā n yaaf a zunuubā» la b yeelyā: " Wēnd Tēn-tuumā tōnd tara keoor rūmsē wā me laa?" Ti Wēnd Tēn-tuum yeele : " n-yeē, sāoo-maasr fāa pugē keoor n be beenē» Şahuh [bn Hūbbaan 544. Tēn-tuumā -Wēnd puusg la A Tilgr be a yīng- le yeelme: « Ned sēn yās ne pug-kōap rīlgre la nimbāan nebā, a yaa wala ned sēn zabd ghaadi Wēnd sorā pugē, maa a yaa wala ned sēn yās yungo ne Puusgo n loet noor wīntoogo » Şahuh Albuhaan 5353. La līslaoongā kengda rogmā hake-rāmba, la a maan ti yaa tilae ti b tōk rogmā rāmba, Wēnd yeelame A Naam zēkyā: { Nabiyaamā n sōmb ne sid kōtbā n yūd b mensā, la a pagbā yaa b ma-rāmba, la roagdbā n sōmb ne ri taab Faad n yūda sēn kellā, sēn yaa Sid-kōtbā ne Muhaagiriina (Yikbā, sēn yib Maka n kēng Madīina) rik taab faadā, woto n be Wēnd gafā buudē, sā n ka mikame ti y rat n maana y lall-n-taasā neere, wāndi yume n yaa sēn n da guls ti be Gafā pugē } [Al-ahzaab : 6], A leb n bugsa tōnd n yi rogem wāagre, la A tōk rē ne sāang tēngā pugē, Wēnd yeelame A Naam zēkyā: { la yāmb pa tēed ti yāmb sā n gōd y kuids n bas saglsā, y na n sāama Tēnga zugu la y wāag-y rogoma (22) bāmb la neb nins Wēnd sēn kāab-ba, t'A wung-ba la A zong b ninā (23) } [Mohammad: 22-23] Ti Wēnd Tēn-tuum yeele -Wēnd puusg la A Tilgr be a yīnga-: «ad rog wāagd ka kēed arzān ye» Şahuh Muslim 2556. La rogem ning sēn yaa tilae ti b tōkā: yaa roagdb a yīibā, la tāo-pogsā, la tāo-roapa, la sāmibā, la pugd-rāmba, la yas-rāmba, la ma wā tao-pogsā La līslaoongā kengdame ti b gūus yak hake, baa t'a sā n yaa kifre Wēnd yeelame A Naam zēkyā: { La y tū Wēnde la y ra maan lagm-n-taar ne Wēnd baa fu, la y maneg roagdb a yīibā la rog-pētba la kibse la yak sēn yaa rog-pēta la yaka, la tūud-n-taaga la kēn-kēnda la yāmb nus sēn so (yembse), ad Wēnd pa nong ned sēn yaa waoog-m-meng soaba sēn yaa pugd ye } [Annisaa'u 36]. Ti Tēn-tuumā -Wēnd puusg la A Tilgr be a yīng- yeele: (A Gibriil pa bak n sagend maam ne yak tōkre, hal ti mam wa tē t'a na n kōo-a la puur faadē wā) Şahuh Abu Daawūda 5152

### **33- La līslaoongā kōo sor ti b ri ri-yilmā fāa, sēn yaa rubo la bōn-yūudi, la a sagle ti b ylg sūyā la yīnga, la zaka, rē n kite t'a kō sor ne fur loεga wala nabiyaam-rāmbā sēn sagl ne rēnda wā -tilgr be b yīnga- bala b sagenda ne būmb fāa sēn yaa ylenga.**

La līslaoongā sagenda ne bōn-yilma sēn yaa rubo la bōn-yūudi -Wēnd Tēn-tuum yeelame -Wēnd puusg la A Tilgr be a yīnga-: «Yāmb a nebā! Ad Wēnd yaa ylenga, A ka reegd ti sā n ka ylgemd ye, la ad Wēnd sagla sid-kōtbā ne būmb ning sēn sagl A Tēn-tuumbā, Wēnd yeelame A Naam zēkyā: {yāmb a Tēn-tuumbā ri-y nylma Tōnd sēn rīlg yāmbā la y puus Wēnd barka ti sā n mikam ti yaa Yē la yāmb sēn tūudā } n ti tāag Aayarā " togsda yeelame: " Rē poorē ti Nabiyaama tēeg raa yelle, sor sēn wogle, t'a zugā bire n puki, t'a zēk a nus a yīibā n tug saasē wā n yetē: "m Soab A Wēnde! Sōng-ma", la a rītlā yaa haraam, a sēn yeelgā yaa haraam, a bōn-yūudi wā yaa haraam, b leb n rīlg-a la ne haraam, b na n reega kos-kāngā wān-wāna?!» Şahuh Muslim 1015. la Wēnd yeelame A Naam zēkyā: {Yeele: "ānd n gudg faas-teed nins Wēnd sēn yiis n kō A yembsā la ri-yilmā?" yeele: "ad b yaa sid-kōtbā yīnga dūni vumā puga, la b yaa sēn welg toor zalle ne bāmba Yikr-raare. Yaa woto la Tōnd welsd Aayae-rāmbā bul yīng ti nebā na bānge} [Al-a'raafu: 32] La līslaoongā sagendame ti b ylg sūyā la yīnga la zaka, rē n kite t'a kō sor ne fur loεga, wala nabiyaam-rāmbā -tilgr be b yīnga- sēn sagl ne rēnda wā, bala bāmb sagenda ne būmb fāa sēn yaa ylenga, Wēnd yeelame A Naam zēkyā: { La Wēnd maana pagb sēn yi yāmb mensē wā n kō yāmba, la A leb n maan n kō-yā sēn yi yāmb pagbē wā kom-ribli la yagense, la A rīlg yāmb ri-yilmā, la paa zīri wā la b kōt sid ne-a la b yaool n maan sōm-zulem ne Wēnd neema wā?} [Annahlu: 72] Wēnd leb n yeelame A Naam zēkyā: { La f futā bi f yilge (4) la rubsā bi f zāage. (5)} [Al-mudatturu: 4-5] Ti Tēn-tuumā -Wēnd puusg la A Tilgr be a yīng- yeele: (Ka kēed arzānā, ned ning waoog-m-meng sēn be a sūuri a sēn tug n paood n yūd fāa, ti rao yeele:" la ned sā n rat t'a fuug yi neere, la a neodr yi sōma?" Ti Nabiyaamā yeele: " Wēnd yaa neere, A noanga neerem, la waoog-m-meng yaa sid tōdgre la nebā paogre") Şahuh Muslim 91.

**La lslaoongã gidga haraamã yēga, wala lagem-n-taar ne Wēnde, la kifēndo, la rubs tūubu la yeel Wēnd zugu fo sēn ka mi, la koam kuvbo, la ku yōor ninga Sari wã sēn ka kō sore ti b ku, la sãoong tēngã puga, la tum, la yel-beedo a sēn vēneg la sēn solg fãa, la yoobo la rap kēed-n-taar ne taaba, la A gidg Ribaaga la gif wãbre la bũmb ning b sēn kodge rubs yīnga, la a gidg kukur nemd wãbre la rēgd-rãmbã fãa gilli, la a gidg kub arzek rubo, la boogre vugbē wã la magbē wã, la a gidg rogem wãagre. Nabiyaam-rãmbã fãa gill zemsa taaba ne haraam-kãensã gidgre.**

Lislaoongã gidga haraam-rãmbã yēga, wala lagem-n-taar ne Wēnde, la kifēndo, la rubs tūubu, la gom n rogl Wēnd ti ka tū ne bāngr ye, la koamb kuvbo, Wēnd yeelame A Naam zēkyã: {Yeele wa-y ti m karem yãmb soabã sēn gidg yãmb zugã n wīng yã, yaa y ra maan lagm-n-taar ne-A baa fu, la y maneg roagdba yibã, la y ra ku y koamba talmd yīng ye Tōnd n dilgd yãmba la bãmba, la y ra pēneg yel-beedã sēn vēnge la a sēn solge, la y ra ku yōor ning Wēnd sēn gidga rēndme ti yaa sēn tū sida, yaa wãnde la A sagl yãmb ne-a sãnd-sãnde y na tal yam La y ra pēneg kub arzek ye rēnda a manegre hal ti a wa ta a raod wakat, la y pids vūgbã la magbã ne tēeg-turga, Tōnd pa rognđ yōore rēnda a sēn tōe, la y sã n yeele bi y tēeg turga ba ti sã n yaa rog-pēnta, la y pids Wēnd sartã, yaa wãnde la A sagl yãmba sãnd-sãnde y na tēege} [Al-an'aamu : 151-152] Wēnd leb n yeelame A Naam zēkyã: {Yeele: " ad mam Soabã sēn gidgã yaa yel-beedo a sēn solg la a sēn vēnege la kedgr ti pa tū ne sid ye, la Wēnd leb n gidga y sēn na n maan lagem-n-taar ne Wēnde, A sēn ka sik tagms a zugu, la y sēn na n yeel Wēnd zugu yãmb sēn pa mi".} [Al-a'raafu: 33] La lslaoongã gidga yōor kuvbo b sēn ka kō sore, Wēnd yeelame, A Naam zēkyã: { La y ra ku yōore ning Wēnd sēn gidg ti b ra ku wa ye, rēndame ti tūu ne hake, la b sēn ku ned ning ne wēgdo Tōnd kō a nedã sor ta maan n dole, bi a ra maan n zvug kuvbē wã ye, ad a yaa b sēn na n sōng-a soaba.} [Al-Israa'u: 33] Wēnd le yeelame A Naam zēkyã: { Bãmb la neb nins sēn pa boond soab zēng n lagem Wēnde, la b pa kuvd yōor ning Wēnd sēn gidgã rēndame ti tūu ne hake, b leb n pa yood ye, la ned ning sēn tum woto, a na n paama subgre.} [Al-furkaanu: 68] La lslaoongã gidga sãoong tēngã puga, Wēnd yeelame, A Naam zēkyã: { La y ra sãam tēngã A sēn maneg-a poor ye} [Al-a'raafu: 56] Wēnd le yeelame, n kōt kibar ne a Nabi Šu'ybe -tulgr be a yīnga- t'a yeela a nebã: { m neba, tū-y Wēnde, yãmb ka tar Soaba zēng sēn ka Yē ye, sida, vēenem yi y Soabã nengē n wa yãmb nengē, bi y pids vūgbã la zisl-m-agbã, la y ra boog nebã b teedē wã ye, la y ra sãam tēn-gãongã pugē A sēn malg-a poorē ye, rē la sōma yãmb yīnga ti y sã n yaa sid- kōtba } [Al-a'raafu: 85] lslaoongã gidga tum me, Sid Naabã yeelame A Naam yilgame n zēke: { La f Lob bũmb ning sēn be fo rtgē wã a na n vela b sēn maan yel ninsã wã, ad b sēn maan bũmb ningã wã yaa tum raba, la tum soab me pa tilgd ne a bōn-daabã a sēn kē zīg ning fãa.} [Taha : 69] Ti Tēn-tuumã -Wēnd puusg la A Tilgr be a yīng- yeele: « Zoe-y n zãag-y yel-halkds a nu wã, la b yeelyã: " Wēnd Tēn-tuumã yaa bãmb la buse?" t'a yeele: " yaa lagem-n-taar ne Wēnde, la tum, la yōor ning Wēnd sēn gidg ti b ra ku ti sã n ka tū ne lslaoong hake wã kuvbo, la rbaag rubo, la kub arzek rubo, la gūd-kuidg-n-zoe zabr raare, la Muumun pogsã sēn yaa yōk-m-mensã rãmbã, sēn pa ning b toaag ne yel-beedã rōdbo» Şahuh Albuħaar (6857). Lislaoongã gidga yel-beedã sēn vēneg la sēn solge la yoob la rap ne taab kēed-n-taare, la reng n looga gomd-bug kãngã sungre wã, Aaya-rãmb nins sēn togsd rēnda. La lslaoongã harama rbaaga, Wēnd yeelame, A Naam zēkyã: { Yãmb a neb nins sēn kō sida, zoe-y Wēnde la y bas sēn ket nebã nengē sēn yaa Ribaagã ti yãmb sã n yaa sid-kōtba (278) La yãmb sã n pa maan rē bi y koll zabre sēn yi Wēnd la A Tēn-tuumã nengē, la yãmb sã n tuubi yãmb

ligd-zutā yaa yāmb n so, yāmb pa wēgde b pa wēgd yāmba (279)} [Al-bakara 278, 279] La Wēnd ka pulum wēnga ne zunuub soab t'A na n zaba ne-a wala A sēn pulum wēng ne rbaag soabā, bala bee rbaagā pugē, sēn yaa dīin wurbu, la tēms la arzēgs la yōy wurbu. La lslaoongā gidga gif wābre la būmb ning sēn kodge n kō rubse, la a gidg kurkur nemd wābre, Wēnd yeelame, A Naam zēkyā: {B gidga yāmb ne gifo la zum la kukur nēmdo la sēn kodg ti pa tū ne Wēnd yuure la sēn gīd n ki la sēn pāb n ku la sēn tar n lu la sēn tā taaba, la na-yēes-rāmb sēn wābe rēnda y sēn paam n kodge, la sēn kood rubs zugu la yāmb sēn na n baood puure ne mo-losre ( poeere) ad yāmb yel-kānga yaa dīi-yiibu} [Al-Maa'ida 3]. La lslaoongā gidga rāam yūubu la bōn-rēgdā fāa sēn kellā, Wēnd yeelame A Naam zēkyā: { Yāmb a sid-kōtbā! Ad rāamā la tentεεgā la rubsā la poeesā, yaa rēgd sēn yaa a Sutāan tuuma, bi y zāag-a, sānd-sānde y na tilge. (90) Ad a Sutāan tullame n na n kēes beem la gēeg yāmb suka, rāamā la tentεεgā pugē, la a gid yāmb n yi Wēnd yuurā tēegre la Puusga, la rē yīnga yāmb na n basame bu? (91)} [Al-Maa'ida 90, 91]. La renga taoore, gom-buk sōrr pis-tāabo la a yembre (31) sēn togsd Wēnd sēn kō kibare - A Naam zēkyā - ti sēn be Tēn-tuuma -Wēnd puusg la A tilgr be a yīnga- sif-rāmbā pugē Taoraatē wā, yaa t'a gidgda b zugu rēgd-rāmba, Wēnd yeelame -A Naam zēkyā-: {Neb nins sēn pugd Tēn-tuumā sēn yaa Nabiyaama n yaa zu-sabellā, bāmb sēn mikd ti b guls a soab yell bāmb nengē wā taoraatā la Līngiilā pugē, n sagēnd bāmb ne manegrā, la a gidgd-b ne yel-kit, la a kōt b sor ne yel yilmā, la a gidgd-b ne bōn-rēgdā, la a rokd b zubā la yel-gīti wā n basd-ba } [Al-a' raafu: 157] La lslaoongā gidga kub arzēk rubo, Wēnd yeelame A Naam zēkyā: {La y kus Kubsā b arzēgsā, la y ra tedg yookā ne sōmā wā ye, la y ra kalem b arzēgsā ne yāmb nengē wā n rtē ye, ad rē yume n yaa yel-beedo sēn bedme} [Annisaa'u: 2 ] Wēnd le yeelame A Naam zēkyā: { Ad neb nins sēn rt kubsā arzēgs ne wēgdā, ad b sēn rtā yaa Bugum b pusē wā, la b na n wida Bugmā pugā} [Annisaa'u 10]. La lslaoongā gidga boogr vugbē la zislem makrē (peesgē) wā, Wēnd yeelame A Naam zēkyā: {Wubd be ne zāmbdbā. (1) ninsi b sā n na n vūg nebā nengē la b sēn pidisdi(2) La b sā n na n vūg n kō nebā, maa b sā n na n make, la b sēn zāmdē (3) Rē yīnga bāmbā pa tēede ti b na n yik-b lame laa(4)} [Al-muṭaffifun 1-4] La lslaoongā gidga rogem wāagre, la renga taoore gomb-buk pis-tāab la a yembrā (31) Aayae-rāmbā togsdgo la hadiis-rāmb nins sēn wiligd rēnda. La nabiyaam-rāmbā ne tēn-tuumba -tilgr be b yīnga- b gillā zemsā taaba yel-kāensā gidgrā pugē.

## **35- Lslaoongā gidgdame n yi zug-wēnse, wala zīri-beedo la wēgbo, la zāmba la belgre la sū-kiiri la rab-wēnse la wagdem la maan-n-zuuge la wēgbo, la a gidgda zug-wēng buudā fāa gilli.**

Lslaoongā gidgdame n yi zug-sābdsā fāa gilli, A yeelame A Naam zēkyā: { La f ra wēnemd f yēgdgā n kis nebā ye, la f ra kēnd tēnga pug ne titaam ye, ad Wēnd ka nong waog-m-meng-soab fāa sēn yaa pugd ye } [Lukmaan : 18] Wēnd Tēn-tuumā -Wēnd puusg la A tilgr be a yīng- yeelame: (Ad sēn tug n be yāmb pugē, sēn tug n noom maam n yuda, n leb n yud pēnegr ne maam zīndug zīngē dūni wā Yīkr raare, yaa yāmb sēn yuda ne zug sōmbse. La ad sēn tug n yud gēega yāmb pugē mam nengē, n leb n yud zīndug zīng zāagre ne maam dūni wā yīkr raare: yaa gom-to nebā, sēn yaa gomd-n-paooqd-nebā-rāmba, n yaa gom-n-pid noor poεεm-poεεm-rāmba. La b yeel-yā, Wēnd Tēn-tuumā, tōnd bānga gom-to neba la gomd-n-paooqd-nebā-rāmba, la yaa ānda la gom-n-pid noor poεεm-poεεm-rāmba? La a yeelyā:" Ad yaa waoog-m-meng-rāmba") Sūsilat Aṣṣahuha 791. Lslaoongā gidgda zīri-beedo, A yeelame A naam zēkyā: { ad Wēnd pa kāndagd ned ning sēn yaa maan-n-zuug soaba n yaa zīri-be-nedā ye,} [Gaafir: 28] Ti Tēn-tuumā -Wēnd puusg la A Tilgr be a yīng- yeele: « M busgsda yāmb ne zīri-beedo, ad zīri-beed peegdame n tugd wēngē, wēng me peegdame n tugd Bugmē, la ned ka bakd n yagda la a tūusd yagbo, hal ti b wa tug n guls-a Wēnd nengē t'a yaa pu-yagda» Ṣahuḥ Muslim 2607. Tēn-tuumā -Wēnd puusg la A Tilgr be a yīng- le yeelame: « Munaafik tagmas yaa a tāabo a sā n yēs la a sēn yagde, a sā n pulme la a sēn viigdi, la b sā n maan-a bas-m-yam, la a sēn zāmdē» Ṣahuḥ Albuḥaar (6095). Lslaoongā gidgda zāmba la waa hadiis pugē «ti Wēnd Tēn-tuuma -Wēnd puusg la A tilgr be a yīnga- a puuuga ri-rudrē n rik a nugā n kēes a pugē, ti maasr paam a nus-bi wā, t'a yeele:« yaa bōe la woto rubā soaba?» la a yeelyā: " ad yaa saag n paam-a Wēnd Tēn-tuuma". T'a yeel-a : " Fo ra ka na n ning-a rubā zugu sēn na yl ti nebā yā-a! Ad sēn maana zambo yē ka lagem maam ye» Ṣahuḥ Muslim 102. Lslaoongā gidgda pulik la zāmba la belgre, Wēnd yeelame A naam zēkyā: { Yāmb a sēn kō-b sida, ra zāmb-y Wēnd la A Tēn-tuumā ye, la y ra zāmb yāmb netaab boabl-rāmba ti yāmb yaool n miē ye} [Al-anfaalu: 27] A le yeelame A Naam Zēkyā: { Sēn pidsd b puleng ne Wēndā la b pa yidigdb b Alkaool ye} Arra'du 20 Ti Wēnd Tēn-tuuma

-Wënd puusg la A tilgr be a yīnga- a rag n yeta a tã-biisã ti b sã n wa yit: « Zab-y-yã la y ra zãmb ye la y ra reem ne kũ-rãmbã ye, la y ra ku bi-kidg ye» Şahuh Muslim 1731. Tën-tuumã -Wënd puusg la A Tilgr be a yīnga- le yeelame: «Yel a naase n be beenē, b sēn wa n be ned ning nengē a ytame n yaa munaafik vēenega, la ned ning b yembr sēn wa n be nengē yē soab tara sif a yembr sēn yaa munaafiglem, hal t'a wa tug n bas-a: -bãmb la woto-: b sã n maan-a bas-m-yam a zãmbdame, a sã n yēse a yagdame, a sã n rnk alkaool a zãmbdame, a sã n zabe a wēngdame» Şahuh Albuħaarī (34). Lislaongã gidgdame n yi sũ-kiiri, Wënd yeelame A naam zēkyã: { Bt yaa nebã (a Muhammad ne a pugdbã) la b maan sũ-kĩiri ne Wënd sēn kō-b A yudlema, sã n yaa boto ad Tōnd kōo a [braahum zakã rãmb Gafã la buud-minim la D kō-b naam sēn yaa zisgo} [Annisaa'u: 54 ] Wënd le yeelame A Naam zēkyã: {wusg nongame sēn yi Gafã rãmbē ti b sã n ra tōe n lebs yãmb y sid-kũunã poorē ti yaa Kifn-dãmba, sũ-kĩiri yīng bala sēn yi bãmb nengē sidã sēn vēneg ne bãmb poorē. Bt y yaaf la y bas ti looge hal ti Wënd yellã wa ta, ad Wënd yaa tōod ne bũmb a fãa } [Albakara: 109] Tën-tuumã -Wënd puusg la A Tilgr be a yīnga- le yeelame: « Ad zãmã-rãmb sēn rag b yãmbã b bãaga taa yãmb nengē, sũ-kĩirã la gēegã, ad yaa yē la pōnda, m ka yet t'a pōngda kōbd ye, la ad a pōngda dīinã, m wēen ne mam yōorã sēn be Naab ning nugē wã, yãmb kō n kē arzãna hal ti y tug n kō sida, y ka na n kō sid me hal ti y wa maan taab noanglem, rē yīnga m ka na n kō y kibar ne bũmb ninga sēn tabend yel-kãngã?: Sãeeg-y puusgã yãmb ne taab suka» Sunan Attirmiizii 2510. Lislaongã gidgdame n yi rab wēnga, Wënd yeelame A naam zēkyã: { yaa woto la Tōnd maan tēng fãa pugē a nin-wēnse sēn yaa bæda, ti b rabsd a pugē rab wēnse, la b pa rabsde rēnda b mens bala la ad b pa mi ye} [Al-an'aamu : 123] La Wënd kōo kibar -A Naam zēkyã- ti Yahud-rãmbã b mamsame n na n ku Sus-ti-maagã -tilgr be a yīnga- la b rnk rab wēnga, la ad Wënd rka rab wēng ne-ba. La wënd vēnegame ti rab wēng ka paamde ti sã n ka b rãmbã bala Wënd yeelame A Naam zēkyã: { La a [isa sēn wa n bãng kifendã bãmb nengē wã a yeelame: "ãnd n na n sōng maam ti m bool n tug Wēnde?" La a pugdbã sēn yaa tirsã yeele: " tōnd yaa Wënd sōngdba, d kōo sid ne Wēnde bt f maan kaset ti tōnd yaa sak-n-tũ rãmba".(52) Tōnd Soaba d kōo sida ne Fo sēn sikã la d pug Tën-tuumã bt F guls tōndo n lagm kaset maandbã (53) La b rika rab wēnga ti Wënd na n rabse, la yaa Wënd la rabsdbã sēn yud sōmblem(54) Tēeg wakat ning Wënd sēn yeel a [isa: " ad Mam na n saasa fo waktã la m zēk foo n tug M nengē, la M yilg foo n yi neb nins sēn kiflbã la M maan sēn pugb foo wã ti b wil sēn kiflbã n ti tãag Dũni yikr raare, rē poore y lebeng-zīg yaa Tōnd nengē ti M bu yãmb ne taab suka yãmb sēn da yi n yōsd taab yel nins pugē wã (55)} [Aal-|mraan: 52-55.] Wënd leb n kōo kibar yesa -A Naam zēkyã- ti nabiyaama a Şaaltħ -tilgr be a yīnga- a nebã rag n rat n ku-a lame ne slim-wēnga, ti b na dik rab wēnga, ti Wënd rnk rab wēnga neba n halk-ba b fãa gilli, Wënd yeelame A Naam zēkyã: { B yeelame: " d wēen ne Wënd ti tōnd na n ku-a lame ne a zakã rãmba yungo, la d yeel a nedã: "tōnd pa yã yē ne a zakã rãmb kuubã ye, la ad tōnd togsda sida".(49) La rabsa raba ti Tōnd na n lebs b rabrã ti bãmb yaa sēn pa ning b yamē (50) Bt f gese b rabrã baasg yu wãn-wãna?: Tōnd halk-b lame la b nebã fãa gilli (51)} [Annamlu: 49-51] La lislaamdã gidgda wagdem: Wënd Tën-tuum yeelame, Wënd puusg la A tilgr be a yīnga: «Yoad ka yood a sēn wãt n yoodã t'a yaa sid-kōat ye, wagdr me ka zuudi a sēn wat n zuudã t'a yaa sid-kōat ye, rã-yũud ka yũud a sēn wat n yũudã t'a yaa sid-kōat ye, la ad tuubgã ket n paεεla rē poorē» Şahuh Albuħaarī 6810. Lislaongã gidgda maan-n-zuuga, Wënd yeelame A naam zēkyã: {ad Wënd sagenda ne tēeg-tirg la manegre, la rog-pēts sōngre, la A gidgd tuum yood la yel-kiti la wēgbo, A sagenda yãmb ti raare y na tags n gese.} [Annahlu: 90] Ti Tën-tuumã -Wënd puusg la A Tilgr be a yīng- yeele: « Ad Wënd tumsame ti wa mam nengē, ti y gãneg y mense, hal ti ned ra wa maan n zuug a to zugu ye, ned ra wa tug n pugl me ne a to ye» Şahuh Abu Daawuuda 4895 Lislaongã gidgda wēgdo, Wënd yeelame A naam zēkyã: { la Wënd pa noang Wēgdb ye} [Aal-|mraan: 57.] A le yeelame A Naam Zēkyã: {Yell sēn yalē ad wēgdbã pa pōsd ye} [Al-insaanu: 31] Ti Tën-tuumã -Wënd puusg la A Tilgr be a yīng- yeele: «Neb a tãabo n be ti b kosg ka lebsd ye, yaa Naab sēn yaa tēeg tirg soaba, la no-loeta hal t'a wa tug n kao a noorã, la b sēn wēg a soab kosgo, b tebend a kosgã sawatē wã n pak saasã ragnoyã a yīnga, Ti Wënd yetē -A Naam zēkyã- M wēen ne M Zislema M na sōng-fo baa ti na n yi wakat loogr poorē» a Muslim n yiis hadiisã koεε-koεεga (2749) n lagem ne yōsgr bilf bala la a Tirmiizi, (2526) yē me yaa ne yōs-taab bilfu, la a Ahmad (8043), la gomdã bilã meng yaa a Ahmad nengē la woto. La wakat ning Tën-tuumã a Muhamad -Wënd puusg la A tilgr be a yīnga- sēn wa n tum a Mu' aaz Yamanã, sēn be a sēn yeel-a wã pugē: "L a f zoe b sēn wēg a soab kosgo, ad lill ka be ne-a ne Wënd suk ye" Şahuh Albuħaarī 1496. Tën-tuumã -Wënd puusg la A Tilgr be a yīng- le yeelame: «Ad ned ning sēn wa n tug wēg b (lislaambã) sēn rnk alkaool n maan zems-n-taar ne-a ti b ka n zab ne-a, maa a paoog-a lame, maa a rogl-a lame a sēn ka tōe, maa a reega bũmb a nengē ti ka tũ ne a yōor raabo, ad mam yaa a zab-n-taaga dũni Yikr raarã» Sunan Abu Daawuud 3052. Rēnd lislaongã yaa wala fo sēn ne wã, a gidgdame n yi zug wēng fãa gilli, maa tum-n-taar sēn yaa wēgbo walla maan-n-zuuka.



## **36- Lislaoongã gidgda ligda tum-n-taar ning rıbaag sēn be a pugē, maa namsgo, maa belgre, maa wēgdo, maa zāmbō, maa a yıta sabab n wa ne sāanga la namsgo n gūbgd zāmā wā la nebā yembr-yembre.**

Lislaoongã gidgda ligda tum-n-taar ning rıbaag sēn be a pugē, maa namsgo, maa belgre, maa wēgdo, maa zāmbō, maa a yıta sabab n wa ne sāanga la namsgo n gūbgd zāmā wā la nebā yembr-yembre. La renga Gom-sull kängā singrē wā, Aayae-rāmbā la hadiis-rāmba togsgo, sēn wiligdi sēn gidgd rıbaagā la wēgdā la zāmbā maa sāanga tēngā poor zugu, Wēnd yeelame A Naam zēkyā: {La neb nins sēn namsd-b muumin-roadā la muumin-pogsā ne b sēn pa tumā, ad b tuka zıri la zūnuub sēn yaa vēenega.} [Al-ahaab : 58] Wēnd le yeelame A Naam zēkyā: {Ned ning sēn tuma sēn some yaa a meng yınga, la ned ning sēn wēnga be ne-a, la fo Soabā pa yi n yaa wēgd baa bilf ne A yembsā ye} [Fuşşılat :46] «La waa Sünnā pugē: ti Wēnd Tēn-tuumā -Wēnd puvsug la A tıgr be a yınga- a buume n wilg ti namsg ka be nams taab me ka be ye» Sunan Abu Daawud, Tēn-tuumā -Wēnd puvsug la A Tıgr be a yıng- le yeelame: «Ned ning sēn kōta sid ne Wēnd la Yaoolem raarā, bi a maneg n tug a yaka, ned ning sēn le kōta sid ne Wēnde la Yaoolem raarā, bi a waoog a sāana. la Ned ning me sēn kōta sid ne Wēnd la Yaoolem raarā bi a yeel sēn be neere maa a sındi. la togs a to pugē a yeelame: bi a maan neere n tug a yaka » Şahih Muslim 47., Tēn-tuumā -Wēnd puvsug la A Tıgr be a yıng- le yeelame: « B namsa paga yūug poorē, a pag-a lame hal t'a wa tug n ki, t'a kē Bugmē yūugā poorē, yē n ka rılg-a a pa yūnug-a, bala a pag-a lame, yē n ka bas-a me t'a rıt tēngā bōn-yoodo» Şahih Albuḥaarı (3482). Wānde yaa ned sēn nams yūuga, la ned ning sēn nams nebā yē nengē na n yu wān-wāna? Rēnd yi a Umar biig nengē a yeelame: Wēnd Tēn-tuum ruv mimbarā n moond ne koεeg sēn zēke, n yeele: (Yaa yāmb neb nins sēn kō sid ne b zılmā ti Sıd-kūuna na ka ta a sūurē wā, ra nams-y lıslaambā ye, ra n zang-y-b ye, ra n pēes-y b zamsā ye, ti ad ned ning sēn pēes a ma-biig zanga, Wēnd pēesda a zangā, ned ning Wēnd sēn pēes a soab zanga, A ningd-a la yānde baa ti yaa a zaka suka. Togsda yeelame: " A Umar biig gesa ALkaabā raar a yembre n yeele: " ad fo bedrem ka to ye f lohorom me ka to ye, la ad sid-kōta n yud foo ne lohorom zıslam Wēnd nengē) A Attirmiizi n reeg-a (2032) la İbn Hibbaan (5763) Tēn-tuumā -Wēnd puvsug la A Tıgr be a yıng- le yeele: (Ned ning sēn kōta sid ne Wēnde la Yaoolem raarā bi a ra nams a yak ye, ned ning sēn kōta sid ne Wēnde la Yaoolem raarā bi a waoog a sāana, ned ning me sēn kōta sid ne Wēnde la Yaoolem raarā bi a yeel sēn be neere maa a sındi) Şahih Albuḥaarı (6018). Le yi a Abuu Huraurat nengē -Wēnd yard be a yınga- ti yi Nabiyaama nengē -Wēnd puvsug la A tıgr be a yınga- t'a yeelame: "yāmb mii talg bu?" La b yeelyā: "Tōnd pugē, talg yaa ned sēn ka tar wakire, a ka tar lago". La a (Nabiyaama) yeelyā: " ad talga mam poorē rāmbē wā yaa ned ning sēn wat dūni yıkr raarā ne no-loeere la Puvsugo la Zaka, a watame la mikame t'a tuv yā wā soaba burkındi, n rōd yā wā soaba, n rı yā wā soab ligdı, ti b zındg-a ti yā wā soab maan n dole n deeg a yel-sōmbdā, ti yā wā soab me yāk a yel-sōmbdē wā. T'a yel-sōmā wā sā n wa se taor t'a ka yao sēn be a zugā zāngo, b yākda bāmbā zunuub-rāmbā n fāerg yēnda, rē poorē ti b rık-a n fāeg Bugmē wā) A Muslim n yiis-a (2581), la a Attirmiizii (2418), la a Ahmad (8029), la gom-billā yaa sēn be yē nengē wā. Wēnd Tēn-tuum le yeelame:- (Tug will n da be sorā zug n namsd nebā, ti ned rık-a ti yi sabab ti b kēes-a arzāna) A Albuḥaarı n yiis-a lame (652) t'a kōt maanā-kängā, la a Muslim (1914) me sēn wōnd woto, la a İbnu Maağah (3682), la a Ahmad (10432) la goamā biisā yaa bāmb b yıibā nengē la yi yā. Rēnd būmb sēn namsd nebā rık n bas sorā a kēesda arzāna, la ned ning sēn namsga nebā la a sām b vumā, yendā yellā na n yu wān-wānā?

## **37- Lislaoongã waame n na n wa gūus yamā, la a gidg būmb fāa sēn sām yamā, wala rāam yūubu, la sārı wā zēka yamā yelle, n maan ti yaa yēnda la tuumā roglg zıiga, n yidg-a n yi rog-m-mikā la kífēnd yelā bāeensā, la ka be**

# **İsllaamdã puga sãn yaa yel-soandı maa buud-rãmba sãn welg ne neb toore ti ka tũ ne neb a taab ye, ad a Buud-rãmbã fãa la a Şari-rãmbã fãa yaa sãn zemsd ne yam sõmbasã, yẽ me la bũmb sãn zemsd ne tẽeg tırğa la yam beđdã yãabã.**

İsllaongã waa ne yam gũubu, la a zẽk a yellã, Wẽnd yeelame A Naam zẽkyã: {ad wumbã (tubã) la ninã, la sũurã, wãnde fãa b na n wa sok a yelle} [Al-İsraa'u:36]. Rẽnd yaa tılae ne ninsaallã t'a gũus a yamã, rẽ n kũt ti İsllaongã gidg rãamã la dooookã, la mam togsa rãamã gidgre gom-sull sõor (34), la Alkurãan wagellã Aayae wusg fãa pidsda ne Wẽnd koεεga, A Naam zẽkyã: {sãnd-sãnde y na paam yam} [Albakara 242]. Wẽnd le yeelame A Naam zẽkyã: {La dũni vumã pa yi rëndame ti yaa reem la wısga, la ad Yaoolem zaka n yud sõmblem ne Wẽnd-zoetbã, rẽ yĩnga y pa na n maan yam?} [Al-an'aamu : 32] Wẽnd leb n yeelame A Naam zẽkyã: { Ad Tõnd sik-a-lame, t'a yaa Kurãan sãn yaa Laarabiimdu (goama), sãn na yilẽ ti yãmb bãng a võorã.} [Yuusuf :2] La Wẽnd vẽnegdame -A Naam zẽkyã- n wĩnig ti ad kãndagrã la bãng-nafa wã (Hıkmã), b ka nafd ne b yıibã rẽnda yamã rãmbã, bãmb me la yam beel-beel rãmba, Wẽnd yeelame A Naam zẽkyã: { A kõta yam-bedre(Hıkma) A sãn tull a soaba, la b sãn kõ-a soaba yam-bedre ad b kõ-a la sõma wusgo, la pa tagsd n getẽ rẽnda yam-beel rãmba} [Albkara: 269] La yaa woto yĩng la İsllaangã maan yamã ti yaa tuumã rolgg zĩiga, Wẽnd Tẽn-tuum yeelame, Wẽnd puusg la A tılgır be a yĩnga: «B zẽka kaal moogo n bas neb a tãabo, gõeta halı t'a wa tug n neke, la bi-bılfu hal t'a tug n ta zamsdo, la gãenga halı t'a wa tug paam yam» A Albuhaaru n yiis-a gırğa ne kengre, t'a be taoor ti hadiis (5269) na n ka ta ye woto buudu, t'a Abuı Daawud yiis-a woko (4402) la gomdã bıis yaa yẽ (a Abuı Daawud) nengẽ, la a Attirmiizii (yiis-a lame) (1423), la Annasaa'ı Assunan Alkubraa wã pugẽ (7346), la a Ahmad (956) n lagm yõs taab bılfu, la a [bnı Maağa (2042) koεεg-koεεga. La (İsllaongã) yidga yamã n yi rog-m-mik la rubsã bãensẽ, Wẽnd yeelame- A Naam zẽkyã- n togsd zãmã-rãmb nins halhaal sãn gãd-b b rog-m-mıgsã la b bas sıd ning sãn wa b nengẽ wã, n yi Wẽnd nengẽ wã. { La yaa woto bala Tõnd pa tums sãn reng fo taore bugsd fãa n tug tẽngẽ rẽnda a (tẽngã) rı-n-tıkã-rãmb yeele: "tõnd mika d saamb-rãmba ti b be dıin zugu, la tõnd yaa bãmb vũuna tikdba } [Azzıhruf: 23] Wẽnd le yeelame n togsd a [braahum sãn yaa halulã (Wẽnd Noangã) tılgır be a yĩnga, t'a yeela a nebã: { Yaa bõe Nin-naands la woto yãmb sãn yãs ne a tũudumã lug-lugã?"(52) La b yeele: " tõnd mika d saam-rãmbã ti b tũud-ba" (53) } [Al-ambiyaa'u: 52-53] Rẽnd İsllaongã waame n sagı nebã ti b bas rubsã tũubu la b zãag n bas rog-m-mıgs nins bãmb sãn rık a faadã b ba-rãmb la b yaab-rãmbẽ wã, la b tũ tẽn-tuumbã soyã, puusg la tılgır be b yĩnga. La ka be İsllaongã pugẽ, sãn yaa yel-soandı la Buud-rãmbã, sãn welg neb a taaba, ti ka zao neb a taaba zuge. B soka a Ali sãn yaa Abuı Taalib bıigã, Wẽnd yard be a yĩnga -yẽ me yaa Wẽnd Tẽn-tuum -Wẽnd puusg la A tılgır be a yĩnga- sãm-bıb bıiga la a bı-puglã sıda-: ti rẽ yĩngã Wẽnd Tẽn-tuum -Wẽnd puusg la A tılgır be a yĩnga- a welga yãmb ne bũmb ning bu? T'a yeele: « Wẽnd Tẽn-tuum -Wẽnd puusg la A tılgır be a yĩnga- a ka welg tõnd ne baa fıı ti ka gũbg ne nebã fãa gıll ye, sã n ka bũmb ning sãn be mam su-kãngã wuugẽ wã ". Togsda yeelame: 't'a yiis sebre, ti guls a pugẽ ti : Wẽnd kãab beed be ne ned ning sãn wa n tug n kodga ti ka tũ ne Wẽnd yuur ye, Wẽnd kãab beed be ne ned ning sãn tug n zu tẽngã todse, Wẽnd kãab beed le be ne ned ning sãn kãaba a ba, Wẽnd kãab beed le be ne ned ning sãn wa n soola nin-kuuda» Şahıh Muslim 1978. La İsllaongã Buud fãa la a Şari-rãmbã, b yaa bũmb sãn wa n zemsd ne yam sõngo, n leb n yaa bũmb sãn zemsd ne tẽeg tırğa la hıkma (yam bedre).

**38- La dıin yoodã, b pugdbã sã n ka bãng bũmb  
ning sãn be a pugẽ sãn kUSD taabã la yel nins  
sãn ka kẽed yamã, la b dıinã taoor-rãmb sãn  
lııbd-ba n yetd-b ti ad dıinã a yuda yam tagsgo,  
yamı me ka tar toaaga dıinã fasẽng pugẽ ye. La**

# **sã n yaa lɪslaoongã a rɪka d̄iinã tɪ yaa v̄eenem n wõond yamã t'a rɪkd a sorã, r̄end d̄iin yoodã rãmba b ratame tɪ nɪnsaal bas a yamã la a pug bãmba, la lɪslaoongã a ratame tɪ nɪnsaal nek a yamã s̄en na yɪl bãng yelã meng hakukã wala a s̄en yaa to-to wã.**

La d̄iin yoodã, b pugdbã sã n ka bãng bũmb ning s̄en be a pugẽ s̄en kUSD taabã la yel nins s̄en ka k̄eed yamã, la b d̄iinã taoor-rãmb s̄en liibd-ba n yetd-b tɪ ad d̄iinã a yuda yam tagsgo, yamã me ka tar toaaga d̄iinã fas̄eng pugẽ ye. La sã n yaa lɪslaoongã a rɪka d̄iinã tɪ yaa v̄eenem n wõond yamã t'a rɪkd a sorã, r̄end d̄iin yoodã rãmba b ratame tɪ nɪnsaal bas a yamã la a pug bãmba, la lɪslaoongã a ratame tɪ nɪnsaal nek a yamã s̄en na yɪl bãng yelã meng hakukã wala a s̄en yaa to-to wã. W̄end yeelame A Naam z̄ekyã: { Yaa woto bala la Tõnd tums Vum (Alkurãanã) s̄en yi Tõnd nengẽ, fo rag n ka mi yaa bõe la Gafã pa Lumaoong me, La ad Tõnd maan-a lame t'a yaa v̄eenem, tɪ D kãndagd ne-a Tõnd s̄en tull a soaba D yembsẽ wã, La sɪd la hakuka fo kãndagdame n tugd sor s̄en yaa tɪrga} [Aššurraa: 52 ] R̄end w̄end Wahu wã, a kumba daliil-rãmba la tagmas-rãmba s̄en peegd yam s̄omã wã n tugd hakuk-rãmb nins b s̄en rat n na n bãngã la b k̄õ sɪd ne-a wã, W̄end yeelame A Naam z̄ekyã: {Yãmb a neba! Sɪda tikr waa yãmb nengẽ s̄en yi y Soabẽ wã, la D sikame tɪ wa yãmb nengẽ v̄eenem s̄en v̄enegde} [Annisaa'u: 174 ] R̄end w̄ende -A Naam yɪlgame n z̄eke- A rata nɪnsaala t'a vums kãndagrã v̄eenem puga la a bãngre la hakuka, la s̄utãambã la k̄edgdbã zu-raadã, b rata nɪnsaala t'a pa kɪflmã lɪksẽ la zulmã la menegã, W̄end yeelame A Naam z̄ekyã: { W̄end la sɪd-kõtbã lallda, A yiisda bãmba ligsẽ wã n tugd v̄eenemẽ wã, la s̄en kɪflbã bãmb lalldba yaa rubsã, b yiisda bãmb v̄eenemẽ wã n tugd ligsẽ wã } [Albakara :257]

## **39- Lɪslaoongã zɪsgda bãng s̄õngo la a leb n pirsd bãngr p̄eesgo, p̄eesg ning s̄en lak n yi yõor yam-leoog bãngrã, la a boondẽ n tugd tags-n-gesga la tagsgo t̄õnd mengã pugẽ la bõn-naandsã s̄en be t̄õnd kɪrengã, la bãngr p̄ees n bãngã sã n mange a pa yõssgd ne lɪslaoongã ye.**

Lɪslaoongã waoogda bãng s̄õngã, W̄end yeelame A naam z̄ekyã: { W̄end z̄ekda neb nins s̄en k̄õ sɪdã yãmb pugẽ wã la neb nins b s̄en k̄õ bãngrã Darḡe rãmba, la W̄end yaa minim t̄eng-n-biiga ne yãmb s̄en tumdã } [Al-muḡeɛdalah: 11] La W̄end t̄õka bãngdbã kasetã ne A Meng kaseto, la A mal̄egsã kaseto, tɪ yaa b s̄en na n seet bũmb ning s̄en yaa zɪsgo n tɪ yude, W̄end yeelame A Naam z̄ekyã: {W̄end maana kaseto tɪ yel s̄en yalẽ soab s̄en t̄uudi n tɪlg kae r̄enda Yẽ, tɪ Mal̄egsã la bãngdbã maana kaset t'A yasa ne t̄eg-tɪrga, Soab s̄en t̄uud n tɪlg kae sã n pa Yẽ s̄en yaa wilb Naabã s̄en yaa buud Mitã} [Aal-ɪmraan: 18.] La wãnde wilgda bãngdbã darḡe lɪslaoongã pugẽ, la W̄end ka sagl A Nabiyaam a Muhammad -w̄end puusg la A tɪlgr be a yĩnga- t'a kos paasg ne bũmb baa a yembre sã n ka bãngrã, W̄end yeelame A Naam z̄ekyã: {la yeele: " M Soabã W̄ende paas maam bãngre!"} [Taha: 114], Tɪ T̄en-tuumã -W̄end puusg la A Tɪlgr be a yĩng- yeele: « Ned ning s̄en wa n tuka sore, n baood bãngr a pugẽ, W̄end yolsda sor a yĩnga n tug arz̄ena, la ad mal̄egsã ḡanegda b p̄igsã tɪ yaa bãng-baood yard yĩnga, la ad bãng-baooda s̄en be saasẽ wã la s̄en be t̄engẽ wã kosda yaafa a yĩnga hal n tug n t̄aag z̄imã s̄en be koomẽ wã, la ad bãngd s̄en yud w̄end-t̄uuda a yaa wala kiuugã s̄en yud ãdsã s̄en ketã fãa wã, ad bãngdbã la nabiyaam-rãmbã fa-rɪkdbã, la ad nabiyaam-rãmbã b ka bas s̄anem b ka bas wazuri, la ad yaa bãngr la b bas-yã, r̄end ned ning s̄en r̄k-a, ad a paama puur s̄en pidi» A Abu Dawuud n togs-a (3641) la a tirmiizi (2682) la Ibn Maaḡe (223) la gomdã biis yaa ȳendã nengẽ la a be, la a Ahmad (21715). La lɪslaoongã pirsda bãngr

péesgo sēn pidg n yi yōor-yamleooogo, a leb n boondame n tugd tags-n-gesga la tagsgo tōnd menga puga la bōn-naandsā sēn be tōnd kurenga, Wēnd yeelame A Naam zēkyā: { D na n wilg-b la d yel-soalmā ween-n-vūsē wā la b mensē wā, hal ti wa vēneg ne bāmba t'a (Alkurāanā) yaa sīda, rē yīngā pa sek ne fo Soabā t'A yaa Seeta ne būmbā fāa gilli? } [Fuṣṣilat :53] Wēnd le yeelame A Naam zēkyā: { Rē yīngā bāmb ka tagesdē n ges Wēnd soolemā sēn be saasē wā la tēnga pugē wā la wēnd sēn naan buudā fāa wā laa? La b le ka ges me ti tōe ti b sasā wā kolgame laa? la yaa gom bus la b na n kō sīda Alkurāana loogr poorē } [Al-a'raafu: 185] Wēnd yeelame A Naam zēkyā: {Rē yīngā bāmb ka kēn tēnga pugē n ges rēenem rāmba baasg sēn n yi to-to wā la? b pānga ra yuda bāmba, la b koo tēn-gōngā la b me-a n yud bāmb sēn me-a wā, la b tēn-tuumbā waa b nengē ne vēenem-dāmbā, la Wēnd ka yi n na n wēg-b ye, la bāmba n da wēgd b mense } [Arruum : 9] La bāngr ning sēn yaa sōmā wā a ka kūs d ne lislaoongā ye, tōnd na n togsa bilgr a yembre Alkurāanā sēn togs welsg wusgo a pugē, sēn yud yuum tusr la kobs naas (1400) sēn da looge, ti rūndā-rūnda bāngrā na bāngd-a yaolem, ti b bāngrā wa tug n zemsd ne būmb ning sēn be Alkurāan wagellā pugē wā, yē me la ninsaal naanegā a ma wā pugē wā, Wēnd yeelame A Naam zēkyā: { La ad Tōnd naana ninsaalā sēn tū ne tāndo (12) Rē poorē ti Tōnd maan-a t'a yaa mani n ning-a tableg zīg sēn yōgne (13) rē poorē ti Tōnd naan mani wā t'a yaa zi-pelle, rē poorē ti Tōnd naan zi-pellā t'a legb nem-gilgu, rē poorē ti Tōnd naan nem-gilgā t'a leb g kōbre, rē poorē ti Tōnd sēgn kōbrā nemdo, rē poorē ti Tōnd maan-a t'a yaa naaneg a to, Wēnd bark yi wagelle sēn naand ta naangā sōmlem yud naandb buud fāa wā! (14)} [Almuuminuun 12-14]

**40- La ad Wēnd ka reegd tuumde, A leb n ka kōt yel-sōmd a pugē, yaolem raarā sā n ka mikame ti yaa ned sēn kō sīd ne Wēnde la a tū-A la a kō sīd ne A tēn-tuumba, puusg la tulgr be b yīngā, A leb n ka reegd tūud-rāmbā sā n ka būmb ninga A sēn tuk n kō-ba ye. Rēnd na n yu wān-wānā ti ninsaala kīfl ne Wēnde la a tēed t'A na n kō-a lame? La a ka reegd ned baa a yembr sīd-kūuni sā n ka mikame t'a kōo sīd ne nabiyaam-rāmbā fāa gill ye -puusg la tulgr be b yīngā- la a kō sīd ne a Muhammad tēn-tumdā, Wēnd puusg la A tulgr be a yīngā.**

La ad Wēnd ka reegd tuumde, A leb n ka kōt yel-sōmd a pugē yaolem raarā sā n ka mikame ti yaa ned sēn kō sīd ne Wēnde la a tū-A la a kō sīd ne A tēn-tuumba, puusg la tulgr be b yīngā, Wēnd yeelame, A Naam zēkyā: {Ned ning sēn yāgda n rat (duni wā) puurā, Tōnd kōt-a la a pugē D sēn tulle n kō Tōnd sēn tull ned ninga, rē poorē ti Tōnd maane ti yaa Gchannem la a na n kē, ne sābgre la tāndgre. (18) La ned ning sēn tulla yaolem raarā la a tum n bao-a, t'a yaa sīd-kōta rēnd bāmb rāmba tuumā na n yāa soeesgo. (19)} [Al-Israa'u: 18-19] Wēnd le yeelame A Naam zēkyā: {La ned ning sēn wa n tum tuum sōma t'a yaa sīd-kōta, b pa na n sāam a tuuma ye, la Tōnd na n gulsa (yel-sōmd) n kō-a.} [Al-ambiyaa'u: 94 ] La Wēnde A Naam zēkame, A ka reegd tūud-rāmbā sā n ka tūudūm ninga A sēn tuk n kō-ba ye, A yeelame A Naam zēkyā: { La ned ning sēn tēed a Soabā sēgbā, bi a tum tuum sōma la a ra maan lagem-n-taar ne a Soabā baa fu ye } [Al-kahf:110]. Rēnd A vēnegame ti tuumdā ka yit sōma rāndame ti yi n yaa Wēnd sēn kō sor ti b tū wā, t'a soabā leb n yi n yaa pu-peelem soaba ne Wēnde tuumdā pugē, n yaa sīd-kōt ne Wēnde, n yaa sīdgda ne A nabiyaam-rāmbā la A tēn-tuumbā -tulgr be b yīngā- la ned ning tuumd sēn n ka boto wā Wēnd yeelame A Naam zēkyā: {Ti Tōnd nk b sēn da tuma (dūni kaanē wā) n maan-a t'a leb g wa tom sēn yelegde.} [Al-Furkaanu: 23] Wēnd le yeelame A Naam zēkyā: {Nens n be ra-kānga raarā n bendge n yaale (2) Sēn yaa tuum toog rāmba (3) B na n kēe Bugum sēn tuulle. (4)}

[Algaas̄iya: 2-4] Rēnd nen-kāensā yaa sēn bendge n yaamse tuumā keelem, la sēn n mik t'a rag n tumdame ti ka tū ne kāndagr sēn yi Wēnd nengē wā, Wēnd maaname t'a baasg yaa Bugum, bala yēnda pa tum ne būmb ning Wēnd sēn sik-a ye, la ad a tūu tūud-rāmb sēn yaa yooko, la a pug menegā zut rāmba, sēn yēbgd tūud yoodā n kōt-bā, rēnd tuum sōng ning sēn reegd Wēnd nengē wā, yaa sēn zems ne A Tēn-tuumā sēn wa ne wā -Wēnd puusg la A tigr be a yīnga- yaa wān-wāna ti ned na n wa kifl ne Wēnde la a tēed t'A na n kō-a la koere?? La ad Wēnd ka reegd ned baa a yembr sid-kūuni rēndame t-a sā n kō nabiyāam-rāmba fāa -puusg la tigr be b yīnga- sida, la a kō sida ne a Muhamade -puusg la tigr be a yīnga- tēn-tumdā. Tōnd ra togsame ti looge daliil-rāmba sēn wilgd rēnda gom-buk sōor (20), la Wēnd le yeelame A naam zēkyā: {Tēn-tuumā kōo sida ne b sēn sik n kō-a ti yaa sēn yi a Soaba nengē wā la muumin-dāmbā me, yem kam fāa kōo sid ne Wēnde la A Malęsā la A Gaf-rāmbā la A Tēn-tuumbā, tōnd pa welgd baa a yembre A Tēn-tuumbā pugē ye, la b yeele: "D wumame la d tū, d kot-F yaafa. Lebengā-zīig me yaa Fo nengē".} [Albakara: 285] . Wēnd le yeelame A Naam zēkyā: { Yāmb a sid kōtba! Kō-y sid ne Wēnd la A tēn-tuuma la Gaf ning sēn sik A tēn-tuumā zugā la gaf ning sēn da reng n sigā. La sēn kifēnda ne Wēnd la A Malęsā la A Gaf-rāmbā la A Tēn-tuumbā la yaolem wakarā sida a menma meneg sēn zāage} [Annisaa'u: 136 ] Wēnd le yeelame A Naam zēkyā: { La tēeg wakat ning Wēnd sēn deeg Nabiyaam-rāmbā pulengā -n yeel-ba-: "M sā n kō yāmb Gafo la Buudo, rē poorē ti Tēn-tuum wa yāmb nengē, n sidgd sēn be ne yāmbā, yāmb na n kōo sid ne-a? y na sōng-a?" A yeelame: " yāmb reega y zugē la y sak Mam Pulengā?" La b yeelyā: " d sakame". t'A (Wēnd) yeele: " bi y maan kaseto ti Ma me lagma yāmba n maan Kaseto".} {Aal-|mraan: 81}.

## **41- Ad Wēnd tēn-tumā fāa gilli a raabā yaa: ti sid-dīina zēk ninsaala t'a yi yamba sēn welg toore ne Wēnd A Yembre sēn yaa bōn-naands Naabā, la b yidg-a n yi ninsaal yembdo, maa arzęgs maa rog-n-mik yembdo, rēnd lıslaongā yaa wala fo sēn ne to-to wā, a ka yulgd nebā n zēk-ba n yud b zīigē wā ye, a leb n ka maand-ba ti b yaa wēn-dāmba la soben-rāmb ye.**

Ad Wēnd tēn-tumā fāa gilli a raabā yaa: ti sida dīinā zēk ninsaala t'a yi yamba sēn welg toore ne Wēnd A Yembre sēn yaa bōn-naands Naabā, la lıslaongā a yidgda ninsaala n yi yembd maanego ne arzęgsā maa rog-n-mikā yelā yembdo, Wēnd Tēn-tuuma -Wēnd puusg la A tigr be a yīnga- yeelame: « Sānem la wanzur (ligd) yamb halyā, la koaba la gāng-la-peelga (fu-bed) yamba, b sā n kō-a la a sēn yarde, la b sā n ka kō-a la a sēn ka yarde» Şahih Albuḥaarı 6435. Rēnd ninsaal sēn yaa tırğa a ka gānegda a mengā rēndame ti yaa ne Wēnde, arzēk ka tōe n kit t'a yi yamba, ka lohorem, ka zugumdu, ka buudu, la bee togs-kāngā pugē sēn pārgd n wiligd karemdā nebā sēn da be būmb ning zugā taoor ti tēn-tumdā na pa wa, la b lebga wān-wāna a waoongā poorē? Wakat ning lıslaam rāeemsā sēn wa n yik ne b dīinā n kēng Ḥabša (Etiopi), ti Ḥabša naabā wakat-kāngā -Annagεεşu- sok-ba, n yeele-ba: " Yaa bōe la dīin ninga yāmb sēn welg y nebā a poorē wā, n ka kē mam dīinē wā, la y ka kē ned baa a yembr dīinē? T'a Γεα' far |bn Abu Ṭaalib yeel-a: M naa! Ad tōnd rag n yaa neb sēn yaa zulem rāmba, n tūud rubse la d wābd gif-rāmba, la d maan yel-beedo, la d wāagd rogem, la d wēngd yak-n-taare, pāng soab tōnd pugē wā a rita ned sēn yaa valanga, ad tōnd rag n da bee woto zugu, halt ti Wēnd wa tums Tēn-tuum ti wa tōnd nengē sēn yi tōnd pugē, d mii a buudu la a sida la a bas-m-yam la a yōk-m-menga, a boola tōnd n tug Wēnde buil yīng ti d na yeem-A la d tū-A la d bas būmb ning tōnd sēn da tūudā tōnd ne d yaab-rāmbā zēng sēn ka Wēndā, sēn yaa kuga la rubsā, la a sagla tōnd ne sid goama la boabl lebsgo la rogem tōkre la yak-n-taar manegre, la d yōk d mens n yi sēn gidgā la nebā zi-rāmba, a le gidga tōnd n yi yel-beedo (yoobo) la zīri-beed gomde, la kub arzēk rubo la pag sēn yaa yōk-m-meng soab rōdbo, la a sagl tōndo ti d tū Wēnd a yembre d ra maan lagem-n-taar ne-A baa fu ye, a sagla tōnd ne puusgo la Zak yākre la no-loeere" togsda yeelame, a sōda lıslaongā yela n wilig-a, ti tōnd sidg-a la d kō sid ne-a la d pug-a a sēn wa ne būmb ningā, n tū Wēnd A Yembre, d ka maan lagem-n-taar ne-A baa fu ye, la d gidg būmb ninga a sēn gidg tōndā la d kō sor ne būmb ning a sēn kō sor ne a soaba ..." A Ahmad n yiis-a (1740) n

lagem ne yōs-taab bilfu, la a Abuu Nu'um ((Hilyat Al-awliyyaa'u)) wā pugē (1/115) koεεg-koεεga. Rēnd lislaoong yaa wala fo sēn ne wā, a ka ylg neba n zēk-ba n yug b zīgē wā ye, a ka maan-ba ti b yaa Wēnd-rāmba la soben-dāmb ye. Wēnd yeelame A Naam zēkyā: { Yeele:" yāmb a Gafā rāmba! Wa-y ti d tug gomd sēn yaa turga tōnd ne taab suka, ti d ra wa tū rēnda Wēnde, la d ra maan Lagm-n-taare ne-A baa fu la d ra nk taaba n maan soab-rāmba zēng ti pa yi Wēnd ye". La bāmb sā n ræεge bi y yeel-ba:" maan-y kaseto ti tōnd yaa lislaoomba".} [Aal-|mraan: 64.] Wēnd le yeelame A Naam zēkyā: { La a pa sagend yāmb ti y rik Malegsā la Nabiyaam-rāmba n maan soab-rāmb ye, a na n sagla yāmb ne kifēndo yāmb sēn yaa lislaoom poorē?} {Aal-|mraan: 80}. Tı Tēn-tuumā -Wēnd puusg la A Tıgr be a yīng- yeele: « ra kils-y maam wala nasaar-rāmbā sēn kils a Maryam biig a lisa wā ye, ad mam yaa A yamba, bi y yeel-y ti Wēnd yamba la A Tēn-tuumā» Şahuh Albuħaarı (3445).

## **42- Wēnd tuka tuubgā sore lislaoongā pugē, yēndame la ninsaal sēn na n lebs a menga a Soabā nengē la a bas zunuuba maanego, la lislaoongā a wurda būmb ning sēn renga taorā fāa sēn yaa zunuub-rāmba, la tuubgā sūkda būmb sēn rag n renga taoore n yaa zunuub-rāmbā, rēnd ninsaal ka tar tulsem n na n reeg a zugē ne a zunuub-rāmbā ninsaalbā taoor ye.**

Wēnd tuka tuubgā sore lislaoongā pugē, yēndame la ninsaal sēn na n lebs a menga a Soabā nengē la a bas zunuuba maanego, Wēnd yeelame A Naam zēkyā: { La tuub-y y gilli n tug Wēnd nengē yāmb a sid-kōtbā ti raar ninga y na tilge} [Annuur: 31] Wēnd le yeelame A Naam zēkyā: { B pa mi ti yaa Wēnd n reegd A yembsā tuubgu la A reegd doosā, la yaa Wēnd me la a tuubg Rεεgda n yaa a yolsg Naaba} [Attaooba: 104] Wēnd le yeelame A Naam zēkyā: { La Yē la Soab ning sēn reegd tuubgā A yembsā nengē, la A yaafd n basd yel-wēna, la A mi būmb ninga yāmb sēn tumdā } [AŞşuvraa: 25 ] Tı Wēnd Tēn-tuumā -Wēnd puusg la A Tıgr be a yīng- yeele: «Ad Wēnd sū-noog n yud ne a yamb sēn yaa sid-kōta sēn na n tuubi n leb A nengē, n yud ned sēn na n be weoog pugē sēn yaa halkr zīiga, n tara a bōn-zombdga, ti yē rubā la a koomā be a zugu, ti yē gūs n wa yiki, ti mikame ti rūngā loogame, t'a bao-a halt ti ko-yūudā wa tug n paam-a, rē poorē t'a yeele: "m na n lebgame n tug m zīig ning mam sēn da beē wā n gāonde n kell n ki beenē". T'a rik a zugā n kogl a kāngā n na n kell n ki beenē, t'a wa neke n mik t'a rūnga yaa sēn be beenē, t'a surfāntā wā la a koomā la a rubā fāa bee a zugu. Rēnd Wēnd sū-noogo ne A yamb sēn yaa sid-kōt tuubgu yuda nin-kāngā soab sūurā sēn noom ne a bōn-zombdgā la a silfāntā wā» Şahuh Muslim 2744. La lislaoongā a wurda būmb ning sēn renga taorā fāa sēn yaa zunuub-rāmba, la tuubgā sūkda būmb sēn rag n renga taorā sēn yaa zunuub-rāmbā, Wēnd yeelame A Naam zēkyā: { Yeel sōm-zıtbā ti b sā n tek n base b na bas sēn deng taorā ti loog b yīnga, la b sā n le lebg n wa, rēnd pīnd rāmbā malsm renga taor la.} [Al-anfaalu: 38] La Wēnd boola Nasaar-rāmbā ti b tuubi, n yeel, A Naam zēkyā: { B pa na n lebg n tug Wēnd nengē la b kos-A yaafa? La Wēnd yaa Bas-tı-loog soaba n yaa yolsga } [Al-Maa'ida 74]. La Wēnd kēesa kusdbā la zunuub maandebā fāa gill yamleoogo ti b tuubi, t'A yeele A Naam zēkyā: { yeele: " mam yembs nins sēn maan n zuug b mens zugā, ra n wāag-y tēeb ne Wēnd yolsga ye, ad Wēnd yaafda zunuubā zānga, ad Yēnda la a yaafg Naaba n yaa a yolsga".} [Azzumar: 53] La wakat ninga a 'Ambr |bn Al-' Aaş sēn wa n loe n wāage n na n tuubā, a yeεsame ti yē tuum tuuti sēn da loogā taoor t'a pa tuubā b ka na n yaaf ye, a 'Ambr yeelame t'a yaa sēn togsd yel-kāngā: ( Wakat ning Wēnd sēn wa n ning lislaoongā mam sūurē wā, a yeelame: m waa Nabiyaama -Wēnd puusg la A tıgr be a yīng- nengē bul yīng t'a na balem-ma, ti Nabiyaamā tēeg a nugā ti mam yeele: "mam ka na n balem foom Wēnd Tēn-tuumā hal ti f wa ti yaaf mam zunuubā sēn da reng taorā "( 'Ambr) yeelame: " ti Wēnd Tēn-tuumā -Wēnd puusg la A tıgr be a yīng- yeel maam: " 'Ambre, fo ka bāng ti higrā wā (yik ne f dīin n keng Madiinā) a yaa sēn sūkd zunuu-rāmbā sēn da reng a taorā laa? Ambre, fo ka bāng ti lislaoongā a

sūkda zunuub-rāmb sēn da reng a taorā laa?) A Muslim n yīs-a (121) woko la sēn wōnd woto, la a Ahmad (17827) la gom-billā yaa yē nengē wā.

### **43- Rēnd lslaoongā puga tōk-n-taare ninsaal ne a Soabā suka yūta turga, rēnd fo ka tar tulsem ti ned baa a yembr zīnd foo ne Wēnd suk ye, rēnd lslaoongā gidgdame ti d wa tug n rik nisaalba ti b yaa soab-rāmba, maa b yaa lagem-n-taase ne Wēnde A Soabēndā wā maa A wēndlemā pugē ye.**

Rēnd lslaoongā, a ka tar tulsem ti fo tug n togs f zunuub-rāmba ninsaalbā taor ye, rēnd lslaoongā pugē tōk-n-taarā ninsaala ne Wēnd suka a yaa būmb sēn yaa turga, ka baood tulsem n na n ning ned baa a yembre foom ne Wēnd suk ye, rēnd yaa wala sēn dag n loog gom-sull sōor (36). Tī Wēnde -A Naam yī wagelle- A boola nebā fāa gilli n tug tuubgu la lebgre n tug A nengē, la woto bala A gidga nebā ti b ra wa rik malēgsā la nabiyāam-rāmbā n maan tēng-n-sugre Yēnda ne A yembsā suk ye, Wēnd yeelame A Naam zēkyā: { La a pa sagend yāmb ti y rik Malēk-rāmba la Nabiyāam-rāmba n maan soab-rāmb ye, a na sagla yāmb ne kifēndo yāmb sēn yaa lslāam poorē? } {Aal-|mraan: 80}. Rēnd lslaoongā -wala fo sēn ne wā- a gidgdame ti d wa tug n rik nisaalba ti b yaa soab-rāmba, maa b yaa lagem-n-taase ne Wēnde, A (Rubuubiya) Soabēndā, maa A (Uluuhiya) wēndlemā pugē, Wēnd yeelame -A Naam yī wagelle- sēn kēed ne Nasaar-rāmbā wēngē: { B rika b bāngdbā la b tūudbā n maan sob-n-dāmba zēng sēn ti pa Wēnd ye, n paas a Sus-ti-maag a Maryam biigā, la b yaool n ka sagl-ba rēndame ti b tū Wēnd sēn yaa Soab yēng tāa wā, Soab sēn sōmb ne tūub ka be rēnda Yēnda, A yilgame n yi bāmb sēn maan lagm-n-taar ne būmb ninsā wā. } [Attaooba: 31] La Wēnd kusa kif-rāmbā ti bala bāmb baooda tēng-n-sugse (taasdba) bāmb ne Wēnd suka, ti Wēnd yeele A Naam zēkyā: { Ad yaa Wēnd n so dīin sēn ylēngā, La neb nins sēn gād lall-n-taas ti pa yī ne-A wā, ( n yetē): " tōnd sēn tūud-bā yaa sēn na yī ti b pēneg tōnd ne Wēnd bala". Ad Wēnd buuda bāmb ne taab suka, būmb ning pugē bāmb sēn yōs taaba, ad Wēnd pa kāndagd ned ning sēn yaa zīri-be-neda n yaa kifr ye. } [Azzumar: 3] La Wēnd vēnegame n wiligi ti ad rub-tūudbā, sēn yaa zulmā rāmbā, b ra yume n baood tēng-n-sugse, bāmb ne Wēnd suka, n yetē ti ad b pēnegda bāmb ne Wēnde. La sā n mikame ti Wēnd gidga nebā ti b ra rik nabiyāam-rāmbā la malēgsā n maan tēn-n-sugse Yēnda ne A yembsā suka, rēnd zēng sēn ka bāmba n yude, na n yū wān-wān ti nabiyāam-rāmbā la tēn-tuumbā mense -puusg la tigr be b yīnga- b yāgdame n baood pēnegre ne Naab A Wēnde, Wēnd yeelame -A Naam zēkyā- n kōt kibare nabiyāam-rāmbā la tēn-tuumbā alhaalā, tigr be b yīnga: { ad bāmb ra yume n yāgd ne tuum sōma, la b boond Tōnd ne yamleoogo la rabeem, la b rayume n yaa gāneg-m-meng rāmba ne Tōnd tūudumā } [Al-ambiyāa'u:90] Wēnd le yeelame A Naam zēkyā: {Ad bāmb sēn tūudb rāmbā bām me baooda radgo sēn yaa tuum sōma n na n pēneg b Soabā n pōs-taaba n na n ges sēn yuda ne tuum sōng bāmb sukā, la b tull A yolsgā la b yēesd A namsgā, ad fo Soabā sibgrā sōmba ne gūusgu. } [Al-Israa'u: 57] Rat n yeel ti yāmb sēn kot-b rāmb zēng ti pa Wēndā, -ti yaa nabiyāam-rāmb la nin-sōmbsā- ad bāmb mensā baooda pēnegr ne Wēnde, la b tēed Wēnd yolsgā la b yēesd a nangā; rēnd na n yū wān-wān ti b wa tug n kot bāmbā ti ka Wēnde?

**44- Seb-kāngā baasgē wā, d tēegdame ti ad nebā, b zāmaan-rāmbā sēn yōs-taaba la b tēmsā yōs-taabā la b buud-rāmbā halī n tug n tāag ninsaalbā mensā fāa gilli, mikame ti b yōsa taaba b tagsa wēngē la b tulsmē wā, n leb n yōs taaba b zīisē wā la b tuumē wā, rēnd sā n yaa woto, a**

tara tulsem wusgo ne pεεgda sēn na n togl  
bāmba la na-kēndre sēn na n tigim bāmba la  
buuda sēn na n bu-ba, la yaa tēn-tuumbā sēn yaa  
waglā -puusg la tulgr be b yīnga- bāmb n ra yās  
ne yel-kāngā, sēn tū ne tēn-tumd sēn yi Naab A  
Wēnd nengē -A Naam yilgyā- ti b peegd nebā n  
tugd sōma sore la kāndagre, la b tigimd-ba Wēnd  
Šari wā zugu, la b buud b ne taab suka ne sīda, ti  
b yellā yaa sēn tēeg turga n zemsd bāmb me  
sak-n-tū wā ne tēn-tuumbā tɛka, la bāmb me  
wakatā pēm ne Wēnd (wahı wā) tēn-tumdā. La  
ad Wēnd pidsa tēn-tuma ne A Tēn-tuma a  
Mohammad -Wēnd puusg la A tulgr be a yīnga-  
Tēn-tumdā, la A buume ti yē n na n pa, la A  
maan-a t'a yaa kādagr ne nebā, n leb n yaa  
yolsgo, la vēnem, la kāndagre n tug sor sēn  
pēnegd ne Wēnde A Naam yilgyā:

Seb-kāngā baasgē wā, d tēegdame ti ad nebā, b zāmaan-rāmbā sēn yōs-taaā la b tēmsā yōs-taabā la b  
buud-rāmbā halı n tug n tāag ninsaalbā mensā fāa gilli, mikame ti b yōsa taaba b tagsa wεεngē la b  
tulsmē wā, n leb n yōs taaba b zīsē wā la b tuumē wā, rēnd sā n yaa woto, a tara tulsem wusgo ne  
pεεgda sēn na n togl bāmba la na-kēndre sēn na n tigim bāmba la buuda sēn na n bu-ba, la yaa  
tēn-tuumbā sēn yaa waglā -puusg la tulgr be b yīnga- bāmb n ra yās ne yel-kāngā, sēn tū ne tēn-tumd sēn  
yi Naab A Wēnd nengē -A Naam yilgyā- ti b peegd nebā n tugd sōma sore la kāndagre, la b tigimd-ba  
Wēnd Šari wā zugu, la b buud b ne taab suka ne sīda, ti b yellā yaa sēn tēeg turga n zemsd bāmb me  
sak-n-tū ne tēn-tuumbā tɛka, la bāmb me wakatā pēm ne Wēnd tēn-tumdā (wahı wā). La menengā sēn  
wa n wusgā, ti zulmā gūbgā, ti b tū rubsā; Wēnd tumsa a Nabiyaama a Mohammad-Wēnd puusg la A tulgr  
be a yīnga- ne kāndagre la dīin sēn yaa sīda, buı yīng t'a na yiis nebā kfēndā ligsē la zulmā la rubsā, n  
tug sid-kūuni la kāndagrē.

**45- Rē n kite, ti m boond foom a ninsaala, ti f yik  
n yals ne Wēnd tūudmā yalsg sid-sīda, n pidg n  
yi togs-n-taare la rog-m-mikā, la f bāng ti ad foo f  
kūumā poorē f na n leba f Soabā nengē, la f ges  
fo mengē wā la wee-n-vuuga sēn be fo kiremsā,  
bi f sak n tū ti ad f paamda zunoogo f dūni wā**



**pugē la f Laahrā pugē, la fo sã n rat n kē  
 l̥s̥laoongã, ad ka be ne foom rēndame t̥ f (maan  
 kaseto t̥ soab sēn na tū n t̥lg ka be rēnda  
 Wēnde, la a Mohammad me yaa Wēnd  
 Tēn-tuuma) la f zāag f menga n yi būmb fãa sēn  
 tūudi zēng t̥ ka Wēnde, la f kō s̥ida t̥ ad Wēnde,  
 A na n yika neb nins sēn be yaadē wã, la f bānge  
 t̥ ad Geelgã la Rolbã yaa būmb sēn yaa s̥ida,  
 rēnd fo sã n maan kaset-kāngã, fo lebga  
 l̥s̥laama, rē poorē, bee ne foom t̥ f tū Wēnde, la  
 A sēn kō sor ne būmb ningã, sēn yaa Puusgo la  
 zak yãkre la no-loeere, la hagiimdu t̥ f sã n paam  
 sor n na n tug beenē.**

Rē n kite, t̥ m boond foom a ninsaala, t̥ f yik n yals ne Wēnd tūudmã yalsg s̥id-s̥ida, n pidg f meng n yi togs-n-taare la rog-m-mikã, wala Wēnd sēn bool foo A koεgã pugē n yeele -A Naam zēk-: { Yeel-ba (Tēn-tuumã): "Ad mam sagēnda yãmb ne yel yeng tãa: t̥ y yik yib-yibu la yembr-yembre, rē poorē n naag taab n tags n ges t̥ gãeemd ka tar yãmb neda ye, ad a ka y̥ rēnda bugsd bal ne yãmba n yi nong-kegenga t̥ ra wa paam yãmb ye} [Saba'u: 46] La fo leb n bāng t̥ fo kūumã poorē, f na n leb n tuga f Soaba Wēnd nengē, Wēnd yeelame A Naam zēkyã: { La pa be ne ninsaala rēnda a sēn tumã (39) La a tuumã a na n yã-a lame. (40) rē poorē t̥ b roal-a rolb sēn pidi (41) La yaa fo Soabē wã la t̥k z̥iiga. (42) [Annagmu :39-42] La f ges f mengē wã, la wee-n-vuugã sēn be fo kuremsã, Wēnd yeelame A Naam zēkyã: {Rē yīnga bāmb ka tagesdē n ges Wēnd soolemã sēn be saasē la tēng pugē wã la wēnd sēn naan buudã fãa wã laa? La b le ka ges me t̥ tōe t̥ b sasã wã kolgame t̥ bāmb tōe n kiime n pa paam n kō s̥id laa? la yaa gom bus la b na n kō s̥ida Alkurāanã loogr poorē.} [Al-a'raafu: 185] B̥ f sak n tū, t̥ ad f paamda zunoogo dūni la Laahre, la fo sã n rat n kē l̥s̥laoongã, ad ka be ne foom rēndame t̥ f (maan kaseto t̥ soab sēn na tū n t̥lg ka be rēnda Wēnde, la a Mohammad me yaa Wēnd Tēn-tuuma. La wakat ning Tēn-tuumã -Wēnd puusg la A t̥lgr be a yīnga- sēn wa n tum a Mu' aaz Yamanã, t'ã yaa boonda n tug l̥s̥laangã a yeel-a lame: « Ad fo reeda neb sēn yaa Gaf a taabã rāmb nengē, b̥ f bool-ba n tug t̥ b maan kaset t̥ soab sēn na n tū n t̥lg ka be rēnda Wēnde, la mam yaa Wēnd Tēn-tuuma, b sã n sak n tū rēnda, b̥ f wilg-ba t̥ Wēnde -A Naam z̥isgame n yaa wagelle- A maaname n rogl bāmba wakat a nu raar fãa la yung pugē. B sã n tū rēnda b̥ f wilg-ba t̥ ad Wēnde -A Naam z̥isgame n yaa wagelle- A maaname n rogl bāmba zaka b arzεgsã pugē, t̥ b reeg b rakãpē wã n lebs b talsē wã. B sã n sak n tū rēnda, b̥ f gūus f menga ne b arzεg waglã» Şahıh Muslim 19. la f zāag f menga n yi būmb fãa sēn tūud zēng t̥ ka y̥ ne Wēnde, la f zāag f menga n yi būmb fãa sēn tūud t̥ ka Wēndã, yēnda la d̥iin turgã sēn yaa Nabiyaama a l̥braahum d̥iina -t̥lgr be a yīnga- Wēnd yeelame A Naam zēkyã: { S̥id la hakuka togs-n-taar sēn be neere z̥inda ne yãmba a l̥braahum yellã pugē la neb nins sēn lagm-a wã, b sēn wa n yeel b nebã: "tōnd yaa zāagdb ne yãmba la būmb ning yãmb sēn tūud t̥ pa Wēndã, tōnd k̥fla ne yãmba, la beem la gēeg vēnega tōnd ne yãmb suka lae lae, halt t̥ y wa kō s̥id ne Wēnd a Yembre } [Almumtah̥ina: 4] La f kō s̥id t̥ ad Wēnde, A yikda neb nins sēn be yaadē wã, Wēnd yeelame A Naam zēkyã: { Woto t̥ bala yaa Wēnd la S̥idã, la yaa Yēnd n vuugd k̥u-rãmba, la a yaa tūuda ne būmb a fãa(6) La ad dūni yikrã yaa sēn wate sik ka a pugē ye, la ad Wēnd na n yika neb nins sēn be yaadē wã.(7) } [Al-hağ: 6-7] La ad Geelgã la Rolbã yaa būmb sēn yaa s̥ida, Wēnd yeelame A Naam zēkyã: { la Wēnd naana saasã la tēngã ne s̥ida, la sēn na rol y̥oor fãa gilli a sēn tume, t̥ bāmb yaa b sēn pa wēgd-b rãmba.} [Algaat̥ya: 22]

Rënd fo sã n maan kaset-kãngã, fo lebga Iıslaama, rē poorē bee ne foom ti f tũ Wēnde, ne A sēn kō sor  
ne bũmb ningã, sēn yaa Puusgo la zak yãkre la no-loeere, la hagiimdu ti f sã n paam sor n na n tug  
beenē, la zēng sēn ka rēnda.

Gafã guls-kãngã b yiis-a la wakat 19-11-1441

Yaa karen-saam bedrã a Muhammad [bn Abdullaah Assuhaim n guls-a

Loεεgã (Wēnd yembgã) bãngr karen-saamba Iıslaoongã karengã bukē ( sēn da looge)

Karen-do bedre (Fakilte) sēn geta wubrã yelã n be a naab a Su' uud karen-do zakē wã (Inversite).

Rıyaade, Arabı Saoodit tēngã

## Lislaoongã

Toagsg sên kuug koεga sên wiligd Lislaoongã wala a sên wa Alkurāan wagellā la Nabiyaamā sunnah pugã

- 1- Lislaoongã yaa Wënd tēn-tumde n tug nebã fãa gill nengē, rēnd yēnda la Wënd tēn-tumd ningã sên duumdã, sên wa n pids Wënd tēn-tumã fãa gilli:
- 2- La lislaoongã ka dīin sên welge n kō buud toore maa neb toor ye, ad a yaa Wënd dīin n kō nebã fãa gill kep.
- 3- Lislaoongã yē la Wënd tēn-tumd ningã sên wa n pids nabiyaam-rāmbã la tēn-tuumbã sên reng taoorã tēn-tumã n tug b nebē wã. puusg la tigr be b yīnga.
- 4-Nabiyaam-rāmbã -tigr be b yīnga- b dīinã yaa a yembr tãa la b tūudmã soya yōsa taaba:
- 5- Lislaoongã boondame n tugdē -wala nabiyaam-rāmbã fãa sên bool n tugã: a Nuuh la a [brahum la a Musa la a Sulaymaan la a Daawud la a Isa tigr be b zugu - n tug kō-sida ti ad Soabã Yēndã la Wēnde, n yaa a Naandã, n ya a Rilgda, sên vumsde la A kuuda, n ya a Naamã Soaadã, Yēndã me n kēnesd yelã, n yaa a nimbāan-Zoata, n yaa a Yolsda.
- 6- Wēnde, A Naam yulgame n zēke Yēnda la-a Naanda, Yē me n sōmb ne tūudmã Yē a yembr tãa, la b ra tug n tū n lagem-A zēng sên ka Yē ye.
- 7- Wënd la Naanda bumb ning sên be dūni wã fãa, tōnd sên ne la d sên ka ne, la zēng sên ka Yē yaa bōn-naandga sên be a bōn-naandsã pugē, la A naan saasã la tēngã rasem a yoob pugē
- 8- La Wēnde, A Naam yulgame n zēke, a ka tar lagem-n-taaga A Naamē wã maa A naanegē wã maa A kordgē wã maa A tūudmē wã ye.
- 9- La Wēnde, A Naam yulgame, A ka roge, b ka rog-A, A ka tar mams-n-taaga, A ka tar bilg-n-taaga.
- 10- La Wēnde, A Naam yulgame n zēke, A ka sigd bumb pugē, A ka lebgd yīng soaba n kē bumb pugē baa fuɪ sên yi A sên naana pugē ye:
- 11- Wēnde -A Naam yulgame n zēke- A yaa nimbāan-Zoata n yaa Yoalsda ne A yembsã, rē n kit t'A tum tēn-tuumbã, la A sik Gaf-rāmbã.
- 12- Wënd la Soab sên yaa Yolsda, Yēnd A Yembr tãa n na n geel yembsã Dūni wã yikr raarã, wakat ning A sên na n yik-b fãa b yāadē wã, n rol ned fãa a sên tumã, sōma la wēnga. Rēnd ned ning sên tuma n yaa sid-kōta, yē soab tara neema sên duumdi, la ned ning sên kifla la a tum wēnga, yē tara nong sên yaa bedre yaolem raarã.
- 13- Wēnde -A Naam yulgame n zēke- A naana a Adama ne tom, n maan a koambã ti b fugdē yē loogr poorē, rēnd nebã fãa gilli, b yēgrã yaa yembre, yudlem ka be ne kōbgo n yud kōbg a to ye, (yudlem) ka be ne neba neb a taab zugu ye, sã n ka ne Wēn-zoεeg bala.
- 14- La biig fãa rogda Rog-ne wã ( Lislaoongã) zugu.
- 15- La ned ka be ninsaalbã pugē n rogdē t'a yaa tudgda maa a rik a to tudgdr faad ye:
- 16- La nebã naanegã vōorã yaa: Wënd tūudmã Yē A Yembre:
- 17- Lislaoongã waooga ninsaala - b rap la b pagba- la a leb kō-a a hake-rāmba gilli, la a maan-a ti b na n sok-a a sên tūus yel ninsã fãa gilli la a tumã fãa gilli la a manesmä fãa, la a tukd-a tum ning fãa sên na n nams a mengã, maa sên namsd neb a taaba.
- 18- La Lislaoongã maana rapa la pagbã ti b yaa yembre, sã n yaa ne tumã wεengē, la sakrã la rolbã la yel-sōmdã wεengē
- 19- Lislaoongã waooga paga la a maan ti pagbã b yaa rapa begse tumã wεengē, la a rogl rawa rilgrã t'a sã n yaa tōog soaba, rēnd bi-pugl rilgre zao a ba, ti ma wã rilgr zao a biigã t'a sã n yaa kāsma n tar tōogo, ti pag rilgre zao a sida.
- 20- La kūumã ka yēnda la seεb ning sên ka tar tεakã ye, ad a yaa bumb sên yaa tedgre, n na n yi tum zakē n na n kēng rolb zakē, la kūumã a rikda yīngã la yōorã fãa, la yōorã me kūum yaa a sên na wa welg n bas yīngã, rē poorē a lebgd n waa yīngē wã b sên wat n na n yik nebã dūni yikr raarã. La yōorã ka bumb sên toeemde kūumã poorē n kēng yīnga a to ye, a leb n ka kēed yīng a to.
- 21-Lislaoongã boondame n tug ti b kō sida ne kō-sidã yēga sên yaa b bed-bedã, bāmb me la kō-sid ne Wēnde la A malegsã la Wënd Gaf-rāmbã, wala Taoraat la Lingiila la Zaburi, -taoor ti b yibã b na ka toeem-ba, la Alkurāanã, la kō sida ne Nabiyaam-rāmbã fãa la Tēn-tuumbã, tigr be b yīnga, la leb n kō sida ne b Pidsdã a Muhammad, sên yaa Wënd Tēn-tuumã, sên yaa Nabiyaam-rāmbã la tēn-tuumbã Pidsda, la kō sid ne Yaolem raarã. La d bāng ti ad dūni vumã, sã n da yaa yē la tεka, d mikdame ti vumã la belmã yaa bumb sên yaa reem bala. la d leb n kō sida ne Wënd Buudã la A Pulengã.
- 22-La nabiyaam-rāmbã, b gū-b lame n yi tudgri, tigr be b yīnga, bumb ning fãa b sên taasdã ti yi Wënd nengē wã, b leb n gū-b lame n yi tudgri n yi bumb fãa sên yōsg yam maa zug-sōngo, la nabiyaam-rāmbã, b rogl-b lame ti b taas Wënd saglsã A yembsē wã. La nabiyaam-rāmbã b ka tar baa fuɪ sên yaa wala

Rubuuhiya ( Soolem) maa Uluuhiya (Sobendem). Ka woto ye, bāmb yaa yīng rāmb bala, n wōnd nebā fāa gilli, ti Wēnd tumsd A tēn-tuumdā ti kēngd b nengē.

23- La lslaoongā boondame n togd Wēnd tūubu A Yembre, ne tūudmā yēg nins sēn yaa b bēd n ti yudā, bāmb me la: Puusgā: sēn yaa yasgo, la sulgri (Ruku), la suguudu la Wēnd Yuur tēegre, la A pēgbo, la kosgo. Ninsaal puusd-b la raar fāa noor a nu, la yud-taabā fāa sata a pugē, rēnd rakāagre la talga la naaba la sēn ka naaba, fāa bee rulg a yembr zugu puusgā pugē. La Zakā: Yē me yaa sōor sēn yaa bilfu sēn yi arzēkē wā, n zems ne sart-rāmba, la sōor ningā Wēnd sēn yāke, ti yaa tlae n be rakāagbā arzēgsē, ti b yiisd n kōt talse la zēng sēn ka bāmba. Yaa vugr tāa yuum pugē. La no-loeerā: Yē me la yōk-m-menga n yi bōn-kaoodi Ramadaanā kiuuga wīntoogā pugē, a yaa būmb sēn wubd yōorā ne raabo la sugri. La hagiimdā: Yē me la Wēnd Roogā togldo sēn be Mak sēn yaa tēn-wagellā, noor vugri yōorā woglem pugē, ti zao sēn yaa tōog soaba n tōe n kēnge, la hagiimdā pugē, nebā fāa zemsa taaba ti b yaa sēn togl Naandā -A Naam yilgyā- ti yud-taabā la zugundā yelā fāa menemda beenē ti b lebg būmb a yembre.

24- La sēn welgd tūud-rāmbā lslaoonga puga n tug n yud, yaa t'a yalē-rāmbā la a wakat-rāmbā la sart-rāmbā, yaa Wēnd n tuk-b -A Naam yilgame n zēke- la A sēn taas A Tēn-tuumā, Wēnd puusg la A tigr be a yīnga, ti ninsaalbā ka kēes b toag a pugē ye, zem ti yaa paasgo maa boogre, n wa tāag rūnda, rēnd tūud-kāensā fāa gill sēn yaa bēd-bēdā, tēn-tuumbā fāa boolame n tug-a, tigr be b yīnga.

25- Lslaoongā Tēn-tuumā, yē la a Muhammad n yaa a Abdullaah biiga, n yi a [smaa' ul sēn yaa a [braahum biigā pendē -puusg la tigr be b yīnga- a roga Maka, yuum 571 nabi lisa rogmā poorē, b tums-a lame t'a be Maka, t'a yik rē poorē n kēng Madiina, la a ka lagem a nebā rubsā tūub yelē ye, la a rag n yume n lagemd-ba tuum sōmbs a taaba sēn yaa waglā pugē, a rag n yume n be zugd sēn yaa zisd pugē, taor ti b na n ka tums-a ye. La a nebā rag n yume n da boond-a t'a Lamin (bas-m-yam soaba). Wēnd tums-a lame a sēn wa n ta yuum pis naase (40). La Wēnd keng a boollā ne tagmas-rāmba (yel soalem-rāmba) sēn yaa zisdo, la sēn tug n yuda yaa Alkurāan wagellā, yē me la nabiyaam-rāmba tagmas-rāmb zislem sēn tug n yuda, yē me la tagmas ning sēn pa n ketē sēn yi nabiyaam-rāmbā tagmas-rāmbē wā n na n tug n tāag rūnda. La Wēnd sēn wa n tug n pids dīinā n kō-a wā, Tēn-tuuma -Wēnd puusg la A tigr be a yīnga- a taas-a la taasg tekē. A maana kaalem t'a yuumā yaa pis yoobe la a tāabo (63) ti b mum-a Madiin sēn yaa Nabiyaamā tēngē wā Wēnd puusg la A tigr be a yīnga .La Tēn-tuum a Muhammade -Wēnd puusg la A tigr be a yīnga- yēnda la nabiyaam-rāmbā la tēn-tuumbā Pidsda, Wēnd tums-a lame ne kāndagre la sid dīin sēn na yl t'a yiis nebā rubsā tūudum likē la kifēndā la zulmā n tug Wēnd yembgā vēenemē la sid-kūuni. La Wēnd maana kaset a yīnga t'A tums-a lame t'a yaa boaanda n tug Wēnde ne Wēnd tōogo.

26- La lslaoongā sari wā Tēn-tuum a Muhammad -Wēnd puusg la A tigr be a yīnga- sēn wa ne-a wā, yaa yēnd n pidsd Wēnd tēn-tuum-rāmbā fāa gill Sari-rāmba, yē me yaa Sari sēn pidi, nebā dīina la b dūni wā manegr be a pugē, yē me gūusda nebā b dīin-rāmba la b zi-rāmba la b arzēgse la yamā la b koambā, yē me n yēes Sari-rāmb fāa sēn reng taoore, wala sari-rāmb nins me sēn da reng taorā sēn yēes taabā.

27-La Wēnde, A Naam yilgame n zēke, A ka reegd dīini sā n ka lslaoongā dīin ye, ning A Tēn-tuum a Muhammad Wēnd puusg la A tigr be a yīnga sēn wa ne wā. La ned ning sēn wa n tug n kē dīin sēn ka lslaoongā A ka na n tol n reeg a yīng ye.

28- Alkurāan wagellā, yēnda la gaf ning Wēnd sēn tums-a n tug A Tēn-tuumā a Muhammad -Wēnd puusg la A tigr be a yīnga- nengē, a yaa bon-naands Naaba goam me, Wēnd geesa ninsaalb la zīn-rāmba ti b wa ne a buudu, maa Suura sēn wōnd wala a suura-rāmba buud bala, la geesgā ka bak n ket n be n tāag rūnda, la b ka tōog n wa ne-a ye. La Alkurāan wagellā, a loegsda sogsg wusgo, sēn yirbd ned tus-kēems wusgo. La Alkurāan wagellā yēnda yaa Wēnd sēn gū n yi toeeng buudu n tug n wa tāag rūnda ne Laarabiimd ningā a sēn sig ne wā, Baa gom-bil a yembr ka boog beenē ye. A yaa būmb me sēn wē n yiisi, yaa gaf sēn yaa bedre n ka tar to, ti sōmb ti b karem-a, la b lebg a maanā-rāmbā ne buud a taabā goam. Yaa wala Tēn-tuumā a Muhammade -Wēnd puusg la A tigr be a yīnga- Sunnā me -Wēnd puusg la A tigr be a yīnga- la a sēn wilig yel ninsā, la a vumā yellā, bāmb me yaa būmb b sēn gūusi n tall-a sēn tū ne toagsdb n yaa b sēn maan-b rāmb bas-m-yam halt ti wa tug n ta tōndo, yē me yaa būmbu b sēn wē n yiis ne Laarabiimd ning Tēn-tuumā sēn goma -Wēnd puusg la A tigr be a yīnga- a yaa būmb me b sēn lebg ne buud-rāmb goam wusgo. La Alkurāan wagellā ne Tēn-tuumā Sunnā-Wēnd puusg la A tigr be a yīnga- yaa bāmbā b yībā la yēgr a yembr tāa b sēn yākd lslaoongā buudā la a Sāri-rāmbā a pugē, rēnd lslaoongā a ka būmb sēn reegde neb nins sēn yet ti b yaa lslaambā mansmā pugē ye, la ad a yaa būmb sēn reegd n yi Wēnd wahē wā: Alkurāan wagellē wā la Nabiyaamā Sunnē wā.

29- La lslaoongā sagenda ne manegre n tug roagdb a yībā, baa ti b sā n yume n ka moeemba, a leb n sagendame ti b rik na-kēnd sōngo ne koambā

30- Lslaoongā sagenda ne tēeg-tirga goamā la tuumā pugē, hal n tug n tāag ne bēebā fāa.

31- La lslaoongã sagenda ne manegre n tug bõn-naandsã gilli, n leb n boondẽ n tugd zug wagla la tum sõmbse.

32- La lslaamdã sagenda ne zug sõmbse, wala sida, la bas-m-yam, la boabl legsgo, la yõk-m-menga, la yãn-zoεεga, la raodo, la kũuni, la kõ-yalengo, la tulsemo-rãmb sõngre, la pakr sãn pak-b rãmb fãagre, la koamdeg rlgre, la yak-n-taar manegre, la rogem tõkre, la maan bug-bug ne rùm mugsã.

33- La lslaoongã kõo sor ti b ri ri-yilmã fãa, sãn yaa rubo la bõn-yũudi, la a sagle ti b ylg sũyã la yĩnga, la zaka, rẽ n kite t'a kõ sor ne fur loεεga wala nabiyaaam-rãmbã sãn sagl ne rẽnda wã -tlgr be b yĩnga- bala b sagenda ne bũmb fãa sãn yaa ylenga.

La lslaoongã gidga haraamã yẽga, wala lagem-n-taar ne Wẽnde, la kifẽndo, la rubs tũubu la yeel Wẽnd zugu fo sãn ka mi, la koam kuvbo, la ku yõor ninga Sari wã sãn ka kõ sore ti b ku, la sãoong tẽngã puga, la tum, la yel-beedo a sãn vẽneg la sãn solg fãa, la yoobo la rap kãed-n-taar ne taaba, la A gidg Ribaaaga la gif wãbre la bũmb ning b sãn kodge rubs yĩnga, la a gidg kukur nemd wãbre la rãgd-rãmbã fãa gilli, la a gidg kub arzek rubo, la boogre vugbẽ wã la magbẽ wã, la a gidg rogem wãagre. Nabiyaaam-rãmbã fãa gill zemsã taaba ne haraam-kãensã gidgre.

35- Lslaoongã gidgdame n yi zug-wẽnse, wala zĩri-beedo la wẽgbo, la zãmba la belgre la sũ-kiiri la rab-wẽnse la wagdem la maan-n-zuuge la wẽgbo, la a gidgda zug-wẽng buudã fãa gilli.

36- Lslaoongã gidgda ligda tum-n-taar ning rbaag sãn be a pugẽ, maa namsgo, maa belgre, maa wẽgdo, maa zãmba, maa a yita sabab n wa ne sãanga la namsgo n gũbgd zãmã wã la nebã yembr-yembre.

37- Lslaoongã waame n na n wa gũus yamã, la a gidg bũmb fãa sãn sãam yamã, wala rãam yũubu, la sãri wã zẽka yamã yelle, n maan ti yaa yẽnda la tumã roglg zĩiga, n yidg-a n yi rog-m-mikã la kifẽnd yelã bãeensã, la ka be lslaamdã puga sãn yaa yel-soaandi maa buud-rãmba sãn welg ne neb toore ti ka tũ ne neb a taab ye, ad a Buud-rãmbã fãa la a Šari-rãmbã fãa yaa sãn zemsd ne yam sõmbasã, yẽ me la bũmb sãn zemsd ne tẽeg turga la yam beedã yãobã.

38- La dĩin yoodã, b pugdbã sã n ka bãng bũmb ning sãn be a pugẽ sãn kusd taabã la yel nins sãn ka kãed yamã, la b dĩinã taoor-rãmb sãn liibd-ba n yetd-b ti ad dĩinã a yuda yam tagsgo, yama me ka tar toaaga dĩinã fasẽng pugẽ ye. La sã n yaa lslaoongã a rika dĩinã ti yaa vẽnem n wõond yamã t'a rikd a sorã, rẽnd dĩin yoodã rãmba b ratame ti ninsaal bas a yamã la a pug bãmba, la lslaoongã a ratame ti ninsaal nek a yamã sãn na yl bãng yelã meng hakukã wala a sãn yaa to-to wã.

39- Lslaoongã zisgda bãng sõngo la a leb n pirsd bãngr pẽesgo, pẽesg ning sãn lak n yi yõor yam-leoog bãngrã, la a boondẽ n tugd tags-n-gesga la tagsgo tõnd mengã pugẽ la bõn-naandsã sãn be tõnd kirengã, la bãngr pẽes n bãngã sã n mange a pa yõssgd ne lslaoongã ye.

40- La ad Wẽnd ka reegd tumde, A leb n ka kõt yel-sõmd a pugẽ, yaolem raarã sã n ka mikame ti yaa ned sãn kõ sid ne Wẽnde la a tũ-A la a kõ sid ne A tẽn-tuumba, puusg la tlgr be b yĩnga, A leb n ka reegd tũud-rãmbã sã n ka bũmb ninga A sãn tuk n kõ-ba ye. Rẽnd na n yu wãn-wãnã ti ninsaala kifl ne Wẽnde la a tẽed t'A na n kõ-a lame? La a ka reegd ned baa a yembr sid-kũuni sã n ka mikame t'a kõo sid ne nabiyaaam-rãmbã fãa gill ye -puusg la tlgr be b yĩnga- la a kõ sid ne a Muhammad tẽn-tumã, Wẽnd puusg la A tlgr be a yĩnga.

41- Ad Wẽnd tẽn-tumã fãa gilli a raabã yaa: ti sid-dĩina zẽk ninsaala t'a yi yamba sãn welg toore ne Wẽnd A Yembre sãn yaa bõn-naands Naabã, la b yidg-a n yi ninsaal yembdo, maa arzẽgs maa rog-n-mik yembdo, rẽnd lslaoongã yaa wala fo sãn ne to-to wã, a ka yilgd nebã n zẽk-ba n yud b zĩigẽ wã ye, a leb n ka maand-ba ti b yaa wẽn-dãmba la soben-rãmb ye.

42- Wẽnd tuka tuubgã sore lslaoongã pugẽ, yẽndame la ninsaal sãn na n lebs a menga a Soabã nengẽ la a bas zunuuba maanego, la lslaoongã a wurda bũmb ning sãn renga taoorã fãa sãn yaa zunuub-rãmba, la tuubgã sũkda bũmb sãn rag n renga taoore n yaa zunuub-rãmbã, rẽnd ninsaal ka tar tulsem n na n reeg a zugẽ ne a zunuub-rãmbã ninsaalbã taoor ye.

43- Rẽnd lslaoongã puga tõk-n-taare ninsaal ne a Soabã suka yita turga, rẽnd fo ka tar tulsem ti ned baa a yembr zĩnd foo ne Wẽnd suk ye, rẽnd lslaoongã gidgdame ti d wa tug n rik nisaalba ti b yaa soab-rãmba, maa b yaa lagem-n-taase ne Wẽnde A Soabẽndã wã maa A wẽndlemã pugẽ ye.

44- Seb-kãngã baasgẽ wã, d tẽegdame ti ad nebã, b zãmaan-rãmbã sãn yõs-taaba la b tẽmsã yõs-taabã la b buud-rãmbã hal n tug n tãag ninsaalbã mensã fãa gilli, mikame ti b yõsa taaba b tagso wẽngẽ la b tulsmẽ wã, n leb n yõs taaba b zĩisẽ wã la b tumẽ wã, rẽnd sã n yaa woto, a tara tulsem wusgo ne pẽegda sãn na n togl bãmba la na-kẽndre sãn na n tigim bãmba la buuda sãn na n bu-ba, la yaa tẽn-tuumbã sãn yaa waglã -puusg la tlgr be b yĩnga- bãmb n ra yãs ne yel-kãngã, sãn tũ ne tẽn-tumã sãn yi Naab A Wẽnd nengẽ -A Naam yilgyã- ti b peegd nebã n tugd sõma sore la kãndagre, la b tigimd-ba Wẽnd Šari wã zugu, la b buud b ne taab suka ne sida, ti b yellã yaa sãn tẽeg turga n zemsd bãmb me sak-n-tũ wã ne tẽn-tuumbã tẽka, la bãmb me wakatã pẽem ne Wẽnd (wahũ wã) tẽn-tumã. La ad Wẽnd

pidsa tēn-tumā ne A Tēn-tuuma a Mohammad -Wēnd puusg la A tūgr be a yīnga- Tēn-tumdā, la A buume ti yē n na n pa, la A maan-a t'a yaa kādagr ne nebā, n leb n yaa yolsgo, la vēenem, la kāndagre n tug sor sēn pēnegd ne Wēnde A Naam yūgyā:

45- Rē n kite, ti m boond foom a ninsaala, ti f yik n yals ne Wēnd tūudmā yalsg sūd-sūda, n pidg n yi togs-n-taare la rog-m-mikā, la f bāng ti ad foo f kūumā poorē f na n leba f Soabā nengē, la f ges fo mengē wā la wee-n-vuuga sēn be fo kiremsā, bi f sak n tū ti ad f paamda zunooogo f dūni wā pugē la f Laahrā pugē, la fo sā n rat n kē lislaoongā, ad ka be ne foom rēndame ti f (maan kaseto ti soab sēn na tū n tūg ka be rēnda Wēnde, la a Mohammad me yaa Wēnd Tēn-tuuma) la f zāag f menga n yi būmb fāa sēn tūudi zēng ti ka Wēnde, la f kō sūda ti ad Wēnde, A na n yika neb nins sēn be yaadē wā, la f bānge ti ad Geelgā la Rolbā yaa būmb sēn yaa sūda, rēnd fo sā n maan kaset-kāngā, fo lebga lislama, rē poorē, bee ne foom ti f tū Wēnde, la A sēn kō sor ne būmb ningā, sēn yaa Puusgo la zak yākre la no-loeere, la hagiimdu ti f sā n paam sor n na n tug beenē.